

প্রথম প্রকাশ : জ্যৈষ্ঠ ১৩৬২
প্রচ্ছদশিল্পী : পৃথ্বীশ গঙ্গোপাধ্যায়

প্রকাশক : গোপীমোহন সিংহরায়, ভারবি, ১৩।১ বঙ্কিম
চাট্‌জ্যে ট্রিট, কলকাতা ১২ ॥ মুদ্রক : শ্রীনিশিকান্ত হাটই,
ভূবার প্রিণ্টিং ওয়ার্কস্, ২৬ বিধান সরণী, কলকাতা ৬

নিজের কবিতার ভূমিকা লিখতে চাই না। শিল্পের মধ্য দিয়ে ভাব, তথ্য, রূপের শিল্পিত প্রকাশ। সৃজিত আবহাওয়ায় কাব্যসংগ্রহ একটি অথও আঙ্গিক পরিচয় বহন করবে এই ভরসাকে কবির স্পর্শ বলব না, অঙ্কলিত সমর্পণের আখ্যা দেব। দীর্ঘকাল বাংলা ভাষায় কবিতা রচনা করেছি— সংখ্যা কম, কিন্তু বহু দশকের সঙ্গে তার ইতিহাস জড়িত। কালের বিচারই মেনে নেব— প্রকাশের মূল্য কী তা জানি না। যারা এই কবিতা চয়ন এবং গ্রহণের ভার নিয়েছেন তাঁরা আমার বন্ধু। দূরবাসী বাঙালিকে তাঁরা বিশ্বস্ত হন নি, বঙ্গবাণীর বেদীতে এই কাব্য পৌছে দিয়ে আমাকে বহুমানিত করেছেন। তাঁদের এবং বাংলা দেশের পাঠক-পাঠিকাকে দিগন্তের বাধা পেরিয়ে আমার প্রীতি জানাতে চাই।

অমিয় চক্রবর্তী

সূচিপত্র

থ স ড়া

যৌগিক ১৩

সমুদ্র ১৩

ঘর ১৪

এ ক মুঠা

সঙ্গ ১৫

১ বুড়ি ১৬

সংসার ১৭

১ চেতন স্রাক্রা ১৮

মা টি ব দে ঝাল

শঙ্করাভরণ ২০

প্রবাসী ২১

বিধুবাবুর মতো ২২

১ বড়োবাবুর কাছে নিবেদন ২৩

উৎকল ২৪

অ ভি জ্ঞান ব সন্ত

বজ্রোপমাগর ২৫

চীনে বড়ো ২৬

কোথায় চলেছ পৃথিবী ২৭

সংগতি ২৮

আটপৌরে ২৯

রাত্রিযাপন ৩১

বসুধা ৩২

দূর ষা নী

আয়না ৩৪

যাজ্ঞিক উনোন ৩৬

আরণ্যক ৩৭

কার্তুরিয়া ৩৮

খাণ্ডালার দেবমন্দিরে ৩৮

পা রা পা র

মাটি ৪০

শিল্প ৪১

বিনিময় ৪২

ফিরব না ৪৩
 বৈদাস্তিক ৪৪
 ওক্কাহোমা ৪৫
 সাবেকি ৪৫
 ১৩৫০ ৪৬
 সনেট ৪৭
 সত্যাগ্রহ ৪৮
 ফ্রাইবুর্গের পথে ৫১
 সমুদ্রে ৫২
 চিরদিন ৫৩
 বৃষ্টি ৫৪
 পিপড়ে ৫৫

পালা - বদল

এপারে ৫৫
 সমাবর্ত ৫৭
 এম্পাচোল ৫৭
 সংলাপ ৫৯
 ঈস্ট রিভার ৬০
 সঙ্গ ৬২
 অ্যান আবার ৬৪
 রাত্রি ৬৫
 মিলন দিগন্ত ৬৫
 ইতিহাস ৬৬
 Zen-ধরনে ৬৮
 পদাবলী ৬৯
 দয়িতা ৭০
 দিঘি ৭১

ঘরে - ফেরার দিন

আফ্রিকা স্বাক্ষর ৭১
 পতুগীজ আঙ্গোলা ৭৩
 কংগো নদীর ধারে ৭৪
 সান্টা মারিয়া দ্বীপে ৭৫
 ক্রান ১২৫৫ ৭৬
 পর্ষবসিত ৭৭
 আন্তর্জাতিক ৭৮
 দ্বীপাবলী ৮০

ঔ কুতং স্মর ৮০
দিনান্ত ৮১
রাত্রি ৮১
সংবিৎ ৮২

সাপ্টা টেরেসা ৮২
চতুর্দশপদী ৮৪
কাব্য প্রবাহিতা ২০
চলতি (অংশ) ২১
অদৃশ্য ২১
একবার ২২
সান্নিধ্য ২২
গ্রামে ফিবে ২২
আস্তিক ২৩
চিরদিনেব ২৩

দুই প্রত্যহ ২৪
দ্বীপান্তরে ২৫
একটি স্মৃতি ২৫
সন্ত অ্যালবার্ট ২৬
। সাহারার ওপারে ২৮
একবার ২৮
ক্ষতিপূরণ ২৯

হা রা নো অ কি ড

ওড ১০১
দিনযাপন ১০৩
বুনো সংসারে ১০৪
নাচঘরে ১০৭
রবিবার ১০৭
বিচিত্র সংসার ১০৮
দূরে ফেরার দিন ১০৯
যুক্তি ১১০
। সোয়াইট্জরের মহাপ্রয়াণে ১১১
লিরিক-কণিকা ১১৩
যে-কোনো ১১৩
হারানো অর্কিড ১১৪

পুলিত ই মে জ

নির্গম ১১৬
পশ্চিম শহরে ১১৮

উৎসব ১২২

যুগের পথ ১২২

শোভাস্বিনী ১২২

অ ম বা ব তী

অস্তিক ১২৩

চতুরঙ্গ ১২৩

গানের গান ১২৬

গানের সুরে ১২৭

প্রণয়ী ১২৮

শৈলপত্র ১২৯

অমরাবতী ১৩০

১ ভগ্নী নিবেদিতা ১৩০

আঁচল ১৩১

অ গ্র স্থি ত ক বি তা

বাসা-বদল ১৩৩

বাংলা দেশ ১৩৪

মাটির ডেরা ১৩৬

এর্নাকুলম ১৩৭

দারিয়া ১৩৮

অ স্ত্র বা দ

ঈশ্বর : ইকবাল ১৩৯

মানব : ইকবাল ১৩৯

শেখ-ই-মজাদিদ-এর সমাধিতে : ইকবাল ১৩৯

দুঃখ দেখে দুঃখ আসে : ভাই বীরসিং ১৪০

স্বাধীন ইচ্ছা : ভাই বীরসিং ১৪০

দহন : ভাই বীরসিং ১৪১

ফ্রান্সের ট্রেন : উইনিফ্রেড হোলটবি ১৪১

এক্সপ্রেস ট্রেন : স্টিফেন স্পেণ্ডার ১৪২

পশ্চিমী সমাধিক্ষেত্র : আরভিড শুলেনবার্গার ১৪৪

গ্রন্থপঞ্জি ১৪৭

অমিয় চক্রবর্তী ১৪৯

অমিয় চক্রবর্তী
শ্রেষ্ঠ কবি

যৌগিক

মেলাবার দৈব । কী চায় ? জীবন্ত মাটি,
মিলেছিল তাতে বীচি, রোদ, বলদ-আনা জল,
আকাশের জল ; আল-দেওয়া খণ্ড মাঠে
রৌদ্রবলয় ঘিরল একদা কাঁচা শস্ত, সোনার থাল—

ভরা-পাকা ধান ; হলুদ সর্ষে । কাজ, কত লোকের,
যুগের চেষ্টা জড়ানো আমার ছপুর-ভরা কাজ ।
অকেজো মাসে গরু চরেছে মাঠে, দেখি বাঁকের
আলপথে লোক চলেছে, দূর মন্দিরের উঠেছে ধ্বজ ।

এই মাটি । বাংলার ; ভারতীয় ; পূর্ব খণ্ড ; পৃথিবীর ;
গ্রহমণ্ডলের মাটি । এক জীবনে বাঁধা ।
তলে হীরে, সোনা, অঙ্গার, আগুন ; জীবের
সম্ভব-ভরা উপরের স্তরে সবুজ প্রবাহিণী নর্মদা ।

রাত্রি মাঠ । তারা জ্বালা, প্রদীপ-জ্বালানো পথ, ঘর ।
মেলাবার দৈব, এই মাটি জুড়ে আমার বৃকে
সত্তার আধারে জানাও ভূমি একবার,
কোন মিল যত্নর, মাটির, ভবিষ্যতে ? ভোরের জীবন-লোকে ?

সমুদ্রে

নীল কল । লক্ষ লক্ষ চাকা । মর্চে-পড়া । শব্দের ভিড়ে
পুরোনো ফ্যাক্টরি ঘোরে ।
নিযুত মজুরি খাটে পৃথিবীকে
বালি বানায়, গ্রাস করে মাটি, ছেড়ে দেয়, দ্বীপ রাখে

ঘৌপ ভাঙে ; পাহাড়, প্রবালপুঞ্জ, নুনঘন্ডে
ঘর্ষর ঘোরায়ে । ঘোঁয়া নেই । নব্যতন্ত্রী
ঐটুকু । আকাশের কারখানা ঢাকা-ডাইনামো,
শব্দ নেই । রাত্রে বারান্দায় ভাবি সমুদ্র কখন হবে শম ।

ভিতর মহলে চুপ, জলন্ত রঙীন চুপ,
আদিম মাছের টবে । হয় লোপ
গতির তাণ্ডবে গতি । মেঘ, বাষ্প, নদীর সঞ্চার
প্রচণ্ড পর্যায়-কলে বাধা । ঢেউ উঠে নিরন্তর ॥

তরল চলন্ত ঘরে অগ্নি কোথা ? চাঁদ সূর্য উকি দেয়,
ঝুঁক বেগ চুরি ক'রে জাহাজ চালাই ; কোথা রয়
কয়লা তেলের ঘাঁটি তব ? মালয়, বোর্নিয়ো, দূর
পৃথিবীর বুক ছেঁড়ে কয়লা-তেলের অগ্নি-চোর ।

কাড়াকাড়ি কলের কবলে । 'মেরিকায়, চীনে, পূর্ব হতে
হানাহানি যুরোপ ঘিরে । দেখো, প্রলয় জলের কল-পতি,
প্রতিঘন্টী তব । ঘন্টী ? লোকালয়ে স্বার্থের সংঘাত
সমুদ্রের স্বার্থ নেই, অর্থ নেই ; ছোঁয় কোথা দু-জগৎ ?

মেরুতে বরফ ঢেউ তব ; আবর্ত গরম কোথা ? নিয়ম-জলের অন্ধ বৃকে
তবু নিয়ন্ত্রিত ঝড় ; শ্রোত ঘোরে ; মনস্থন । দেখি তট-চোখে
মেশিন-রাজ্যের সীমা । বাসনা-কলেতে মন ডাঙা-'পরে
হাবুড়বু খায় বুদ্ধি-ভরে । কারখানা সব কার ? প্রশ্ন হাওয়ায় যায় উড়ে ॥

ঘর

বাড়ি ফিরেছি ।

জারুলের বেড়া ; কাকর পথ ধামবে দরজায় ;
আমার পৃথিবী
এইখানে শেষ ।

অনেক দেশ
চোখের তৃষ্ণায় ঘিরেছি ।
অনাশ্র সংসার দূরে গরজায় ।
মনের স্মৃতির টিবি

আজ নেই ।

নূতন হলেম প্রণামে
এই
আপন ঘরের গ্রামে ।
বেড়া পার হল, পা, চলো ।
সিঁড়ির কাছে চেনা কচি গলার আওয়াজ ;
গাছের আড়ালে, বলো
কে স্থির দাঁড়িয়ে—
আলো নিয়ে ॥
কিরে-আমার সঁঝ ॥

সঙ্গ ৭

ডুব ডুব কাটা ঢোলক
বুড়ো, নালার উপর পুলে
সবজিমণির হিজিবিজি ভিড়ের লোক, ডুব ডুব
বাজায়, কেউ হাঁকে মুলো, শর্ষে, ঝাঁকায় ;
একর ঘণ্টা, ছড়মুড়ে চাকায়, ডুব
মাছি ধুলো, ছেঁড়া খানিক দাড়ি চুলে
তালি-দেওয়া শালুওয়ার চটা কামিজে ডুব ডুব
বা পাশে গলির গিজ্গিজে ডুব
নীল টালি গম্বুজের ফালি

গ'লে গেছে ছপূরের হাওয়ায় ঝিল্মিল
 ডুব ডুব ডুব
 ক্ষ্যাপা কি ফকির কি দুই কিছুই ডুব
 মূলতানের বাজারে বাজায় ঢোলক ডুব ডুব ।
 হৌচট লাগে : চোখে ওর চাওয়া নেই ? ডুব
 ক্ষিধের হাওয়া নেই ? পয়সা ? — দিতে গেলে জন্ম,
 বুকে ওর কেবল ফাটা শব্দ
 শহরের পাজরায় বাজে ঢপ্ ঢপ্
 —থামলে, ও-ও যাবে উবে
 পশ্চিমে পূবে, আস্তাকুঁড়ে সাঁঝে, ডুব ডুব
 এলোমেলা বাঁচায় রাস্তার কাঁটায়
 চেরা, হারানো, ভাঙা, জটাপড়ানো
 কালের বস্তায় শেষ রাত্রির তিনটেয় ঢপ্ ঢপ্
 ধুকধুক প্রাণের ডুব নালার উপর ডুব ব্যথায়
 সবজ্বিমণির ভিড়ের রঙ্গে আরব্য বালির নিঃসঙ্গ
 প্রান্তরের ঢেউ একটা এসে থামল কোথায় ॥

বৃষ্টি

অন্ধকার মধ্যদিনে বৃষ্টি ঝরে মনের মাটিতে ॥
 বৃষ্টি ঝরে রুদ্ধ মাঠে, দিগন্তপিয়াসী মাঠে, শুষ্ক মাঠে,
 মরুময় দীর্ঘ তিয়াষার মাঠে, ঝরে বনতলে,
 ঘনশ্রামরোমাঙ্কিত মাটির গভীর গূঢ় প্রাণে
 শিরায় শিরায় স্নানে, বৃষ্টি ঝরে মনের মাটিতে ।
 ধানের ক্ষেতের কাঁচা মাটি, গ্রামের বৃকের কাঁচা বাটে,
 বৃষ্টি পড়ে মধ্যদিনে অবিরল বর্ষাধারাজলে ॥

যাই ভিজে ঘাসে ঘাসে বাগানের নিবিড় পল্লবে
 স্তম্ভিত দীঘির জলে, স্তরে স্তরে, আকাশে মাটিতে ॥

অন্ধকার বর্ষাদিনে বৃষ্টি করে জলের নির্ঝরে
 গতির অসংখ্য বেগে, অবিক্রাম জাগ্রত সঞ্চারে, স্বপ্নবেগে
 সঞ্চলিত মেঘে, মাঠে, কম্পিত মাটির অমুপ্রাণে
 গেহুয়া পাথরে জলে পড়ে, অরণ্য তরঙ্গশীর্ষে, মাঠে—
 ফিরে নামে মর্মজল সমুদ্রে মাটিতে ।
 বৃষ্টি করে ॥

মেঘে মাঠে শুভক্ষণে ঐক্যধারে
 বিদ্রোহে
 আশ্বনে
 ঘূর্ণাঝড়ে
 স্রজনের অন্ধকারে বৃষ্টি নামে বর্ষাজলধারে ॥

রচিত বৃষ্টির পারে, রোদ্র মাটি, ক্রন্দ্র বিন দূর
 উদ্যতান মাঠে মাঠে আকাশেতে লগ্নহীন স্বর ॥

সংসার

অগণ্য ধান-খুশী সোনালি
 প্রসন্ন মেঘ,
 বিষন্ন পুরুষজল চাঁদের ছায়া, ডোবা চাঁদের ফালি ;
 মা কথা কননি, আমার মা,
 ভালটা কাটতে হবে পুরোনো সিঁহ গাছের, বাড়ি-ভরা উদ্বেগ,
 কার্টের হাতল চাই কাস্তুর ।
 কাজ প'ড়ে আছে, ভাইরা মাঠে, বেলা হল চের ।
 এলো, ঘাটে নাইতে যাবে না ?
 লাঁতার কাটব মনের স্তখে, ডুবলাঁতার,
 বামীর বিয়ে কবে ? কাল কী বার ?

কুটল নাগকেশর । — নাম ক্ষণ ক্ষয়ে যায়
 মনের কণায় দিন মিলায়
 নতুন ঘর করছি, তাঁর ঘর,
 সামনে রায়ের বাগান, দূরে বালুমতীর চর ।
 তার মধ্যে থাকি । রোদ্দুর আসে
 পারিপার্শ্বিক বদলে আকাশে
 যোগ হয় ভাবনা, কত ইচ্ছা পুরোলো ;
 এখন আমাদের ছেলে বড়ো হল
 শক্ত পায়ে দাঁড়ায় ক্ষেতে ;
 ছড়ানো মন চায় যেতে,
 শরীরও চায়, তবু বুক ভ'রে দেখি এই বেলা
 পৃথিবীর লহা বারান্দায় শিশুর খেলা
 দৌড়ে চলেছে কালাঙ্কুরে ।
 তাপ নেই, তৃপ্তি, আলগা টান ধরে ;
 আরো বেশী : এই ধীরে ধীরে হারিয়ে-থাকা,
 বাড়ি, কুয়োতলা, ক্ষেত, নদী, নাম-ডাকা,
 গাঁয়ের চাঁদকপালী গোক, চেনা গাছ, ওঁদের কাজ, সব নিয়ে
 স্তরে স্তরে সোনার সংসারের তলে ; মিলিয়ে ।

চেতন স্যাক্রা

সোনা বানাই । সঁকোর বাঁ পাশে গয়না
 কাঁচের বাস্কে, জানলায় দ্রষ্টব্য ; জানলার উপর ময়না
 রেগে ওঠে তোমাদের ভিড়ে— ছোলা খাও, বলো “রাধে
 রাধে” “কেষ্ট কেষ্ট”— বলতে বাধে
 গলিতে, তোমাদের অতীব নোংরা গলিতে,
 সোনার সুন্দর, রূপোর রূপকার, এই নর্দমার দোকান দেহলিতে
 ধ্যান বানাই । এই আমার উত্তর ।
 ড়েন, ধুলো, মাছি, মশা, ঘেয়ো কুন্তোর

আড়ৎ বেঁধে আছ, বাঁচো (কিমান্ধৰ্য বাঁচা) এবং

যমের কুপায় মরা ;

অমৃতন্য অধম পুত্র, বন্দী স্যাংসেতে গলির ঘরে ইঁহর ভরা ;

নেই রাগ ! — অবশ্য । আছ আনন্দে ।

থাও ভেজাল ঘি়ের জিলিপি,

শিশু কাঁদায়, ধোয়ার সংসারে, খুলে ওয়ুধের ছিপি

মা-বোনকে খাওয়াও—দয়ার ডাক্তার অস্ত্রিম লাগলে,

তৎপূর্বাবধি রান্নার পাকে ক'বে ঘোরাও ; নিজে ভাগলে

শক্ত সিনেমার সীটে, ইতরপ্রাণের গিন্টি

মুখ-ভরা পান, দৃশ্য হলিউড, মোক্ষের পিলটি

ভোলায় শিক্কাৰ, সন্ধ্যোটা কাটে ;

তবু রাত্রে জেগে ভাবো ভাবোই

কিছু একটা হয়তো হবে, বুঝিবা কোথাও যাবো, যাবোই—

কোথাও যাবে না, গলিতেই থাকবে ।

বড়ো রাস্তায় যাদের বাসা

ইঁা ক'রে দেখবে তাদের মোটর ; পনেরোটা বেড়াল,

— শখের চাকর— থাকবে খাসা,

কেউ ছোঁবে না তাদের ঘোড়দোড়, মদ পাশা ;

দারোয়ানের লাঠি

বাঁচবে তাদের লুঠ-ভরা সিন্দুক ; একটু ঈর্ষা করবে,

দীর্ঘশ্বাস, তবু তাদের চাটেবে মাটি

চাকরির রাস্তায় । তোমরা ধার্মিক, কৃষ্ণের জীব,

বিজ্রোহ করো না, অদৃষ্ট মানো,

পরজন্মের পথ পাও গলিতেই ; আহা গদগদ মাহুলি,

তাগা, মূর্তি, বুকে টানো ;

গুরু দর্শন, কর্তার বাক্য, দলীয় ভক্তির অদ্ভুত দৈবে

মরলে যাও স্বর্গে— জীবনকে বান্ধাও নরক—

বিগত আৰ্হামি সহবে

বিদেশীর শাসন ; যতক্ষণ আছে জাত, অধিকারী-তত্ত্ব
শ্লেচ্ছকে ঘৃণা

ভয় কী দেশের ? বাহিরের পরাজয় হবেই তো,
(ভিতরে জীবমুক্ত) কলিযুগ কিনা ।

তাল তাল মোনা, উত্তম উত্তর ; ছুঁড়ে তো মারা যায় না ?
গলিতে গলিতে মেশাই রোদ্দুরে, দাঁড়ের ময়নাকে দিই বায়না
গান শোনায় বনের ; চোখে আছে, আমার চালসের চোখেও,
গাঁয়ে গঙ্গার উপর
ভ্রম ধাপ, তেঁতুল গাছের কিলমিল,
প্রাণের ছাঁদ মেলাই রূপোর

চন্দ্রহারে, দোলাই কানের হুলে, আমার উত্তর মণিতে বাঁধি ;
জ্বলে দিতে পারিনে গলিকে (এবং তোমাদের),
নই নৈতিক পন্টন, সভার বক্তা ইত্যাদি ।

তুধু জানি আগুন, আগুনের কাজ, সৃষ্টির আগুন লাগলে প্রাণে
তীব্র হানে বেদনা আগবার, আটের আগুন, মরীয়াকে টানে ।
গর্বিত আধবুড়োর উদ্ধত এই গয়না ।
ভিড়ে কাঁচ ভেঙে না ; — বুলি, বুলি, রাম রাম, বলো ময়না
বলো ফার্সি, আরবি, ধার্মিক গজল— কিরে গলির গর্তে
সোনার মার নাও সঞ্চে — পার তো কিছু কিনো— থাক,
চাইনে খন্দের ধরতে ॥

শঙ্করাভরণ

ফেলো ছায়া
ফেলো রঙ কবিতার কাঁচে
রঙীন আগুনী কাঁচে
ঘন মায়া, ঘন মায়া ।

কাঠের সবুজি দীপে গাছ,
 জলের আলোর নীলে মাছ,
 শীথে সাদা ছায়া নাচে
 হলুদে বালির নাচে,
 ক্রান্ত বাঁচে
 আমার কথার কাঁচে ॥

কখন চোখের নীচে পৃথিবী ছায়া সে
 মুখের আদ্যিম আসে
 বাদামী মাঠের আকাশে ।
 ঘর্ঘর, ঢং ঢং, কত রঙ,
 গান ভাঙা দূর শহরের রঙ,
 জন্মজীবন ভাঙা
 কথা রাঙা
 ঝোড়ো সূর্যের কায়া ।

ঘন মায়া, ঘন মায়া ॥

প্রবাসী

ছোটো আপন আকাশ
 ছবির আধার
 আভার বাতাস ।
 নদী, শাখানদী, পুকুর, কচুবন, কলাবাগান, মাদার
 দোপাটি, ছোলাক্ষেত, সর্ষে, দূরে মাটির দেয়াল
 কুমড়ো-লতানো চাল
 —বাংলা—
 ছোটো ছোটো আকাশ ভর্তি ।

ভরা সকাল ।

ঝাঁ ঝাঁ ছপুর ; ঝাঁ ঝাঁ সন্ধ্যা, ঘুঁটে-পোড়ানো ।

সংসারে জড়ানো

মাঠের কাজ, কাজের অহুবর্তী

পূর্ণিমার চাঁদ, নিঝুম রাত, দূরে ডাকছে শেয়াল ।

গাঙে শ্রোত, ভাটিয়ালী, কীর্তন, দেউল, মূর্শিচাঁর বাড়ি

ওপারে যাব কেমনে ?

(চিরদিন বাইলাম মনে গো)

হাটের ধারে ঘাটের নাও ; লণ্ঠন-ঝোলানো গোকুর গাড়ি

ছায়ায় ছায়া আঁকি চলে ।

কাদের কথা বলে, আমায় বিদেশী

পশ্চিমের ধুলোয়, টাঙার ঘন্টায় ; হারানো ভিত্তির

চোখে-রঙা কোন চিত্তির

হঠাৎ গাড়ি-চাপা পড়ার দশা ।

বছরের পর বছর যায় । সহসা

ফিরে-দেখার নামে ছোটো আকাশ :

বাংলাহীন বারো মাস ।)

বিধুবাবুর মতো

“চিঁড়েগুড় খেয়ে তৃপ্তিটুকু, গাছতলায় শুয়ে শান্তি,

শুধু অতাব দূর নয়, বেশ একটু গ্রথিত গোছের ভাব,

মেঘ নামল গাঢ়, বৃষ্টি নেই, স্নিগ্ধপুর আবির্ভাব

—রুবিনফলতার আশা ?

না, মরীচিকা-হরা ভ্রান্তি-

দূর-করা মেঘমেঘুর ভালোবাসা ?

পাড়ার মেয়ের বিয়ের শব্দ, সারাদিন বাজাচ্ছে সানাই

আমি কী করে জানাই

আমার বিকেলে আড় হয়ে এল আশ্চর্য এক দান ?

পায়ের মাপের জুতোর খুশির টান,
 ভাইনামো-ঘরে গন্ গন্ আর কোটি-চলন্ত রেখা,
 মসৃণ নিবে অফিসের খাতায় হিসেব লেখা,
 দেশে-ফেরার ছুটির সকালে টবে-ভরা স্নানের জল,
 দরকারি দিনের রোদ্দুরে আশ্বিনের হাওয়া টলমল,
 দার্জিলিং চায়ের আসছে,— যাকে বলি— তুষাতুর স্বগন্ধ,
 নতুন স্কুরে দাড়ি কামাবার আনন্দ,
 অনেকদিন পরে ধুতি পাঞ্জাবি আর উড়োনি,
 মোঘলসরাই পার হয়ে চলছে গাড়ির ধ্বনি :
 সবের বার, অর্থাৎ যা, এবং তার চেয়ে বেশি
 এই নিয়ে কাব্যের ফরমাশ ১ খাটি স্বদেশী ।”

বড়োবাবুর কাছে নিবেদন

তালিকা প্রস্তুত :
 কী কী কেড়ে নিতে পারবে না—
 হইনা নির্ধারিত কেরানি ।

বাস্তবভিটে পৃথিবীটার সাধারণ অস্তিত্ব ।
 'যার একখণ্ড এই ক্ষুদ্র চাকুরের আমিত্ব ।
 যতদিন বাঁচি, ভোরের আকাশে চোখ লাগানো,
 হাওয়া উঠলে হাওয়া মুখে লাগানো ।
 কুয়ের ঠাণ্ডা জল, গানের কান, বইয়ের দৃষ্টি
 গ্রীষ্মের হৃদয়ে বৃষ্টি ।
 আপনজনকে ভালোবাসা,
 বাংলার স্বাতি দীর্ঘ বাড়ি-ফেরার আশা ।

তাড়াও সংসার, রাখলাম

বুকে ঢাকলাম

জগজগাস্তরের তৃপ্তি যার যোগ প্রাচীন গাছের ছায়ার

ভুলসীমাপে, নদীর পোড়ো দেউলে, আপন ভাবার কর্তে মায়ার

খার্ডক্লাশের ট্রেনে যেতে জানলাম চাওয়া,

ধানের মাড়াই, কলাগাছ, পুকুর, খিড়কি-পথ ঘাসে ছাওয়া ।

মেঘ করেছে, ছপাশে ভোবা, সবুজ পানার ভোবা,

স্বপ্নের ফুল কচুরিপানার শঙ্কিত শোভা ;

গলার ভরা জল, ছোটো নদী ; গাঁয়ের নিমছায়া তীর

—হায় এও তো কেবা-ট্রেনের কথা ।

শত শতাব্দীর

তরু-বনত্রী

নির্জন মনত্রী :

তোমায় শোনাই, উপস্থিত কর্দে আরো আছে—

দূর-সংসারে এল কাছে,

বাঁচবার সার্থকতা ॥

উৎকল

মালভীপাটপুরের স্টেশন

গ্রামের বুকে ।

নিঃস্বর ট্রেন ছপুবে-খায়া ;

ওড়িশা ।

ভাব কোলে গাছে

গুচ্ছ গুচ্ছ ;

সবুজ পুকুর ।

কলিক মেয়ে কাঁখে শিশু, গারে
হলুদ মাথা ।
দরিদ্রতম ভারতী ।
ওড়দেশ ॥

মালতীপাটপুরের স্টেশনে—
থামা-ট্রেন ; ব'সে
যুগ-যুগ দেখি ঘরসংসার ।
রেলোয়ে লাইন মাঝখানে তার
জগন্নাথের রাস্তায় ধুলো ;
পাশে ভাঙা ঘরে
পানের দোকান ;
গোক-গাড়ি চলে ।
তখনো ছাগল ছিঁড়ছে ঘাস ।
—ওড়দেশ ।
সেঁ। সেঁ। শব্দ কি দূর-সমুদ্রে ?
স্বপ্নের বালি ?—
দিনে ডাকে ঝিঁঝিঁ । চং, চং, চং,
ফের ট্রেন চলে ॥

বক্সোপসাগর

দৈবনীল তরঙ্গ যতদূর দৃষ্টি চলে যায় ।
শূন্যে ঠিকরোনো ছাতি ;
নিরন্ত আদিম শ্রুতি,
অগাধ, নির্যন ;
এক-সমুদ্র আমার আয়োজন ।
স্পর্শ করে, কাকে স্পর্শ করে ।

মণিময় ছোঁয় ভোয়ের লগ্নকে ;
গাঢ় রাত্রির তারায় মগ্নকে ;
উত্তাল অনির্গীত হর্ষভরে ।
হৃদয়বেগের জল ।

মহাদেশ তার বাহর বিস্তীর্ণ বন্ধনী ।
দিগন্ত-ভাঙায় তোলে মেঘতর্জনী
ঝাউবনের প্রাস্ত হতে দেখি সঙ্কায় ।

কোথাও জাগে মানুষহীন ক্ষুদ্র দ্বীপ ।
সারবাঁধা নারিকেল, পাথর, প্রবাল ;
সূর্যের টিপ ;
সিঁকুচিল ওড়ে ; অতৃপ্ত তরল উচ্ছ্বাস ;
দক্ষিণের কল্লিত শ্বাস ।

জাহাজে বাঁধে অগ্নির তেজে পণাপণ
ছলছল লোকালয়ে, ঘাটে ঘাটে ;
খোলে দূর উর্মিল ভবিষ্যৎ ;
ডোবে ঝড়ে, সংঘাতে ; কখনো পৌঁছয় ।

এদিকে বালির স্তর সাদা-সোনালি । হঠাৎ নামে প্রাবনী
তটে-জলে চাঁদের লাবণি ।
বুক ভরা অধীর : শাস্ত তীর ॥

চীনে বুড়ে

মাটির বুকের কাছে থাকার ফল ?
বুড়োর মুখটা চাষকরা রৌদ্রপড়া শীতবসন্তের কুঞ্চিত মাঠ ।
আসল যা জীবনের তারি ঘনতা ধরেছে ললাট ?
না, গাছপালার মতো সহজ, সহজাত সরল, এই ফল
উঠেছে বেড়ে, পেকেছে চুল । মুখের মহিমা
যেমন ধান, সবুজ শীষ, জলের প্রসঙ্গ ভিক্ষা ?

চীনে বুদ্ধের দিকে চেয়ে ভাবি : গম্ভীর শাস্ত্র প্রাচীন
 ছুপিয়ে দেওয়া চেহারা কালের না বহুকালের ?
 ভক্ত সভ্যতার সকালের
 রক্তে বয়ে-আশা আলোয় হঠাৎ এসেছে কোন দিন
 এই চলন্ত টেনে ? পৌঁটলা বিছানা নিয়ে ভিড় উঠল
 হুপাশে চীনে পাচাড়, চীনে গাছ, অচেনা বাঁকা ছাত-
 বাড়িতে আমার আবিষ্ট চোখ,
 দৃশ্যে চারিয়ে গেছে সহযাত্রী চাষীর স্নিগ্ধতা— এই বৃদ্ধ লোক ।

অন্ধ্র হারিসের অমণবৃত্তান্ত পড়ে ।

কোথায় চলেছ পৃথিবী

তোমারও নেই ঘর
 আছে ঘরের দিকে যাওয়া ।

সমস্ত সংসার
 হাওয়া
 উঠছে নীল ধুলোয় সবুজ অঙ্কুর ;

দিনের অগ্নিদূত,
 আবার কালো চক্রে বর্ষার নামে ধার ।

কৈলাস মানস সরোবর
 অচেনা কলকাতা শহর—

হাটি ধারে ধারে
 ফিরি মাটিতে মিলিয়ে ।

গাছ বীজ হাড় স্বপ্ন আশ্চর্য জানা
এবং তোমার আত্মিক অমোঘ অবদান
আবর্তন

নিম্নে
কোথায় চলেছ পৃথিবী ।
আমারও নেই স্বর
আছে ঘরের দিকে যাওয়া ॥

সংগতি

মেলাবেন তিনি ঝোড়ো হাওয়া আর
পোড়ো বাড়িটার
ঐ ভাঙা দরজাটা ।
মেলাবেন ।
পাগল ঝাপটে দেবে না গায়েতে কাঁটা ।
আকালে আগুনে ভুসায় মাঠ ফাটা
মারী-কুকুরের জিত দিয়ে খেত চাটা,—
বস্তার জল, তবু ঝরে জল,
প্রলয় কাঁদনে ভাসে ধরাতল—
মেলাবেন ।
তোমার আমার নানা সংগ্রাম,
দেশের দেশের সাধনা, স্বনাম,
স্বধা ও স্বধার যত পরিণাম
মেলাবেন ।
জীবন, জীবন-মোহ,
ভাবাহারা বুকে স্বপ্নের বিজ্রোহ—
মেলাবেন, তিনি মেলাবেন ।

ঘোড়দোড় মাঠটার ; আগুয়াজ আসছে বাজে ঠাট্টার ;

স্বামীরে ভেঁ মোয়া পাঁচটার

টাকী থেকে যাবে রাজগঞ্জের ঘাটে ।

—এমনি একটা হতে আরেকটায় শূন্যে বেলা কাটে।

কী হবে এর পরে

এখন ফিরলে ঘরে

ମାଧବରାଜେ

আড়াইমন দিনের শ্রান্তি গাড়ে ?

নূরনবীর মনটা তখনো উড়বে নোংরা তক্তায় শুয়ে

ছেঁড়া কাগজ যেমন ফুঁয়ে,

এনোমেলো দৈবের ডিক্রি :

সেই সিদ্ধ ছোলাকলাই বিক্রি,

কুকুর নিয়ে বেড়ায় মেমসাহেব, 'জনি, জনি',

ছাতা তুলে ডাকছে সারাক্ষণই ;

ওডস্ট্রেনের লাইন, গাড়ি নেই, গঙ্গার পারটায় ;

ধোঁয়া-ঢাকা শিবপুরের ধারটায় ;

কতগুলো বয়া ভাসছে.

মালারা চৈচায়, ডিঙি তিনটে ঘাটে আসছে ;

ଆଜବ ମନ୍ତ୍ର-ନଳ ଜାହାଜ, ନାମଲ ସାରଂ

ফিতে-বাঁধা গোল টুপি, কুঁতটানীল বড় ;

ফিটনে ফিরিঙ্গি খালাসী, মুখে চুরোট ;

ঝাঁকামুটে বইছে মোট ;

ফোর্ট উইলিয়মে লম্বা লম্বা পোল, উপরে লাল বাতি ;

বৃষ্টির মেঘ জমছে, নেই সেই ছেঁড়া ছাতি,

—অতএব ইডেন গার্ডেনটা গেল বাদ :

মিটমিটে কেরোসিনের ঘরে ফিরে যগজে উডছে সিনেমার সাধ।

হিরণ্যর পাতে ঢাকা নয়, কমলার কালো সত্য

মক্ষ কোটি প্রাণধারণের এই তত্ত্ব।

‘বিড়ি-ধরানো, পান-চিবোনো, মাদুরে-

চ্যাপটানো প্রাণ । তবু চিরন্তনের আমি আহরে
আমি নূরনবী ।’

তার নাক-ডাক। হুয়ে এই স্তনতে পাই আমি অকবি ;

তবু, গাঁজার টানে তার প্রাত্যহিক মানি ডুবোবার খবর
আমার কাছে জবর ।

অতিবাস্তবও নয়, আদর্শও নয়, এক রস্তু
শুধু সতি ।

একই জগতে থাকি, চলছে সবি ;

আমি আর নূরনবী

চিনি না কেউ কাউকে—

উচ্চ কাব্যের পরিহাস ছেঁড়া উড়ো প্রাণের ইতিহাস

যায় কথায় ধ্যানের সর্বনাশ

—সেলায়, বেহস্তের এই ফাঁউকে ॥

রাত্রিযাপন

বুকে প্রাণটা এমনিই রইল, জানো ভাই,

স্বরে দাঁড়িয়ে মন বললে শুধু, যাই

—যাই ।

প্রকাণ্ড তামার চাঁদ রাত্রে

গলে হল সোনা । সোনার পাত্রে

পরে আভার ছড়াল অন্তরীন রোদ্দুর ।

নৌকো দূরে গেল বেয়ে সেই নীল অস্ত্রের সমুদ্র :

সেদিন রাত্রে যখন আমার কুমু বোনকে হারাই

আর, অজ্ঞান মুহূর্তগুলো, তারায়

মিলিয়ে রইল স্বচ্ছধারায় ।

জেগে-থাকা চোখে,
 মাটিগাছমার্ঠের জমা-ঠাণ্ডা দৃশ্য পলকে পলকে
 বদলালো একটু বর্ণ ; তবু বর্ণহীন
 একটু আলো ছিল, ক্ষীণ, খুব ক্ষীণ ।
 আলোর সূক্ষ্ম প্রাণ অগুতে অগুতে কী হচ্ছিল । কালোর মধ্যে
 দিয়ে উদয় ।
 অস্ত্র কিছু নয় ।

তিরোহিত চন্দ্রবর্ণ আকাশে উষা ।
 এল আবার দিন, প্রাচীন সোনার বেশভূষা ।
 ঘরের দেয়ালগুলো ফুটল রাঙা আঁচড়ে ।
 তার পর ? মেঘের স্তরে স্তরে
 রোজকার বিবল সুন্দর সকাল এল ভরে ।

তখন দরজায় দেখলেম দাঁড়িয়ে— হঠাৎ— আছি সবাই ।
 জানো ভাই,
 —আমি সবাই ।
 বুকের হাড়ে শক্ত কান্না নেই, কেবল, কী জানি
 হয়তো এমনিই মনে-করা,
 যাই, একবার যাই । বইলামই তবু । শক্ত ধরা ॥

বন্ধু

পোড়ো মেঠো মন
 নিরন্ন নীল জীবন ।
 জ্যাস্ত ধানের জায়গায় ধানে নিম্নীলিত মিথো ।
 মাথাটা হয়নি উর্বর
 বই-পড়া বর্বর
 দু'কছি শিক্ষিত শহরে বিবর্ণ চাকরির বৃত্তে ।
 গুজর বাক্যে অন্ধ, নয়, পুঁথির শানে-বাঁধা ধাঁধায় ॥

রোদ্দুরে জলে কাঁদায়
কোথাও কিছু কি গজাচ্ছে, উঠছে, ঘুরন্ত
—বাড়ন্ত, প্রাণবন্ত ?—

তপ্ত সবুজ বাদামি
যার ধর্ম আজ এবং আগামী,
নয় কেবল জীর্ণ দামী ?

তারই কাছে থাকব, বাঁচব, নিশ্বাস মেলে রাখব
পুকুর-ধারে হোক হাটের পাশে
পাড়ার জামতলায়, বাড়ির পিছনের ঘাসে
যেখানে কারখানাঘরে কাঠ কাটছে করাত,
তুষ জমেছে, আস্তিনগুটোনো কারিগর, চকচকে
লোহা নাড়ছে শক্ত হাত ।

জিইয়ে তুলবে বর্ষার নতুন কাঁচশাক,
লাউডগা, কচি শশা, কাঁচা আমড়া, তাজা লবঙ্গ ;
সিঁহুরে মেঘের দূর মুহু ডঙ্কা,
গাছে কিচিরমিচির পাখির ডাক ।
মেয়ে দুটি পুতুল নিয়ে বাসন্ত, ছোটো ছেলে দৌড়চ্ছে দূরন্ত
—বাড়ন্ত, প্রাণবন্ত ।

হালে বলদ জুতছে,
ঝাঁপি মাথায় চাষী বৃষ্টিতে চায়া পুঁতছে ;
পশলা বৃষ্টিতে কালো সারালো মাটির গরম ভাপ
ধান-পাকানো তাপ ;
টনটনে নেবুফুলে ঠাণ্ডা হাওয়া ;
মোনালি-কাঁটা কাঁঠাল, ভরাট আম
ঝিকঝিকে গ্রীষ্মে পাওয়া ।

পোড়ো মেঠো মন
জীর্ণ নীল জীবন ।

চায় মগজে বোদ্ধুর বৃষ্টি,
চাষের লাঙল, কাদায় সৃষ্টি,
শিকড়ের সংঘর্ষ ।

প্রাত্যহিক অক্ষুরন্ত

—বাড়ন্ত, প্রাণবন্ত—

খোলা চোখের দৃশ্যে ।

ধারিণী বিশ্বে ॥

আয়না

হারানো ছড়ানো পাগল খুঁজছে

ফিরে সে আপন হবে ।

আলোর টুকরো দীপ্তি চোখের ;

ভাঙা-গান-ভাসা গানের কানকে ;

সেই নাক, যার স্বরভি বোধটা

চামেলি বকুলে গেল কোথায় ;

—ফিরে ফিরে চায় তাই ।

হায় হায় তার চেতনা-জড়ানো

কত দিন রাত পিছু ডাকে কেঁদে কেঁদে

হারানো ছড়ানো পাগল ।

জানে তার হাড় ধুলোয় উড়বে,

কিছুই দেহের থাকবে না প্রাণকণা ;

আরো আরো বুক সবই খসে ঝরে

মিশে যায় মেঘে হাওয়ায় জলে ।

নিভে যাবে মন আরো ।

এখনই কোথায় লক্ষ খনের ছবি ?

হাজার হুপুর, বেগনি সন্ধ্যা, ভোরে নীল হাওয়া, তামসীর চাঁদ
খেয়ালী খেয়াল পাল তুলে গেছে পার।

ফিরিয়ে তবুও রাখবে, বাঁধবে, চাকবে,

সাধবে— ভাবছে পাগল।

হারানো ছড়ানো পাগল।

হারানো ছড়ানো পাগল একলা

দাঁড়ালো মাঠের ধারে—

দূরে বুড়ো বট ঝিমস্ত-জাগা,

ঝাঁঝী রোদ-লাগা, সবুজ ছন্দে স্থির।

একটু হাওয়ার মন্ত্র।

দেখছে পাগল প্রকাণ্ড চাকা

নীল আঁকা বাকা দিগন্তের ;

প্রথর যন্ত্রে গুনছে ঝিলি বাজনা।

উচু সূর্যের ওপারে শূন্য, সোনায় সাজানো ;

চেনা গ্রাম ঐ ঘোর অচেনার

বিপুল আবেগ আনল।

ঝনঝন করে সৃষ্টি-স্বপ্ন ভাঙছে, গড়ছে, চলছে—

কোথায় তুমুল শব্দ ?

মারুখানে তারি হঠাৎ পাগল মুখ দেখে চেনে আয়নায়

আকাশে তাকিয়ে হাসে।

ভরা সন্ধ্যায় চূপ করে বসে থাকে

হারানো ছড়ানো পাগল ॥

যান্ত্ৰিক উনোন

মাটি লেপো, মাটি লেপে দাও ।

সঞ্চিত আগুনে ফেটে, ধিকিধিকি অঙ্গারের বাসা
তপ্ত শোকে, ভস্ম দুঃখে বিষৰ্ষ এ বৃকের উনোন,
আপনাকে ব্যৰ্থ করে আজ ।
মাটি লেপে দাও ।

নতুন অঙ্গের ঘেয়ে মন আবার বন্দী ক'বে তেজ
গোনার আগুন দিক, পুড়িয়ে নীচের কালো কণা,
বাসনার কয়লা যত জমানো আবেগ ;
সে আগুনে অন্ন রঁধা হবে ।

মাটি-লেপা, পরিবদ্ধ, বেষ্টিত বৃকের মুক্তশিখা
শূণ্ণে উঠে উর্ধ্বপাত্রে তাপ দিয়ে
সংসারে সেবার ভোগের
ইচ্ছন করুক আপনাকে ।

জালিয়েছি নিজেকে কেবলি,
হোক তাই ;
জন্মেছি জ্বলতেই ।
জানি নি প্রতিষ্ঠা পেয়ে কোন দেব-ঘরের আগুনে
এই জন্মব্রত বই ;
কালোকে আগুন ক'বে সকালে সজ্জায়
দিতে হবে সৰ্বস্বাস্ত শেষ শক্তি,
সাজানো থালায় কায়া পাবে মর্ত্য ক্ষুধার প্রসাদ,
মন্দির চত্বরে ভিড় হবে ;
—বৃহৎ সংসার বাঁচে যেন ।

শুধু চাই যতদিন আমার সমস্ত ভেঙে চূরে
 গড়া না হয় ফের অল্প কোনো মাটির উনোন,
 যতদিন সত্তা এই না-ই মেশে আদিম কাদায়,
 ক্ষত ক্ষয় থরা-ধরা ছাই মাথা দীর্ঘ আমি
 পায় যেন মধ্যে মধ্যে তোমারি হাতের দেওয়া দান,
 শান্তি গঙ্গামাটির প্রলেপ ।

আবরণ্যক

আদিম ক্ষুধিত ভোরে

রোদ নামে কাঁকে কাঁকে,
 পুলকিত ঘনচ্ছায়ে ত্রস্ত পাতা
 বাঁধে পীত-সবুজের ঘর ;
 কাকর মাটির শুকনো ডাঙা ;
 শীর্ণ কাঁকে দেখা যায় নীল ;
 বোবা দিগন্তের ধারে অদৃশ্যে-আড়াল লোকালয় ।

আবরণ্যক শব্দ ওঠে পাখি-পল্লবের ব্যস্ত শ্লোকে,
 মাছি মৌমাছির ভিড়, পতঙ্গ মশার উচ্চারণ ;
 মহয়া শালের তপ্ত বায়ু মধুরা
 ঠেকে যায় মারি মারি স্তম্ভ গাছে :
 —ছ মাইল হাট থেকে, গুজরা গ্রামের বাঁয়ে এসে
 হয়ে আছি বন-মাতৃষ আদি স্থখে ।

অল্প-স্তর নবকাল মুছে দিয়ে
 নামে কোটি বৎসরের অধিকার ।

রক্তে কোন প্রাচীন যৌবন নিয়ে চলি,
 লাল বিন্দু তুলে খাই, চাক ভেঙে মধু চুরি করে
 বনের আনন্দে ঘুরি ; ভয়ে লোভে দুর্বীর খুশিতে ।

যে পৃথিবী পেয়েছি জন্মেই

তাকে জানি, ভালোবাসি, লুটি, দেখি, জিনি ভাগ্য ;
 জঙ্গলে পেয়েছি প্রাণ দু'ঘণ্টা ভদ্রতা ভুলে থাকি ॥

কাঠুরিয়া

মউলভরা মছয়া গাছের সার দিয়ে আজ চলি,
ছায়ায় হঠাৎ মনে পড়ে যায় আগের কথা ।

ঘরের জানলা পাশে

মা কেমন ব'সে একলা, মনের ছায়ায় তারি

অগ্ররকম বেলা

সমস্ত দিন হাওয়ায় তার লাগে ।

বাগানে ফুল, পুকুরে জল, খেলার গাছের তলা

যোজন দূরে খেলতে থাকে ;

বেড়ার ধারে দেখছি কুঁচের রাঙা বীচি ।

বুঝি না ঘরে ঢুকেই কেন মনে হয় যে

চিরকালের সব কিছু তাও টলে ;

মা ব'সে ঐ বারান্দাতে, বই হাতে, চোখ-নামা ।

হেসেই কথা বলে আমাদের, তবুও মেঘে-চাঁদ,

দিনের বেলায় হয় নি পুরো দিন ।

আজকে পথের অপরাহ্নে বসন্তকাল বনে,

কাঠ কাটতে চলেছি বনে, রোজই চলি, বনে

মায়ের আলোয় দিন ভরল, হারা-বেদনার ছবি

থাণ্ডালার দেবমন্দিরে

[ভক্তাবদান]

তোমার মন্দিরে, প্রভু, সারা সূর্যবেলা

সিঁড়িতে ধুয়েছি ধাপ, নিচের আঙন

নিকিয়েছি, কুয়ো থেকে জল

বাঁকে বয়ে দেবোত্তানে দিয়েছি বিকেলে ।

অনেক পূজারী আছে, নিয়ন্ত্রিত আমি
 তাদেরি কাজের অংশী দেহে মনে প্রাত্য-হিক বিধি
 সেধেছি প্রসন্ন ক্রান্ত, বিল্ল ভুলে একা
 চলোঁছি তা জানো । তবু,
 একে নিয়ে কী করব, এই অকারণ জলা বুক,
 কী করে পেয়েছে দীক্ষা— সূর্য থেকে কেবলি জনবার-
 পৃথিবী প্রেমিকা যার সেই দূর-বিরহী সূর্যের
 আলো শুধু স্বপ্নে দেখি, শূণ্য-ভরা দৃষ্টিও পাই নি,
 রশ্মি-বার্তা পাঠাতে পারি নে ; রুদ্ধবুকে
 মন্দিরেই থাকি, কাজ করি ।

বার্থ হৃদয়ের তাপ
 কাজের সীমান্তে কেউ ছোঁয় না প্রাণের স্নিগ্ধতায় ;
 প্রেমের বিগ্রহ বন্দী পাষণের ভাস্বর দেয়ালে ।

দ্বিপ্রহরে

তোমার চত্বরে উঠে ক্ষণকাল দেখি দূর :
 প্রতিদিন বিবিধ সংসার ঐ, হাটের বসতি,
 বড়ো রাস্তা ঘুরে গেছে দোকানে, ঝাউয়ের ধার দিয়ে,
 গুচ্ছ গুচ্ছ নারকেলের মধ্যে খোঁড়ো বাড়ি, ক্ষেত :
 ভক্তির সমাজ নয়, প্রেমের মাটিতে ওরা থাকে ।
 কেনে বেচে, ঘরে যায় ; কষ্টে বোদে জলে তবু
 খামল সংগ্রাম বহে । ভঙ্গুর পাতকে নিয়ে
 কুমোরের চাকে তুলে নতুন মাটিতে ফের গড়ে ;
 সেই ভাঙা-গড়নার তৃপ্তিতে যাদের বাঁচা-মরা
 অঙ্গে অঙ্গে পায় তারা তোমারি ধুলোর আশীর্বাদ ।
 নেই কারো অট্টালিকা অটল প্রত্যয়ে ভক্তি-গড়া—

ক্ষমা করো,
 নিত্য পাষণের ধ্যানে স্থলিত এ পূজার কর্মীকে,
 সংশয়ের স্পর্ধা ক্ষমা করো । ভক্তি-সৌধে যায় কাজ,

তেরোশো পঁয়ষটি ধাপে পুণ্যজল ধোওয়া সবৎসর,
মাটির তুষায় তার অপরাধ ।

-- যদিও তোমারি দেওয়া ভূষা ।

গোধূলিতে

দীর্ঘ সন্ধ্যা আগুনের অনেভা হৃদয়ে
দাহ নিয়ে উর্ধ্ব চাই ।
বিশ্বের মন্দিরে দেখি শুভ্রতারা জেলেছে আরতি ;
লোকালয়ে পূজা ওঠে আকাশপ্রদীপে তীক প্রেমে ;
মন্দিরের গম্ভীরায় আরতি চলেছে ভক্তদের ;
আমি মূর্ছাতুর,
মন্দিরেই থাকি তবু এ মন্দিরের যোগা নই, প্রভু,
বাহির সংসারে ক্ষুধা তারো নেই সাধা :

—হৃদয়ের

তুমি করো বিধি ।
প্রেম নিয়ে কাকে দেব, এ তো শুধু জালা, কে বা নেবে
প্রেম যদি না জলে পূজায় ॥

মাটি

ধান করো, ধান হবে, ধুলোর সংসারে এই মাটি
তাতে যে যেমন ইচ্ছে থাটি ।
বসে যদি থাকো তবু আগাছায় ধরে বিন্দু ফুল
হলদে-নীল তারি মধ্যো, রুক্ষ মাটি তবু নয় ভুল—
ভুল থেকে সরে সরে অণু কোনো নিয়মের চলা,
কিছু না-কিছু খেলা, খেমে নেই হওয়ার শৃঙ্খলা,
সৃষ্টি মাটি এইমতো ।

তাইতে আরোই বেশি ভাবি
ফলাবো না কেন তবে আশ্চর্যের জীবনীর দাবি ।

ক'চি বৃন্তে গুচ্ছ অগ্নধান
সোনামাঠে ছেয়ে দেবে শ্রমেব সন্মান ।
তারি জন্তে সূর্য তাপী, বাহুর শক্তির অধিকার,
মানুষের জন্ম নিয়ে প্রাণের সংকল্প বাঁচাবার ।

বৃষ্টি ঝরে, চৈতনের বোধে
আবার আকাশ ভরে রোদে ।
তারি জন্তে শিশু আড়িনায়
দৌড় খেলে, হাট বসে, গৌরীপুরে লম্বে ব্যবসায় ।
গাছ চাই, গাছ হবে, ছায়া দেবে, বাড়িতে বাগানে
শহরে শিল্পের মোখে প্রাণ জাগে প্রাণে ।
যা হয় তারই সে হওয়া আরোই উজ্জল করে তুলি
কঠিন লাভণ্যে ছুঁই মনের অঙ্গুলি ।
বীজ আনি, জল আনি, ভাগ্যজয়ী খেলা তারো বেশি-
যে-বহুস্ত সর্বাঙ্গীত তারি সঙ্গে হোক বেশারেশি
অচিন্ত্য বিশ্বয় খুলে যাই—
কিছু হয়, হয় না বা, এরি মাটি চষি এসো ভাই ॥

শিল্প

তাঁতে এনে বসালেম বুক থেকে বোদ্ধুরের স্মৃতি,
নীহারিকা পাড় বোনা, বিদ্যুতি জ্বির উদ্ভবে :
তোমার পায়ের প্রান্তে লুটোবে যখন যাবে দ্রুত
প্রাণের বসন্তদিনে কত কী উৎসবে ।
কত তুলো, কত রঙ, কত কলনায়, মায়াময়
তোমার সে বেনারসি বোনা হয় ;
তুমি তো জানো না,
প'রে শুধু আশ্চর্যের লগ্নে তুমি হও অগ্নমনা ।

যা দিয়েছিলেম সে তো প্রাণরক্ত, অল্প সে রক্তিম ;
 আঁচল সোনালি গাঢ় আমারি প্রেমের মুগ্ধ হিমে ;
 সন্ধে কত স্পর্শভরা জড়ায় অস্পর্শ আলিম্পন
 সাত-পাশে ঘোরো যবে তোমার জীবনে শুভক্ষণ ;
 মর্ত্যে এসে মাকুলিক রেখে যাই,
 অনামী শিল্পের গায়ে বাসনার ধ্যান মেশাই ;
 তাঁতির আঙুল আনে কত স্মৃতি গাঁথে গাঁথে শেষে
 প্রাণে প্রাণে কত দানে তোমার অর্থের দান মেশে ॥

বিনিময়

তার বদলে পেলে—

সমস্ত ঐ স্তব্ধ পুকুর
 নীল বাঁধানো স্বচ্ছ মুকুর
 আলোয় ভরা জল—
 ফুলে নোওয়ানো ছায়া ডালটা
 বেগনি মেঘের ওড়া পালটা
 ভরল হৃদয়তল—
 একলা বুকে সবই মেলে ॥

তার বদলে পেলে—

শাদা ভাবনা কিছুই-না-এর
 খোলা রাস্তা ধুলো পায়ের,
 কান্না-হারা হাওয়া—
 চেনাকণ্ঠে ডাকল দূরে
 সব হারানো এই হৃদয়ে
 ফিরে কেউ-না-চাওয়া।
 এও কি রেখে গেলে ॥

ফিরব না

হাতল সবুজ তামা ; পুরু দরজা পুরোনো গাছের,
বন্ধ — তবু খোলা তার স্পষ্ট আওয়াজ “এসো, এসো”
ঝোড়ো শূণ্ণে দেওদার, অত ঢেউ, পাতাভরা ঢেউ ;
ফুলের রঙিন ফেনা, নীল ফ্রেমে ; বাড়ি অবিখ্যাসী ।
বন্ধিম গলিতে এসে দাঁড়াই ৩২ বি-তে ; খুঁজে চাই ।
মস্তের দরজা ঐ খুলে কারা বস্তা নিয়ে আসে
সেই দরজা খুলে ; পাটের কুবের, কেনা মূটে ।
ধনিকের নথ কবে এখানেও প্রাণের মর্মে দাগা ;
বন্ধ হল চিরদিন খোলা দরজা আরো খুলে গিয়ে ।
ঝোড়ো দিনে কার স্পর্শ, স্পর্শাতীত সেদিনের বাড়ি,
উর্ধ্বাকাশে লগ্ন-লাগা স্তব্ধ তারা, তপ্ত ঠাণ্ডা পাতা,
চেনার অসীম ডুব, বন্ধু পরিবারে স্নিগ্ধ ভাব,
ঠেকে এসে চুন আর ধুলোর আড়তে । এরা কারা,
হো হো হাসি পান খায়, দোক্তার দোকান, লাল জল,
বড়ো বাজারের মজা গিজিগিজি ; প্রাকৃত ধনের
মোটা মজা দৈন্ত গৃহুতার , কলকাতা ; ফিরে যাবো
দরজা বন্ধ ক’রে খড়াস বৃকের মধো, একা,
বসন্তরাজির ঝড়ে দৃষ্টিভরা একটি সে কাহিনী
কুসুম-সংকীর্ণ গলি, গলি, কোথা সেই দরজা পারের
গাছে পরিচ্ছন্ন বাসা । চিহ্নহারা । প্রবাসী পথের
ধুলোয় ছপ্পে চলি, রোদ্দুরে চলেছে মালগাড়ি ॥

বৈদান্তিক

প্রকাণ্ড বন প্রকাণ্ড গাছ,—

বেরিষে এলেই নেই ।

ভিতরে কত লক্ষ কথা, পাতা পাতায়, শাখা শাখায়

সবুজ অঙ্ককার ;

জোনাকি কীট, পাখি পালক, পেঁচার চোখ, বটের ঝুরি,

ভিতরে কত আরো গভীরে জন্তু চলে, হলদে পথ,

তীব্র করে জ্যোৎস্না-হিম বুক-চিরিয়ে,

কী প্রকাণ্ড মেঘের ঝড় বৃষ্টি সেই আরণ্যক—

বেরিষে এলেই নেই ।

ভিতরে কত মিষ্টি ফল, তীক্ষ্ণ স্বাদ ফুলের তীর,

ইচ্ছে-ভরা বুনো আঙুর, আমের শাঁস,

ভিতরে কত দ্রুতের ভয়, কখনো বেলা সময়হীন—

বেরিষে এলেই নেই ।

চক্রবাল চোখে রেখেই বাহিরে চাই,

গাঁয়ের ধোঁয়া একটু রেখা সন্ধ্যা হলে,

অনাসক্ত নদীর জলে সিক্ত মাটি

বিনা চাষের বুনোধানের গুচ্ছে রস,

এখানে সবই বিরলতার ।

বুকের মধ্যে বাড়ি-ঘাবার

থুঁজে পাবার এখনো কোনো চিহ্ন নেই ;

দৃষ্টি আছে ॥

ওঝাহোমা

সাক্ষাৎ সন্ধান এই পেয়েছি কি ৩-টে ২৫-এ ?

বিকেলের উইলো-বনে রেড-অ্যারো ট্রেনের হইসিল

শব্দশেষ ছুঁচে গাঁথে দূর শূন্যে জ্বত ধোঁয়া নীল ;

মার্কিন ডাঙার বৃকে ঝোড়ো অবসান গেল মিশে ॥

অবসান গেল মিশে ॥

মাথা নাড়ে “জানি” “জানি” ক্যাথলিক গির্জা-চূড়া স্থির,

পুরোনো রোদ্দুরে ওড়া কাকের কাকলি পাখা ভিড় ;

অন্তমনস্ক মস্ত শহরে হঠাৎ কুয়াশায়

ইস্পাতী রেলের ধারে হু হু শীত হাওয়া টলে যায় ॥

শীত হাওয়া টলে যায় ॥

হৃৎপিণ্ডে রক্তের ধ্বনি যেখানে মনের শিরা ছিঁড়ে

যাত্রী চলে গেল পথে কোটি ওঝাহোমা পারে লীন,

রক্তক্রশে বিজ্ঞপ্তি গির্জে জলে ঝাঙা স্মৃতিমিরে—

বিচ্ছেদের কল্লাস্তরে প্রশ্ন ফিরে আসে চিরদিন ॥

ফিরে আসে চিরদিন ॥

সাবেকি

গেল

গুরুচরণ কামার, দোকানটা তার মামার,

হাতুড়ি আর হাপর ধারের (জানা ছিল আমার)

দেহটা নিজস্ব ।

রাম নাম সত্ হ্যাম

গোর বসাকের পড়ে রইল ভরস্ব ক্ষেত-খামার

রাম নাম সত্ হ্যাম

হু-চার পিপে জমিয়ে নশ্র হঠাৎ ভোরে হলো অদৃশ—
ধরনটা তার ক্যাপারই—
হরেক্ষণ ব্যাপারি ।

রাম নাম সত্ হ্যায়

ছাই মেখে চোখ শূণ্ণে থুয়ে পেরেকের খাট তাতে শুয়ে
পলাতক সেই বিধুর স্বামী
আরো অপার্থিবের গামৌ ।

রাম নাম সত্ হ্যায়

বান্ধা রেঁধে কান্না কেঁদে সকলের প্লাণ প্রাণে বেঁধে
দিদিঠাকরুন গেলেন চলে—
খিড়কি ছয়োর শূণ্ণে খোলে ।

রাম নাম সত্ হ্যায়

আমরা কাজে রই নিযুক্ত, কেউ কেয়ানি কেউ অভুক্ত,
লাঙল চালাই, কলম ঠেলি, যখন-তখন শুনে ফেলি

রাম নাম সত্ হ্যায়

শুনব না আর যখন কানে বাজবে তবু এই এখানে

রাম নাম সত্ হ্যায় ॥

১৩৫০

হাত থেকে তার পড়ে যায় থমে
অবশ আধলা ধুলোয় ।

চোখ ঠেকে খোলা অসাড় শূণ্ণে ।

প্রাণ, তুমি আজো আছ ঐ দেহে,

আছ মুমূর্ষু দেশে ।

ককাল গাছ ভাদ্রশেষের ভিখারী ডালটা নাড়ে,

কড়া রোদ্দুর প্রথর দুপুরে ফাটে ।

হাতের আঙুলে স্নেহ দিয়েছিলে
 চোখে চেনা জাহ্ন আপন ঘরের বুকে—
 বাঙলার মেয়ে, এসেছিল তার জীবনের দাবি নিয়ে,
 হৃদনের দাবি ফলস্ক মাঠে, চলস্ক সংসারে ;
 কতটুকু ঘেরে কত দান ফিরে দিতে ।
 সামান্য কাজে আশ্চর্য খুশি ভরা ।
 আজ শহরের পথপাশে তাকে ছুঁড়ে ফেলে দিয়ে কোথা
 সভ্যতা ছোটে তেরোশো পঞ্চাশিকে ॥

সনেট

হে যম, অন্ধকার যাত্রীর শোনো কথা :

মৃত্যু হলো ।

অস্পষ্ট ওপারে আমরা চলে

যাচ্ছিলাম, মেদিনীপুরের লোক,

জলে—

ঝড়ে যে-বাত্রে মেদিনীপুরের শূণ্যতা

ডেকে নিল ।

ভয়ংকর তেষ্ঠা, ছেলে কৈঁছে

কোথায় হারালো…… আজো কঁাদে ?

এলো বান,

ওরে বাড়ি আয় ।

একি টেউ, না কামান ?

এদিকে আগুন দেয় ঘরে গোরা,

বৈঁধে

মারে, “কংগ্রেসি কোথায় ?” সজে, যম,

দেশী

নৈস্ত হাসে,

—নয়, এরা মৃত্যুদূত নয়,

যে-মৃত্যু তোমার কালো ঝড়ে—

ধরাশয়

কোথা থেকে পাপ আনে এরা ?

শোনো,

বেশি

মনে নেই.....

যম,

ঘরনী কোথায় ?

ঘরে

যেতে হলে পথ বলো খুঁজব কী করে ॥

সত্যাত্মহ

(১৩৫২)

গড়ি প্রাচীর ।

ধ্বংসবাহীকে করুক স্থির

প্রাণখড়া ।

গান ধর গো

“ঐ কালো পক্ষী কেউ টিকবে না, না না ।”

(পক্ষ)

পুরোনো, পুরোনো ।

কত মানুষ পায়ে দলে যায় প্রাণের কচি পাতা ;

দা দিয়ে কাটে লাল কুমুড়া, সোনাবুরি ;

ফুটপাতে ভাড়াটে ভিথিরি জমায় ; মজুরের হাড়ে শহর গাঁথা

সোনার শান দেওয়া ধনীর ছুরি ;

অগণিত মর্মের উপর রক্তিম বিক্রম ; অনাশ্রিতের কায়া শোনো ;

পুরোনো, পুরোনো ।

ঝড়ে রোদে বেলা গেল

(প্রতিপক্ষ)

এও পুরোনো—

ট্রামের জানলাপাশে দ্রুত ঘাস ;

কাজের হাটেও নাকে এসে ঠেকে বসন্তের স্মরণিনিধাস ;

মধ্যনীল আকাশ থেকে শহরতলীর উপরে

আদিম সাহস বলে ছুপ'রে ।

চমৎকার ছবি-আঁকিয়ে, বন্ধু, উজ্জল কর্মী ;

আমাদের মতো বিচিত্র জনসাধারণ মানুষধর্মী ;

বর্ষের হাতে দুঃখ পেয়েও নিভৃত করুণার জ্বিং,

প্রত্যহ বীর্ষেই ধ্যানের ভিং ;

ইতর ক্রুর কঠিনকে হো হো হানির জোরে উড়োনো :

এও পুরোনো ।

আবার দিনের বেলা এলো

২

(অভিযান)

নতুন বলে ভয়কে ভয় পেলে ?

কোথায় নতুন ? যান্ত্রিক নব্যঠাট দেখো ঠেলে—

তলে সেকেলে পাপীর বিবিধ মুখটা, ভীষণ ঠাট্টা প্রাণদাতার ;

বিরুদ্ধে সংগ্রামটাও মাস্কাতার ।

তুই পুরোনোয় প্রাণের রণরঙ্গ

রক্তে ছলুক তরঙ্গ ।

নেবে কার পক্ষ ?

এ প্রশ্নকেও থিক্ । সাক্ষ্য দিক প্রাণ লক্ষ লক্ষ ।

বাঙলার কলকাতা বছর রাজধানী

তাকে বাঁচাতে চাও, তা জানি ।

আশুক বুকে তবে অন্তত এক ছটাক সাহসী চিত্ত
 নিছক বাঙালি ?
 বাঁচানো অর্থে বস্তি বাঁচানো নয়, বস্তির বস্তিত্ব
 ঘুচিয়ে মানুষকে দেওয়া অস্তিত্ব ;
 এবং এই তীব্র স্বযোগে লোভের জট কেটে শহরে
 সাম্যের বিধান ফাঁদা বড়ো বহরে ।
 বাঁচা নিজেই বাঁচা নয়, নিজে মরতে মরতে
 স্বাধীন মর্ত্য
 দেশকে খাড়া করতে ।

আবার নতুন দিন এলো
 শাদা বুদ্ধির তাই আলোগুলো জালিয়ে
 দীপ-নেভানোর যুগে না পালিয়ে
 এইটুকু বলা যাক স্পষ্টই—
 বানরদেবতা, হবে নষ্টই
 যদি নরত্ব বজায় রাখি । — যাই হোক
 পাপের বিরুদ্ধে পাপী হয়ে, হত্যার বদলে হেনে হত্যা-শোক
 মাথা নিচু করব না কোটি লোক ।

ঝড়ে রোদে বেলা গেল

(কোরাস)

গড়ি প্রাচীর

ধ্বংসবাহীকে করুক স্থির

প্রাণখড়া

গান ধর গো

“এ কালো পন্থী কেউ টিঁকবে না, না, না ॥”

জাইবুর্গের পথে

কোনোদিনই বুঝব না

কেন ঐ ছেলে তার পকেটে বুকের কাছে রাখে

চুল-ওড়া কার ছবি—

কে যে কাকে কেন প্রাণে ঢাকে ।

কার মুখ চোখ কার আলো হয়ে ঢেউ তোলে

দৈবতা কেন প্রাণে দোলে ।

গলা কারো আঙুলের এটুকু গড়ন

জীবনের চেয়ে বেশি ধন—

কেন কিছু বুঝব না ।

ছোঁয়া যায়, যায় না বা, ভাষা যার নেই

জানে তবু আছে ও দেহেই ।

ট্রেনে দেখি সৈন্ত যুবা বিমুক্ত স্বরণে ডুবে আছে—

বাহিরে কিছুই মানে খুঁজব না ॥

আপেল ফুলের হাওয়া ঝিরিঝিরি

যুরোপি ছোটো গ্রামে আছে ঘিরি ;

খুশি হয়ে অসীম বিশ্বাসে

শীত-রোদে মার কোলে শিশু হাসে

লেসে-বোনা টুপি পরা—

এ ছবির তল খুঁজব না ।

তরুণীর চোখে স্বথ বিদেশী যাত্রীকে খেতে দিতে,

ভাই যেন এল পৃথিবীতে,

কিসের বাজনা পথে ঘাটে—

এর মানে কিছু বুঝব না ।

এতদিন আছি বেঁচে কিছুই জানি নি, তবু শেষে

প্রাণের নিঃশেষ প্রেমে জেনেছি সমস্ত প্রাণ মেশে ॥

সমুদ্রে

ঢেউয়ের তরল তল স্বচ্ছ বাঁকা রেখা

শঙ্খ শামুকের জল লেখা

ঝিলুকে প্রবালে

মনে ঢোকে ঝলমল চিত্রণের জালে ।

জল মেঘ ঘন বন ছায়াচ্ছন্ন দ্বীপ-দ্বীপান্তরে,

পাখির উড়নি রেখা ভিড় করে—

শ্যাম পাহাড়ের কাঁপা পাতা থেকে

ডুরিয়ান্ গাছে কাঁটা ফল এঁকে

চীনে নৌকো ছাউনি ছাতে, নদীরেখা বৈকে বৈকে

চলন্ত জাহাজে এল বহু দূরে

সিঙ্কশব্দের সঙ্গে ঘুরে

আগুন-রঙানো সন্ধ্যা-ডেক-এ ॥

আদিম ভিতরে আঁকা রক্তের ধমনি রেখা মনে

তলে তলে চেতনার নিবিড় তরঙ্গ আলিপনে

জাতিশ্রম স্বত্বহীনতায়

আঙুলে তুলিতে কাঁপে রেখার বিচিত্র সমবায় ।

বাঙলার পলিমাটি গাঙ্গেয় তরুতে ঘন তুণে

পুরু সবুজের পাড় স্তম্ভরবনের প্রদক্ষিণে,

কাদা-গড়া দেউলের মৌসুমি উজ্জল উর্ধ্ব ভাপে

ছবির ভারতী রেখা কাঁপে ;

জন্মের প্রথম বাসা জলে-ভাসা ক্ষণে আজ দোলে

ছন্দে ছাঁদে ঘরমুখী প্রাণের কল্লোলে ।

তার পরে সব মিলে কোন্ সে চিত্রালি

আমার কথায় তাতে শুধু জল, মূঠো সোনা বালি-

অনির্গীত ইঙ্গিতের ব্যাথা

কবিতায় খোঁজে নতুনতা ॥

চিরদিন

আমি যেন বলি, আর তুমি যেন শোনো
জীবনে জীবনে তার শেষ নেই কোনো ।
দিনের কাহিনী কত, রাত চন্দ্রাবলী
মেঘ হয়, আলো হয়, কথা যাই বলি ।
ঘাস ফোটে, ধান ওঠে, তারা জলে রাতে,
গ্রাম থেকে পাড়ি ভাঙে নদীর আঘাতে ।
দুঃখের আবর্তে নৌকো ডোবে, ঝড় নামে,
নূতন প্রাণের বার্তা জাগে গ্রামে গ্রামে—
নীলাস্ত্র আকাশে শেষ পাইনি কখনো
আমি যেন বলি, আর, তুমি যেন শোনো ॥

তুমি যেন বলো, আর, আমি যেন শুনি
প্রহরে প্রহরে যায় কল্পজাল বুনি ।
কুমুদ কল্লার ভাসে থৈ থৈ জলে,
কোথা মাঠ ফেটে যায় মারীর অনলে ।
আঙিনায় শিশু খেলে, ফুলে ধরে মৌ,
তুলসীতলায় দীপ জ্বলে মেজো বৌ,
সানাই বাজানো রাতে হঠাৎ জনতা
বিয়ে ভেঙে মালা ছিঁড়ে ছড়ায় মত্ততা ।
মাল্লষের প্রাণে তবু অনন্ত ফাল্গুনী—
তুমি যেন বলো, আর, আমি যেন শুনি ॥

বৃষ্টি

কৈদেও পাবে না তাকে বর্ষার অজস্র জলধারে ।

কাস্তন বিকেলে বৃষ্টি নামে ।

শহরের পথে দ্রুত অন্ধকার ।

লুটোয় পাথরে জল, হাওয়া তমস্বিনী ;

আকাশে বিদ্যুৎজলা বর্ষা হানে

ইন্দ্রমেঘ ;

কালো দিন গলির রাস্তায় ।

কৈদেও পাবে না তাকে অজস্র বর্ষার জলধারে ।

নিবিষ্ট ক্রান্তির স্বর ঝরঝর বুকে

অবারিত ।

চকিত গলির প্রান্তে লাল আভা ছরন্ত সিঁ ছরে

পরায় মুহূর্ত টিপ,

নিভে যায় চোখে

কম্পিত নগরশীর্ষে বাড়ির জটিল বোবা রেখা ।

বিরামস্তম্ভিত লগ্ন ভেঙে

আবার ঘনায় জল ।

বলে নাম, বলে নাম, অবিশ্রাম ঘুরে ঘুরে হাওয়া

খুঁজেও পাবে না যাকে বর্ষার অজস্র জলধারে ।

আদিম বর্ষণ জল, হাওয়া, পৃথিবীর ।

মস্ত দিন, মুগ্ধ ক্ষণ, প্রথম ঝঙ্কার

অবিরহ,

সেই সৃষ্টিকণ

স্রোতঃস্বনা

স্বভিকার সস্তা স্মৃতিহীনা

প্রশস্ত প্রাচীন নামে নিবিড় সঙ্ক্যায়,

এক আর্দ্র চৈতন্যের স্তব তটে ।

ভেসে মুছে ধুয়ে ঢাকা সৃষ্টির আকাশে দৃষ্টিলোক ।
 কী বিহ্বল মাটি গাছ, দাঁড়ানো মাহুশ দরজায়
 গুহার আধারে চিত্র, ঝড়ে উত্তরোল
 বারে-বারে পাওয়া, হাওয়া, হারানো নিরন্তর ফিরে ফিরে—
 ঘনমেঘলীন
 কেঁদেও পাবে না যাকে বর্ষার অজস্র জলধারে ॥

পিঁপড়ে

আহা পিঁপড়ে ছোটো পিঁপড়ে ঘুরুক দেখুক থাকুক
 কেমন যেন চেনা লাগে ব্যস্ত মধুর চলা—
 স্তব্ধ শুধু চলায় কথা বলা—
 আলোয় গন্ধে ছুঁয়ে তার ঐ ভুবন ভরে রাখুক,
 আহা পিঁপড়ে ছোটো পিঁপড়ে ধুলোর রেণু মাখুক ॥
 ভয় করে তাই আজ সরিয়ে দিতে
 কাউকে, ওকে চাইনে দুঃখ নিতে ।
 কে জানে প্রাণ আনল কেন ওর পরিচয় কিছু,
 গাছের তলায় হাওয়ার ভোরে কোথায় চলে নিচু—
 আহা পিঁপড়ে ছোটো পিঁপড়ে সেই অতলে ডাকুক ।
 মাটির বুকে যারাই আছি এই হৃদিনের ঘরে
 তার স্মরণে সবাইকে আজ ঘিরেছে আদরে ॥

এপারে

দেখলাম দু-চক্ষু ভরে, হে প্রভু ঈশ্বরমহাশয়
 চৈতন্তে প্রসন্ন সূর্য,
 . খচিত রাত্রির দেয়া গান
 . রেডিয়ো নক্ষত্রে বাজল এই দেহে কিম্বিকিম দূরে
 শিরায় জড়ানো নহবৎ ।

ইন্দিয়ের চূর্ণ সুরে
জেগেছে সংসার প্রান্তে আদিম গায়ত্রীমন্ত্রময়
ভূভুবঃ স্বঃ ।

হোক না স্বেচ্ছায় বন্দী প্রাণ
হঠাৎ মুক্তি সে পেল ।

(কিছু বন্দীদশা ইচ্ছাতীত,
সে তর্কে নামব না আজ ।)

মহাশয়, পাথিবের দেশে
স্বীকার্য, অনেক হল : সভ্যতা যতই পাপ কাজে
যুদ্ধে হানে জ্যোতিবুদ্ধি, রক্তবহা যন্ত্রণা সমাজে
গঙ্গোত্রীর ধারা নেমে বার-বার অলক্ষ্য রঙ্গিত
ধুয়ে মুছে দিয়ে গেল মুহূর্তে অক্ষয় লোকালয়
কোটি মৃত্যু কান্না ছোঁয়া সমুদ্রের নীল নিকরদেশে ।

শুধু আঞ্জা দাও, যেন বুঝি

আয়ুকাব্য মহাময়
অধ্যাসে-অধ্যাসে খোলা অভাবের এই পরিচয়
গ্রন্থিবাধা তারি মধ্যে এসে আমি জন্মমৃত্যুপারে
আজো কোন খুঁজি বাসা,

এদিকে পকাশ হল, দিন

এ যাত্রা সঙ্কায় ক্রমে সন্ধিক্ষণে হয়ে আসে ক্ষীণ
পালা-বদলের বেলা,

মেলাবে কি যোগ অঙ্ককারে
সৌরধুলো তৈরি দেহ রাখি যবে, ঘরে-ফেরা বাঁশি—
বহু পথ এসেছি তো বস্টনে বাঙালি দূরবাসী ॥

সমাবর্ত

নিরবধি কালের সকাল । নীল ইম্পাতী রেল জলে ওঠে
কালো ছাতি, দুটো-পঁচিশের ট্রেন এল বলে, প্রশ্চক্ষু স্থির
সিগ্নলের— হঠাৎ সবুজ দৃষ্টি— ঝোড়ো এক্সপ্রেস ছোট
সময়ের অগ্নি দূরে দূরে ; থেমে যায় আন্দোলিত ভিড়

কম্পিত পরিধি প্রান্তে ; পাশে অসংলগ্ন জলে গম্ভীর বকের
এক-পা বাড়ানো ধ্যান : মনে একটি মাছ ; উঁচু টেলিগ্রাফ তারে
কোটি বার্তা চলে তা কে জানে, তাতে বসে দোলায় শখের
পুচ্ছ বুনো পাখি, ভিন্ন লোকে ; মাঠে লাল ট্র্যাক্টর অগ্নধারে ।

মধ্য-মার্কিনে আছি মিসিসিপি পারে, চলেছি যে ঘড়ি হাতে
টিকটিক আয়ু তার আনে ছিন্ন এটা-ওটা : খুঁজি নিঃসময়
কোন ঘটনার ছবি— বাংলা ভাষায় গাঁথা— চিরক্ষণে যাতে
শাদা বক, ব্যস্ত ট্রেন, বৃকে ধরে এই সকালের পরিচয় ॥

এম্পানোল্

বন্ধিম ভঙ্কিতে কাঁপা খেয়ালি পথের বেহালায়
দূর সমুদ্রের পথ চিনে
কেন এ ইম্পানি গান গাও এই কঠিন মার্কিনে ;
মধু তাল উত্তাল নৃত্যনীল সুরে মাতা
রোদ্দুরে বিদ্যুতে গাঁথা
বাজাও স্পন্দিত ধ্বনি ক্যান্টানেটে ।
হাল্কা খুশির ভান
অশ্রুতে করে আনচান
মেদ্রিদের অলিন্দের একাকী উৎসুক বুক কেটে ;
ভিড়ে ছুঁলো সে লাবণী অনির্দেশ মেঘের ভাসান

এই গানে অলিভের ছায়া দোলে,
 আঙুরের মিষ্টিতে সোনা মদরস ভরে তোলে,
 আঙুলে মূদ্রার ভাষা, পায়ের নাচের তাল খোলে
 এ-গানের যা-ই নাম দাও
 এই গান
 এই প্রেম, এই প্রাণ
 কভু বাস্ক, ক্যাটালনিয়ান
 পাহাড়ের নীল-কাটা আভা দৃষ্টি তাও
 চেনা চেয়ে বেশি,
 শুধু নয় মস্ত্র অত্মদেবী—
 এর টুংটাং ঘণ্টা শাদা ধুলো রাস্তা বেয়ে
 চঞ্চল চলন্ত কত জীবনীর ছায়া ছেয়ে
 দাঁড়ায় মিনারতলে, পাঙ্কশালা রঙিন বাজারে
 প্রাচীন ইম্পানি খচা ভারি দরজা তারি ধারে ;
 আজ আনে দু-দিনের রক্তে কোন আঁকাবাঁকা
 যুগান্ত পৌছনো প্রাণ, বিশ্বরঙ্গী ছাঁকনিতে ছাঁকা ।
 হয়তো পেরিয়ে পিরেনিসে
 বিজ্রোহীর ধ্যানে মিশে
 কাসাল্‌স্‌ চেলোয় তাঁর নির্বাসিত বেদনার স্পেন
 অগণ্যের ঘরে জাগা
 নতুন প্রাণনী লাগা
 শৈলাভ গ্রামের বৃকে এ-গান নিলেন ॥

সংলাপ

(১৯৫৫)

“সরু সামাজিক পথে চলে

একটু-আধটু কাঁচা জায়গা তবুও মনের মধ্যে রাখা :

আগাছায় ছায়া-দেয়া আদিমতা ।

শোনো, বন্ধু, অলিগলি আঁকাবাঁকা তাতে ঘুরি ।

চমক পাথরে মোড়া উজ্জল মনন সভ্যতায়

অতিথি, তবুও ফিরে গিয়ে

বসে থাকি ভাঙা ঘাটে, সেই শিবতলা পূলে

গঙ্গার ওপারে, দেখি, কিছু নয়, মাছটা, পাখিটা,

কানাই ঘোরায়ে লাঠি, ছোটো ছেলেমেয়ে ভিড় করে,

হাঁ করে তখুনি মানে জাহ্নবিছে, ভেঁপু কেনে ।

দাম্যী রাজ্যে স্বনির্বাসী গরিব বাঙালি

তারি যে নিতান্ত সাথী, ছেঁড়া চটি পরে চলে যাই

আত্মীয় যুগের মধ্যগ্রামে,

একেবারে প্রাথমিক প্রগতির ।

আহা, ঐ বোষ্টমী ভিখারি

কিছু না জেনেও গায় কত সে পুরোনো ধ্বনিভরা

গান,

ছন্দ তার যেন নান্দী পাঠ, একতারা বাজা

ভাঙা ব্যাকরণে মেশা পাখিব যোগের সংসারতা

হাটের বাটের, ছোঁয়া রাধা-কৃষ্ণ প্রেমধ্যানে,

শিব-পার্বতীর কথা, শৈল স্নিগ্ধ নীল হিমাচল

হাওয়ায় পুজোর ঠাণ্ডা আনে কলকাতায়,

বাংলা ঘরে-ঘরে ;

এসব বলবারই নয়, হয়তো, কী জানি

প্রামাণ্যই নয়, তবু এতেও সূক্ষ্ম ধন

নরহরি বার্তা আছে তোমাদেরও ।

আখিনে সানাই বাজে শোনো দূর ঐতি ।

আজ আমার বুক ভরা, সবাইকে শ্রদ্ধা করে বলি
সুন্দর স্বাগত দিলে, দেখে ছুটি অর্জেছি
তুই তীরে,

আন্তর্জাতিক মন শিকড়ে মাটিকে আঁকড়ে থাকে
যে-মাটি এ-বুকে আজো বাংলা পাখিব,
যদি ফোটে মেঠো ফুল, তাই নাও সেই মাটি থেকে
যাত্রী-অর্ঘ্য নব বৎসরের ॥”

ঈস্ট রিভার

(ন্যূইয়র্ক হাসপাতালে)

পূর্বী নদী,

যজ্ঞগার ঝাপসা রাত্রে প্রগাঢ় শিরায় অতঃশীল
তুমি বও একধারা অশ্রুজল,

অনিদ্রার তলে-তলে হাড়ে
অতলান্ত সমুদ্রের স্পর্শ আনো মোহানায়,
ডুবে যাওয়া

মান্‌হাটানের পাশে ।

লক্ষ বাসনার রাঙা দাহ দপ্‌দপ্‌
আলোর প্রলেপ উলকি মুছে-মুছে ঢেউয়ে ঢেউয়ে অন্তর্লীনা
তুমি

বাবিটালের ঘূমে প্রান্তে জাগো শ্রাম শোতোধ্বনি
প্রশমিত শয্যাঘরে ।

একা গুয়ে মগ্ন মনোবেগে দূরগামী
হারাই তোমার জলে খণ্ড বেলা, চূর্ণ কথা, লুপ্ত খেয়াঘাট,
ব্যর্থ ঘূর্ণি, যত ছিন্ন দোকানের পণ্যসারি ইচ্ছাভরা,
তীরে-তীরে

নিয়ন আলোর শঙ্কা ।

ট্যান্ডি শব্দ পৌছে শান্ত হয়,

অন্ধকারে

তীব্রজ্বলা লাল রাস্তা, দ্রুত গলি, প্রগল্ভ বিদ্যুৎঝরা ছোট

ব্রডওয়ের হুইইয়র্ক, নিশাচর,

তাও ছোঁও টেপা-সুইচের

হঠাৎ তিমির দোলে ।

ধীর রক্তগতি সর্বময় সমতানে

বিলয় নিথরে ঢাকো শূন্য শেষ শীর্ষ মুষ্টিতোলা

এম্পায়ার স্টেট,

উচু-নিচু পরিবার, ব্যবসায়ী সৌধ দৈত্য-

নাগরিক ।

হঠাৎ প্রকাণ্ড ভার নেমে যায় ।

রেডিয়ো-ফোনানো

বিজ্ঞাপিত শব্দতূপ ক্ষীণ মূর্ছা মেশে লুপ্ত কানে ।

উদ্বেগ তারা

ওঠে,

কাঁপে নিচু প্রতিফলিতের স্রোতে,

তরল প্রবাহ আয়নায়

ঝকঝকে ধ্রুব যুগ্মতায় সারারাত্রি ।

সত্তা স্রোত, পূর্বী নদী,

হাসপাতালের ঘরে সাততলা ভূঁয়ে আনো ঘরের উদ্দেশ,

আরোগ্য অরুণোদয় ।

ভোর ভাঙে । আগুন তোমার ঠাণ্ডা ভলে

নতুন আয়ুর স্বর্ষ ।

ভারি চোখ ভরা চায় পাশে বারান্দায়,—

রবার-চাকার গাড়ি, কফি নিয়ে নার্গ আসে

প্রশস্ত সকালে অগ্নদিনে ;

নীল পর্দা খোলে যেই, ধীরে-ধীরে

তুমি দূরে সরে যাও প্রাণনীতা,

পূর্বী নদী,

চলচ্ছবি ঐ জ্ঞানলা পাশে

প্রাত্যহিক, স্টিমারের বাশি-বাজা ।

ওদিকে উঠোনে বাস থামে

নাম-লেখা চলন্ত কপাল । ব্যস্ত যাত্রী । আরেক জীবন্ত বেলা ॥

সঙ্গ

এক, দুই, তিন—

উর্ধ্বতর হিমালয়ে ধূম্র বরফের মেকলোকে

পাথর-হিমের খাড়া পাহাড়ের গায়ে সিঁড়ি কেটে

যারা ওঠে পরে-পরে উত্তুঙ্গ শীর্ষের দেয়ালে

প্রত্যেকেই তারা রয় একত্র একাকী—

প্রতি পদে পথ চিরে শুভ্র-ভাঙা মানস কুঠারে

যাচে পৃথকের উঁচু পৌছনো প্রসাদ জনে-জনে

যেখানে সবারে দেন মৌন ধ্যানে মূর্তিমতী

গিরি অন্নপূর্ণা তাঁর জ্যোতির্ময়ী সর্বোত্তম দান

আপন-পারের উত্তমতা ;

আসন্দের যে-সংগীত কানের চেতনে পাহাড়িরা

পায় একেবারে শুদ্ধতায়

কিংবা দড়ি-ছোয়া ছায়া সাহচর্য চেতনায় লীন,

সব তার সংসর্গতা অনাদি আদিম নীলালোকে

মিশে হয় অনিশেষ উজ্জল নির্মল তুষারের ।

শৈল অভিধান, তবু, কোথায় একের শিঙা বাজে,

মজ্জায় শরীরে বেকে প্রত্যেকের ওঠা বোঝা বেয়ে,

একাকীর পায়ে শুনে কোনোমতে, এক দুই তিন ॥

সমবায় নেই, যেই ঝোড়ো অরণ্যের মর্মে চ'লে
শিল্পের তন্ময়ী গুরু বেঠোভেন শব্দধ্যানে একা
তর্জমা করেন সৃষ্টি মগজের সংগীতের ঝড়ে
অসম স্বেদ এক প্রকাণ্ড একক সিম্ফনিতে ;

সেখানে বহর পার, জর্মানির ঐশ্বর্য সংস্কৃতি
ভুলে-যাওয়া ব্যাকরণ, ধ্বনির অগম তলে—
যেমন সমস্ত ভুলে নীহারিকা লোকে তারা-গামী
অঙ্কের সিঁড়িতে উঠে জটিল শৃঙ্খলের আরো শেষে
দেখে দূর অতপ্রিত পারে

জলজল অ্যাণ্ডোমিডা,—
আদি অন্ত নিনিমেষ শুধু মহাবিশ্বে প্রকাশিত
অন্ত সৌর জগতের জ্যোতি,
ব্যাপ্ত এক, সব সিঁড়ি, বীক্ষণের ক্রিয়া
সে-মূহূর্তে সরে যায় প্রক্রিয়ার পারে :
অনন্তকে শোনা আর অনন্তকে দেখা,
অন্তরায় নেই কোনো জাগৃতির,
একা আর এক সম্মুখীন ॥

প্রাণে-প্রাণে মহাজ্যোতি প্রেমে জেলে একা চলতে হয়,
হয়তো বা পাশাপাশি, হয়তো বা দূরে ;—
অত্যন্ত নিবিড় সেই সঙ্ক যারা জানে নিয়ে যেতে
নির্বাণ মাধুরী পারে,
তাদের সে একোত্তম শূন্যচারী অন্তহীনতার
পরিণয় জানবে না জগৎ ;
হেসে সেই মুক্তি দিয়ে, মুক্তি নিয়ে, সহচরী ।
না বুকুক এ-সংসার, শোনে যারা ধ্যানের হৃদুভি
তাদের যে ভিন্ন পথ : তাদের সান্নিধ্য এককতা,
গঙ্গাধারা গঙ্গোত্রীর উজানে পৌছিয়ে তারা এক
শিবনেত্রতলে রাজিদিন ।

আবার সংসার খেতে, ফেরি-ঘাটে, সাঁকো-তল দিয়ে
 কখনো বা যুদ্ধতায়, কভু শূন্য মাঠে,
 একই তীর্থ যারা বুকে পায়
 সংগমের বিখ্যাতীত গহন সন্ধানী,
 অনন্ত রাগিণী সেই অলক্ষ্য সমুদ্র পারমিতা
 —নয় বহু ভিড়ে হারা, নয় আধি
 অলগ সত্তায় তৈরি বাসনার—
 আনন্দবর্ণিত স্বচ্ছতায়
 মেনে তাই সর্ব বাধাহীন বারে-বারে ॥

অ্যান আবার

পৌছতে আজ তো বেশি লাগে নি সময় ?
 এই তো এখনো হাতে রয়েছে সে বন্ধ-করা চিঠি,
 দুপুরের লম্বা ট্রেন এখনো চলেছে জানলা পারে,
 ঐ দোলা ডাল থেকে দু-দণ্ড উড়েছে শূন্যে পাখি,
 এই তো চোখের মগ্ন ছবির অগাধ থেকে ওঠা
 জলজল বোটা এই মুহূর্তের
 ঝরঝর ধোয়া দিন সম্পূর্ণ আবার ভরে আসে—
 সাক্ষী সব-কিছু—
 যেখানে রওনা শুরু তার থেকে ঘড়ি বলে, শুধু
 মিনিট খানিকও নয় : দাঁড়িয়েছি একাকিনী তবু
 বসেছি পায়ের কাছে ॥

রাত্রি

অতন্দ্রিলা,
ঘুমোওনি জানি
তাই চুপি চুপি গাঢ় রাত্রে শুয়ে
বলি, শোনো.
সৌরভারা ছাওয়া এই বিছানায়
—সুশ্রুজাল রাত্রির মশারি—
কত দীর্ঘ দু-জনার গেল সারাদিন,
আলাদা নিখামে—
এতক্ষণে ছায়া-ছায়া পাশে ছুঁই
কী আশ্চর্য দু-জনে দু-জনা—
অতন্দ্রিলা,
হঠাৎ কখন শুভ্র বিছানায় পড়ে জ্যোৎস্না
দেখি তুমি নেই ॥

মিলন দিগন্ত

কাছাকাছি ফিরে আসা দু-জনের বেদনা বাতাসে
ওদের সে দূর কাছে আসে ;
যে-দূর দু-জনে গঁথে বছরে-বছরে বছরদিন
ছুই তীরে ভরেছিল বিচ্ছেদের নিরন্তর বিলীন ।
পাশের বাড়ির কান্না বৃষ্টিছাট অস্পষ্ট সকালে,
প্রত্যাহের লগ্ন সারি, কত বোধনের জ্বলে-জ্বলে
বুকে-বুকে গড়া এক চিরায়ি রঙের স্তব্ধতায়
যেন মৃত্যু ধোওয়া দৌঁছে ফিরে পায় ।
কত ট্রেন চলেছিল, টাইম-টেবিলে ঝাপসা চোখে
জল মুছে যাত্রা সেই মানসের, কল্পলোকে

চেনা হাতে চিঠি লেখা হঠাৎ প্রত্যক্ষ বুকে নিয়ে
 উত্তর-না-পাওয়া বেলা, দীর্ঘ প্রতীক্ষার পারে গিয়ে
 রোদ্দুরের এক রাত্রি সমুজ্জ্বল কোন আপনতা,
 শহুড়োরে ছু-জনায় খোঁজে সেই ডুবে-যাওয়া কথা ॥

কাছে-আসা দৈব বেলা লুকোয় কোটির কত দাবি
 সাধা নেই মিলনের, সম্পূর্ণের পূর্ণতায় নাবি
 দেবে যে ছু-জনকে সেই অত বছরের ক্ষণভরা
 সমস্ত বৃহৎ বিশ্ব, ছু-জনার সত্য অক্ষরা ।
 বারে-বারে ভর ভর চোখে তাই, নত চেয়ে জ্বলে
 যুগ্মতা মিলনাতীত, আনন্দের বিদার্য সন্ধানে -
 নির্নিমেষ উদ্বোধিত এক চেতনায় পরস্পরে
 ত জনকে বিশ্বপ্রতীকের সাক্ষী করে ;
 চূর্ণ বসন্তের নীল ঝঞ্ঝে
 দিনধারণার বেশি বিশ্ববধে
 হঠাৎ প্রাজ্ঞল মুগ্ধ আলিঙ্গনে বুঝি ওরা শেষে
 সমস্ত অপিত সত্যে মেশে ॥

ইতিহাস

নেবুরঙা শাটপরা একটি মালুম এসেছিল
 ঢালু মাটি মস্ত গাছ পেরিয়ে, নদীর ধার দিয়ে
 ঘোড়া চড়ে ;

কী মনে লাগল তার, ফিরে গিয়ে
 নির্জন চড়াইয়ে এল আরো ছু-জনার সঙ্গে, বসে
 গাছতলে খানিকক্ষণ তিনজন (স্ত্রী আর গায়ের খুড়ো হবে)
 থলি খুলে রুটি সবজি খেল, ঘোড়া দাঁড়ালো গা ঘষে
 তারপরে গলা তুলে ডেকে উঠল চিঁহি-চিঁহি হবে ।

ঠুকঠাক দিনে-দিনে কাঠ কাটা, বাড়ি তোলা, ভালোবেসেছিল

ওরা এই জায়গা। আজ সেখানে একটি খুদে পাড়া
ড্রাগ-স্টোর, বিয়দ-হল্, মস্ত গাছ আজও খাড়া,
খুড়ের হাতিশ নেই, শাদা অক্ষরে লেখা সিমেন্টিতে
একটা পাথরে জল-মোছা কার নাম, সেই স্ত্রীর,—
তারই সঙ্গে পুরুষের, বাহশ বছর পরে মারা যায় ;
এক ছেলে নেভাডায়, অল্প ক্যারিবিয়ানের তীর
কোন এক ছাপের শতরে থাকে। খড়খট শব্দ ওটা কাঠবেড়ালির।

দোল (ইতালিয়ানের সংখ্যা পাঁচ) ভাড়া ইংরেজিতে
তর্ক করে একত্র তিনজনে, ওরাই এখানে বেশি সংখ্যায় ;
ডক্টরের ছবৎসরে যুদ্ধের আগেই সিধে বন্টিমোরে
তারপরে ঘুরে-ঘুরে এল মাতজন। চিনি-দানি থেকে
চ-চামচে চিনি নিয়ে কফি খায় রোগা যুবা, বেস্টরায়
দেয়াল-কাগজ হলদে, পেরেকের বড় দাগ, ডেকে
ওঠে সিমেন্ট (না সোডিয়াম) কারখানা সাইরেন জোরে
কাপিয়ে উপত্যাকা— গ্রামের প্রধান নির্ভর ঐ ফাস্ট্রির , ঘোরে
ঠাণ্ডা ছপুয়ে চিল.

খড় উঠে ঠেকে বকে, উচ্ছ্বসিত প'রে
মেকন-বডের জামা ঐ যে মেয়েটি যায়, মুখে স্বপ্ন নেই,
কী করবে, জর্জিয়া থেকে বোন সে লিখেছে চলে যাবে
স্বামী-ছেলে ঘরে ফেলে— স্বামী একটু বেশি মদ খায়— পাবে
হালি-উড়ে কোনো চাকরি তাই মনে ক'রে ; ভাবে যেই
এর চোখে জল আসে।

দুটো মস্ত কুকুরের ঘেউ-ঘেউ ডাকা গেটে
জেল-এর মতন বাড়ি, থাকে কারখানা-প্রভু শ্মিগ, স্টেটে
ডলার কুবের শ্রেষ্ঠ, কারখানা নানা থানে, কথা বলতে অল্প দৃষ্টি
চোখে ঘোরে,

টাক-মাথা, আপিশের যম, গ্রামের কিছুতে নেই, শিকাগোতে গাড়ি
 নিজেই হাঁকিয়ে যায়, কিছুদিন থেকে ঘন-ঘন ট্রাকে ভরে
 কৌ-সব জিনিস সব পাঠায় কোথায় । সন্ধ্যার ধুলোয় তাড়াতাড়ি
 আজ বেলা নামল রাঙা ব্যাপ্ত লাল,

“আনা,

ঘড়িতে দিয়েছ দম !” ঘড়িটা আসলে মৃত, ভুলেছে সময়, নানা
 ধুকধুক পেরিয়ে আজকে, মধ্যো-মধ্যো তবু চলে । খাটে গুয়ে

আনার দিদিমা

বারো বছর ঐ গির্জের পাশের ঘরে ; আনার বয়স দশ, নেই সীমা
 উৎসাহ খুশির তার, মোটা নীল ফিতে চুলে বাঁধা, লাল গাল,
 বাপের দোকানে সারাদিন কাজ করে, ভাই তার প্রতাহ সকাল
 সাতটায় সাইকেল চড়ে চলে যায়, পাঁচ মাইল দূরে বালি-পথে
 ফিলিং স্টেশনে, থবর এনেছে কাল নতুন প্রকাণ্ড বাঁধ হবে
 এই দিকে, সিসি-আইসিস ছুটো নদী বেঁধে । দূরে কোন

জায়গায় তবে

ইট বাধা বহু গ্রাম একত্র শহরে গেঁথে, কোনোমতে

থাকবে বহু লোক । এই গ্রাম

তাহলে

উঠে যাবে ॥

Zen-ধরনে

(কোয়ান্)

দ্রিমিদ্ৰিমি ঢেউ বুঝি সমে থামে

আগমের উপছনো গতি নামে—

চাঁদ ভোবা অরণ্য ইশারা,

তারি স্তিমিতির তীরে ধারা ।

কই ছায়া, নেই ঘৃণি, জল নেই,
 কত জল পার হ'ল বহনের বেলা সেই—
 ফেরিঘাট, হাট, লেন-দেন ;
 কুহ ডাক. খবর তরী, মেঘ-লাগা, কিছু নেই—
 শোতহীন নদীহীন Zen ॥

(সাটোরি)

জন্মনীল চোখে দেখা
 কালের কাঁজল কচি ছায়া চোখে দেখা
 শুধু তাই—
 শুধু অবাকের দেখা
 শুধু বুঁকে থাকা দেখা
 কাঠ খড় বেড়াল বা জল—
 যেখানেই দেখা,— আঁধারে ,
 যেখানেই ছোঁয়— সব ছোঁয়,
 তাই এত খুশি ।
 একেবারে ॥

পদাবলী

পায়ের ছাপ কি দেখেছ ধুলোতে
 ঠাকুরঘরের পথে যেতে, মাপ
 কখনো মেয়ের, কখনো সে আঁকা
 শিশুর চরণ গেছে আঁকাবঁকা
 কত অসংখ্য তাঁরি আনাগোনা
 সাক্ষাৎ ভগবান ।

প্রাচীন দ্রাবিড়. অরণ্য-কোনা
 জুড়ে বুনো ধান বুনেছে নিবিড়
 গেয়েছে কী গান, প্রাণমন্দিরে
 ভারতী মাটিতে পদপাত রেখে গেছে
 ঠাকুরঘরের পথে, প্রতি ধাপ.
 ধর্ম-ব-আগে আরো সে-ধর্ম
 গোপন মর্মে নিয়ে পদ-ছাপ ;
 যিনি এসেছেন যুগে-যুগে আসা
 শুনে সেই ভাষা, দূরে দূর থেকে
 এসো ফেলে রেখে ঠাকুরঘরের তান.
 পথের ধুলোতে কোনো সন্ধান ।

দয়িতা

বড়ো বাখা পেয়েছিল অগাধ জলের ধারে গিয়ে ।
 ডুবতে পারেনি একা,
 দূরের তীরের রেখা
 তখনো আশায় ছিল ছলছায়া দিগন্ত ব্যাখিয়ে ।
 ওগো সে গহন জল
 ওগো মৃত্যুহীন তল
 আপন বুকের মায়া ভীকু লয়ে গোপনে বিলীন,
 সেখানেই পেত তাকে সঁপে দিয়ে সর্বস্ব সেদিন ।
 বাখা নিয়ে দাঁড়াল সে নিরবধি জলধারা পারে —
 স্বয়ংস্বরা চলে আজ খুঁজে বেলা পথের সংসারে ॥

দ্বিঘি

যেখানে সে ডুবে আছে

সেখানে জল নেই,

সোনালি দোলে ঝিমুক তল

মুক্তো বলক,

আরো গহন আলোর নীল ।

সেখানে ঢেউ নেই,

অবগাহনের প্রতি পলক

চেতনা ঢালে অচঞ্চল,

শৈল পাখি আকাশে মিল,

তীরেব আনন ।

নীরক্ত এই বগাঘাস,

হালকা তবু হাওয়ার পাত ।

কানে কানেই ঝরে বাঁশি

সেখানে কেউ নেই ।

মধুকোরকে মুকুলবাঁশি

কমলদল নেই ॥

আফ্রিকা স্বাক্ষর

সর্ব অক্ষরের সারি উচু নিচু কালো শাদা,

রক্তাশ্রয় মরুভাষা, পাশে অন্তর্হিত

যে-মুদ্রণ নীলাস্তের, সব ফিরে দেব

নির্বাক অসংখ্য কাব্য । সীসে-ঢালা ছাপা

কোথায় ধরবে এ ভাষা আফ্রিকার প্রথম দিনের

যে-বাক্য ধরি বুকে ? আরো স্তব্ধ কথা
সম্পূর্ণ অনাদি ধ্বনি নিরবধি অরণ্যস্পন্দিত,
হয়ে জাগে কংগো তীর, সাগর সংগতি,
কোথাও স্তিমিত বোজ, চন্দ্রাঙ্ক সন্ধ্যায় ।

দাহ ধরিত্রীর গূঢ় সৌর জল সংস্করণে
দক্ষিণ সাহারা প্রান্তে ওঠে ঘন এককতা
উচ্চারিত ক্রমে আথে ম্যানিয়ক শিকড়ের ক্ষেতে,
দারুণ পতঙ্গ পাখা কুমিরে প্রাণের দামামায়
কাফ্রি মন্ত বিশ্বদৃষ্টিক্রপী । অগ্নি ভাষা নেই ।

চলি সেই ত্রয়ী দ্বীপ ধারে
যেখানে পশ্চিমী ঋষি শুক্রবার ধ্যানের বিজ্ঞানে
শুনে ডাক বক্ষে যন্ত্রণার
প্রায় অর্ধ শতাব্দীর যজ্ঞ জ্বলেছেন, ব্রতী
জীবিতের প্রাণের অঙ্কায় ।

তীর্থ ল্যাবারেনে,
অ্যালবার্ট সোয়াইট্জর আজো প্রায়শ্চিত্তে নেমে
আশ্রমের নিত্যশ্রমে হৃর্ভেগ আহত আফ্রিকায়
বাধেন ক্রতের অভিশাপ ;

অগোয়ের তীরে নিশ্বসিত
বাণী সে যোগের ॥

দাস-ব্যবসায়ী ঘাতী নানাদেশী
যুগের সঙ্কিত পাপে যুক্ত করে তীব্র বর্ণধেষ ;
লুক্ক পররাষ্ট্র যত তার প্রহ্ন, প্রমোত্তর
কাব্যোত্তীর্ণ বিপ্লবের ধর্মে রচে কল্যাণ সংগ্রামে
বিজয়ী মানবগাথা :

ছন্দের অতীত ॥

সত্তার আশ্চর্য শক্তি মহাব্যাপ্তি ইতিহাসে
 প্রকাশ-পুঁথির অকুলান ; রক্তে জেনে
 নির্ভাবী ফিরিয়ে দিই একান্ত শুধুই
 তীক্ষ্ণ তীব্র শান্ত কথা আত্মিক প্রত্যক্ষ ঝাঁকে ঝাঁকে ;
 ওঠে দিব্য উদ্ভাবন আফ্রিকা স্বাক্ষর,
 জাগ্রতের চিরমাতৃভাষা ॥

পতু'গীজ আঙ্গোলা

যদি থাকত একটি তৃণ, মরুধ্যানে কোথাও বিস্মৃত
 গামরক্ত চিহ্নটুকু,
 তাকেই নির্ধামে তপ্ত আঙ্গোলার কবিতা গোলাপে
 জাগাতেম মিশ্রিত উপমা,
 দূর যাত্রী দাহ ধুপে স্মরভিত।
 এ মুহূর্তে দক্ষ শুধু কঠিন কাতর ইচ্ছা,
 চেয়ে চেয়ে উবে যাওয়া ব্যথার অঁতর
 অস্বিষ্ট আহত শূন্যে তাপ ;
 তলে পতু'গীজ-বন্দী জর্জর আফ্রিকা
 প্লেনের পাথায় কাঁপে কাংশু অনির্দেশ
 অগণ্য নিস্তরু ভাঙা, ছায়া-সাক্ষীহীন।
 প্রকাণ্ড নিল'জ্জ ব্যাপ্তি, তবুও গোপনে
 কলঙ্ক শৃঙ্খল-গাঁথা, জানি, লুয়ান্দায়—
 ক্রীতদাস ধিকৃত কলোনিতে।
 ছিন্ন বাঁচা বন্দী জনতার
 কোথাও খনিতে লুপ্তি, কারা খাটে কলে ;
 কালো স্বক বিধিদত্ত, নির্ধাতিত নিগ্রো শোধে তারি
 আয়ত্ব ভীষণ দাম অপমানে রাত্রিদিন।
 অধম বণিক ঘোরে সাম্রাজ্য পাপের মূর্থ দাপে,
 সামরিক বিধাতার নিষ্ঠুর ক্ষণিক প্রহসনে ॥

ধূ ধূ ক্রান্তি তটে দেখি অশ্রু-তীর রক্ত নিখসিত
 নীল যেন লাল হয়ে জাগে নীর,
 নিঃসংসর্গ ভূমিকায় অশ্রুত ক্রন্দন ।
 পাহাড়ের স্তব্ধ সারি দূর-ঘনা ।
 অভিশাপ কবিতায় রচা ত'ও সাধা নয় :
 এতখানি প্রাণ-বর দাক্ষণ অগম্য অত্যাচার
 নিষ্ফল আক্রোশে বাধি সে কোন সন্তায় ।
 যদি পারি জাকাবান্দা গাছে ঘেরা কোনো পথে
 নবদাস ব্যবসায়ী আড়তের রক্ত্রে নেমে যেতে,
 কবিতাও ফেলে দিয়ে জানি না সে কোন দৈবযোগে
 বিদীর্ণ দিতাম বক্ষ প্রাণের বিজয় বিদ্রোহে :
 চেয়ে ভারতীয় ক্ষমা, যেচে শাস্তি কাঙ্ক্ষি চেতনা
 ব্যর্থ হয়ে শূন্যে আজ দূরে চলি ॥

কংগো নদীর ধারে

দেরি হয়,
 অলু কিছু নয় ।
 তীর ছেড়ে দূরে গেলে,
 নৌকো চলে যায় পাল মেলে,
 থেয়াখাটে দীর্ঘ বেলা বয় ॥

রাস্তা দিয়ে ঘাটে যাবে,
 অগ্নমনস্কের মোড়ে
 যদি যাও ঝাঁক গলি ধরে—
 জেনে শুনে
 যদি বা কাঁটার পথে চলো ভাগ্যপুণে
 হাটে দিন শেষে কাকে পাবে ?

পৌছতে হবেই বাড়ি

কেনা-বেচা শেষ করে

গান কর্তে ভরে

ঘরে ফেরা দিনক্ষণে

দিয়ো পাড়ি ।

দীপ জলে ঘরের আঙনে ।

সান্টা মারিয়া দ্বীপে

“আন্টনি সবুজ ভিজে গির্জের মাঠের তলে আছে ।”

(গাঁয়ের লোক : ১)

“এতদিনে পেয়েছ আরাম ?

পাখবে ভারি কি লাগে উচুতে আরক নিজ নাম,

মাটির অতটা নিচে ঝঝর শোনো কি উইলো গাছে ?

আন্টনি, ওরা তো বলে গভীরে পেয়েছ স্বর্গধাম ।”

(গাঁয়ের লোক : ২)

“উপরে হাটতে যদি দেখতে দৃষ্টির ঘের খোলা

পুরোনো গ্রামের রাস্তা, দক্ষিণে তোমার চেনা নদী

যেখানে সংসার করতে, ভুট্টার নীলচে ঢেউ তোলা.

বাস-এ চড়ে যেতে হাটে, রাজি হতে দূরে ঘুরতে যদি ;

প্রতিবেশী ফার্নাণ্ডেজ বিক্রি করে ঠাণ্ডা কোকা-কোলা ।”

(বিধবা বোন)

“আন্টনি, যা-কিছু বলো, শোনার সাধ্য কী আমাদের ?

তবু মনে হয় শুনি ঠাট্টা হাসি, নত্ন মুখে দেখি

সলজ্জ দূরত্ব সেই, কাজে মগ্ন দৃষ্টি মেলে ফের

কী যেন হঠাৎ খোজো— চশমা টেনে, যেমন আগের—

কিন্তু সব দেয়া-নেয়া কোথায় আজকে যায় ঠেকি ?”

(বিদেশী পথিক বন্ধু)

“পঞ্চভূতে রেখে হাঙ্কা শারীর চৈতন্য, ভাবি চাও
আরোই আত্মীয় স্পর্শ ; এদিকে সংসার ফলে ফুলে
সমাধি ধর্মের স্রোতে তোমাকে দুঃখের দূর কূলে
অশ্রীর ওপারে রাখে, সান্নাধ্যনি মন ওঠে ছলে
ঘণ্টাব গম্ভীর স্বরে, অ্যান্টনি, অ্যান্টনি, শুনেতে পাও ?”

(বন্ধুপত্নী)

“তোমাদের শিশু আগে গিয়েছিল, শোয়া তারি পাশে ।
পাথর তোমার এই,— তৃতীয় স্থানের শূন্য যার
এসেছে সে মার্গারিটা : শিশু স্বামী তর্পণের ভার
নত হয়ে রোজ্জ মানে, কে বা জানে কিসের আশ্বাসে
মুখে তার ছলছল দীপ্তি লাগে মোন প্রার্থনার ॥”

(ঘন ঘন গির্জে ঘণ্টা)

(সকলে)

“অ্যান্টনি, ভুলিনি আমরা, গির্জে ছেড়ে চলি যদি ঘরে ;
পরে শেষ-ঘরে যাওয়া, তফাত কেবল আগে-পরে ॥”

ক্রান ১৯৫৫

কতদিনকার সেই বাঁচার অভ্যাস । শরীরের
সীমান্তে শিরায়-মনে প্রাণ বহে বছরে বছরে
এঁকেছে কুঞ্চিত স্বক, চিস্তিত চেতনা প্রভা, শাদা
চুলছায়াতলে মুখে লাবণ্য আন্তর মাধুবীতে
ছুঁয়েছে শেষের বেলা । প্রোচা ঐ নারী, স্মিত ক্লান্ত
আলগা হাত রেখে পীত রেলিঙে শাস্তির ভরে আজ
সংসার উঠানে দেখে সায়াহু আলোয় ছেলেমেয়ে
সিঁড়ির উপরে থেলে, লাফ দেয়, খুশি খুশি তারা নাতি নাতনি

নদীর নতুন বঁকে ; জ্ঞান নারী, করুণায় নত
অঙ্গে মনে নিব-নিব মঙ্গলপ্রদীপ ধরে আছে,
অভ্যাসের স্নেহযোগ ছিন্ন হয়নি, দীর্ঘদিনে— দেখি

এই ছবি ট্রেনে যেতে যেতে, লুপ্তিয়ানা পার হখে
জাগ্রেবের ধারে এসে যুগোশ্লাভিয়ার শৈল পথে—
ফল-বাগানের বেড়া, লাল আপেলের গুচ্ছ, মোটা
কালো ধলো গরু চরে কচি ঘাসে মুখ ডোবা, পাশে
স্প্রেট-রঙা ছোটো বাড়ি, সেইখানে চোখে পড়ল এই
বৃহৎ চলৎকালে হৃ-দণ্ডের দৈব চাওয়া জুড়ে
কাদের সংসার এই, দিদিমার শেষ শুভ-লাগা
—যেমন ভারতী গ্রামে যে-কোনো অনন্ত পরিবারে ॥

পর্যবসিত

বলতে পারো মোমাছির মর্তবেলা ভরতি মধুচাকে ;
মোমের দেয়ালে ঠাসা ঘন স্বর্ণরস ঢেলে কোবে
সংসারের কৌ বাস্তবতা, সময়ও অজানা, মক্ষীলোকে
ভিতরে অদৃশ্য রানী, তারি চতুর্দিকে সামাজিক
মূর্ত্তে মূর্ত্তে ত্রস্ত স্থখী ওরা আত্মবিন্দু ঢেলে
মূর্ছা মিষ্টি ভবিষ্যের কল্প রচে দ্রব বংশাবলী ।
ভন্ ভন্ সারাদিন, বাহিরের রোজ হীরে-ঝরা
ঝাঁকের কর্মীরা ওড়ে পবন-পাখায় নীল-দোলা
সাঁতার শূণ্যের চেউয়ে, পৌঁছে বারবার পদ্ম ফুলে
ফিরে আসে ইন্দ্রিয়ের কম্পন কুহকে জীব-ঘরে ।
কায়া ধোঁয়া দেবে শেষে, লোভের লুপ্তন হানা দল
ভালুক-মাহুস কবে ; ঝড় উঠবে ; শুকনো মৃণালের
ঝতুর বৈরিতা মানা দিনান্ত কখন নেমে এল,

সমস্ত শহর ওরা পুড়োলো, ধ্বংসের ধ্বজা তুলে
 নিজে এল সারি-সারি প্যারাসুট-মৈত্র সঙ্গে নিয়ে.
 কিছুই বইল না বাকি ।’ ‘কিন্তু ফ্রিট্জ, তুমি আমি জানি
 তোমার আমার ভিন্ন দেশে-দেশে উন্মাদ পর্বের
 কত কীর্তি স্বজনেরা পরস্পর আত্মঘাতী মোহে
 জালিয়ে তুলল, এল আটলাণ্টিকের পার থেকে
 ক্রুদ্ধ মৃত্যুবিষ আরো ; ভোলা নয়, সব রেখে মনে
 বেঁচে থাকা অকৃত্যে তাও কি সম্ভব ?’ স্বামী শুধু
 বিদায় সন্মতি-মেশা মাথা নেড়ে, চেয়ে র’ন দরে—
 ভিড় যেন সরে গেছে, প্রলাপ-আলাপে তীক্ষ্ণ জমা
 ফরাশী গন্ধের বাষ্প, রমণীয় সিঁদ্বের ছাতি.
 ধবধবে সিঁদ্ব শাট, কালো জামা সব অন্তর্হিত,—
 অগণ্য প্রশ্নের শুধু তারা জলে বাহির আকাশে,
 ধরে ঢোকে আল্পস্-এর স্মৃতি রাত্রি, ‘চলো, রবিবার
 কাল যাই শামোনিতে, সূর্যোদয়ে ।’ ‘বেশ তা-ই চলো ।’
 প্রতিশ্রুতি ঠেকে এসে জীবনের উর্ধ্ব গিরিলোকে ।”

এর মধ্যে শুভ্র কেশ, তাপসিক মুখে স্নিগ্ধ হাসি
 সার বেনেগল্ রাও ঈষৎ সলজ্জ সস্তাষণে
 বিদায় নিলেন, শান্তি দূর দেশ থেকে ছুঁলো এসে,
 সঙ্গে-সঙ্গে ওরা দুটি দরজা খুলে দাঁড়াল বাগানে ॥

দ্বীপাবলী

ওঁ কৃতং স্মর

জালানি কাঠ, জলো

জলতে জলতে বলো

আকাশতলে এসে—

“আঙার হল আলো
 আঙার হল আলো
 পুড়ল কাঠের কালো
 পুড়ল কাঠের কালো
 নীল সন্ধ্যার শেষে ॥”

দিনান্ত

যেতে যেতে,
 ঘরের দেয়াল রাজা আলোয় জড়িয়ে ধরে ;
 জানলা ধারে রশ্মিমালা
 চেনা গাছে
 সব দেয়া তার চাওয়ায় ভরে ;
 যতই মেঘের দূরে দাঁড়ায়
 হাসে চিরদিনের হাসি ॥

রাত্রি

কে আসে কে যায় আঙুল বুলিয়ে
 আজ আকুলিয়ে
 বুকের পিয়ানো বাজিয়ে সে যায়
 ঢং ঢং রং হঠাৎ ছলিয়ে
 কেঁপে কেঁপে ওঠে আলাপে প্রলাপে ।

তারি সে আঙুল সবার আঙুলে
 আজ রাত্রে সব ঢাকা খুলে
 একেবারে এই বুকের নিভূতে
 ফিরে আসে স্বর চির ছপূরের,
 বেজেছিলো ব্যথা চরম নিশীথে—
 ফিরে সেই এক রাগিণী বাজায় ॥

জগৎ সংসার চ'লে যায়

যম নেয় প্রাণ—

রেখে দিই লুকিয়ে

তবু একরত্তি ।

চোখে দিনের সোনা,

কানে ভোরের আজান,

অদৃশ্য দেহের গাঁট-বাঁধা

বৈচে থাকার সতি

—একরত্তি ।

প্রাণের বেশি সেই প্রাণ ॥

সান্টা টেরেসা

যতই শুনছে, “তারা ভালোবেসে

কাছে এসে

আরো চিনে শেষে

তরুণ তরুণী

আনন্দে অরুণী

কোন্ সে দিনের স্পেনে

পরিণীত হল স্বপ্ন মেনে

সংসারেই স্থখী চিরদিন—

—চির— দিন —

(—পারা সিয়েস্ত্রে—) ।”

যতই শুনছে, মা'র কাছে ব'সে

সান্টা টেরেসা তার যৌবন প্রদোষে

—জীবনের দীক্ষা তিনি

তখনো নেননি সংসারিণী—

মুখ হয়ে শুধায় আবার

মাকে বারবার

“স্বথী তারা হল চিরদিন ?

—চির— দিন —?

(পারা সিয়েস্ত্রে ?)”

পরে সেই নারী

ব্রতচারী

কন্ভেণ্ট জীবনে কতকাল

ত্যাগে দুঃখে শুভ রুদ্রতাল

খুঁজে কোন্ চিরস্থখ সংসারে যা.নেই

পেলেন জপে ও ধ্যানে এই জীবনেই

পর্য শাস্তি সেই—

চিরদিন — চিবদিন

(পারা সিয়েস্ত্রে) ।

মাকে মাকে স্পেনে আভিলা-য়

ব'সে ধ্যান-ঘর আউনায়

সান্টা টেরেসা মুহূ হেসে তাঁর স্মৃতির কথায়

বলতেন, কৈশোরে সেই মনে পড়ে ছবি,

মা'র মুখে করুণার রবি—

কোন্ সে যুগল হল স্বথী চিরদিন

—চিরদিন—

(পারা সিয়েস্ত্রে)

হঠাৎ জাগল বুকে কোন্ সে বাসনা

এ জন্মের প্রেম-আরাধনা,

যৌবনের সাধ হল ধ্যানে লীন—

চিরদিন — চিরদিন

(পারা সিয়েস্ত্রে) ।

সেই উক্তি সেই মুক্তি প্রেম সেই অলৌকিকী
 মধ্যযুগ স্পেন হতে করে ঝিকিমিকি,
 লাক্সা টেরেসা-র
 জীবন-আলোক ক্রমে সর্বদেশে জলে অনিবার ।
 পড়ি সেই পূর্বযুগ পুণ্যের কাহিনী
 আশ্বহীনা প্রসাদবাহিনী
 হৃদয় তাই চিরদিন— চিরদিন—
 (পারা সিয়েস্ত্রে) ;
 চক্ষের জলের জ্যোতি প্রতিচ্ছবি তাতে
 প্রেমের পূর্ণতা লাগা অনন্ত প্রভাতে ॥

চতুর্দশপদী

(নরেন্দ্রের দুঃস্বপ্ন ও জাগা)

ক্রান্ত আপিস-ফেরতা নরেন :

জুতো খুলে কী আরাম (যদিও নরম
 চামড়া বশ-মানা) বর্ষে আঁটা ছটো পদ
 এবার পেলো রে ছাড়া সারাদিনে ; কম
 দামী নয় সস্তা টুপি, তবু সে আপদ

ছুঁড়ে ফেলি মাথা থেকে । লক্ষমান দেহে
 ভাবি : এ জীবনদণ্ড যার অপার স্নেহে
 প্রাণের শান্তির কথা তিনি কি নব্বর
 ছড়ি ছাতা বাড়ি ঘড়ি হিসাব পত্তর

ইউ-এন-এর কেরানিস্ত, কোরীয় অনলে
 চাপা দিয়ে তুলে নিজে ব্রহ্মহুত থাকেন ?

আমু চেয়ে পরমামু খোঁজে শ্রীনরেন :

বতই অযোগ্য হই, বলি চক্ষুজলে
এরা কেউ আমি নই, এরা রবাহুত,
রক্ষা করো, ফিরে নাও দেহ জামা জুতো ॥

(কোথায় স্বস্তি—

ঘুমন্ত প্রাণে নরেন্দ্রের নিদ্রা)

স্বপ্নে ন্যাইয়র্কের ফ্ল্যাটে ভৌতিক অভ্যুদয় :

আত্মারাম উবাচ :

সাইরেন শুনতে চাপ ? যাতে নিরাকার
হাইড্রোজেন বোমা প'ড়ে কোটি ঘাড় থেকে
মুহূর্তে আগব হয় মানবের ভার

অক্ষার পাইলট মৃতি সমুচ্চ দয়ার
মর্ত্যে হানে হিরোসিমা, পালাই প্রত্যেকে ?
কোরীয় জীবশক্তি ?

(দ্বাদশ অধ্যায়

গীতা প'ড়ে দেখ) জাতি-দেহের সংসার
দুর্বল প্রত্যংশ তবু সবই গিয়ে ঠেকে
বিকট ইউ-এন্ দেহে : অন্তিম অস্তায়

প্রাণরঙ্গে ভঙ্গ দেয়া, আরো ছুরাচার
রণে হানা মারণাজ (কৃষ্ণবাক্য ভূয়ো
যেখানে বোমারু তিনি ;)

দিব্যাস্ত্রকে ছুঁয়ো

সমস্ত রচা কুরুক্ষেত্রে, বাধা শক্তি-ভিৎ
উত্তীর্ণত — লক্ষ জাগা নরেন্দ্রের জিৎ ॥

একাকার গদা হাতে তুরীয় সকল ব্রহ্ম (বিশ্বরূপ)

ছাতা আমি, ছড়ি আমি, টুপি জুতো আমি,
তোমার হৃৎস্পন্দ আমি, স্থখ অহিফেন,
(ব্রহ্ম আমি মদব্যতীত কোথা কী বা হয়)

শুভবুদ্ধি জ্বললে তোর তারো স্মৃতি আমি,
পলতে পিদিম তেল । সংসার, নরেন
আমার জলন্ত দংষ্ট্রা, দগ্ধ ক'রে ভয়
অত্যন্ত মনঃস্বন্দ-জলে আবির্ভূত আমি ।
আন্তর্জাতিক আমি প্রতিপক্ষে লড়ি
(রাষ্ট্রমনিবের পদে দিই গড়াগড়ি)

মুক্তি চাও, নাসিকাগ্রে বদ্ধ ক'রে মন
অতি সূক্ষ্ম লিফ্টে নামো, হোক উন্নয়ন :
(পলায়ন দলে ঢুকলে তারো ছুতো আমি :)

সব পন্থা সম মূল্য জেনে ধরো ট্রেন,
নিরপেক্ষ সমাধিত্তে নেবো দ্রুত আমি ॥

আধুনিক বিরোচনের প্রবেশ

(আশ্রয়ী উপনিষৎ)

আমি বিরোচন, নব্য । শুনো না শ্মশান-
বৈরাগ্য-মানা অন্ধ ভূত-ভারতীয়
পৌরোহিত্য ।

সযত্নে নতুন নেক্-টাই
 পরেছি, গন্ধের পালিশ চূলে । স্বকীয়
 মুখশ্রী দেখেছি জনপাত্রে, মূল্যবান
 অমর মহিমা সর্বোৎকৃষ্ট : কোনোটাই
 বাদ নেই রূপে যশে ; (বৃদ্ধ প্রজাপতি
 মনে হল অলংকৃত শোভা দেখে অতি
 তুষ্ট ।)

ব্যাক্ টাকা ; তৃপ্ত আমি ইহলোক-
 পরলোক জয়ী ।

ইন্দ্রিয়-নৈপুণ্য জেনে
 একমাত্র কাম্য, হে নরেন, স্বার্থ মেনো
 পরমার্থ ;

প্রতিদ্বন্দ্বী হেনে বীতশোক
 কলের মন্দিরে ঢোকো ।

মনে যেন থাকে
 মোক্ষের চরম স্বর্গ চ'ড়ে ক্যাডিলাকে ॥

ঠাণ্ডা যুদ্ধে রক্তবর্ণ হাতুড়ি হাতে
 প্রতিপক্ষ :

সর্বভাই হে নরেন্দ্র,

আমি কোটি কোটি
 কুবের-শিবির-ভাঙা কালের করোটি
 আমরা সর্বাস্তি শান্তিবাদী,
 সর্বজয়ী

ছিন্ন মৃগ শাস্ত করি বহুলক্ষ,

ত্রয়ী

উপাস্ত, তাঁদের নামে ; হিলাব কষেছি
 জ্বোতাযুগে ফলবে সিদ্ধি সাম্যের সংসারে
 ধ্বংসে সেরা হলে আজ, যদি একেবারে

নিশ্চিহ্ন করতে পারি রক্তবীজ ; গেছি
সেই খোঁজে যেখানেই অত্যাচারী হানে,
হত্যাচারীকে হানি ধনে মানে প্রাণে
লালে লাল।

মহাপ্রাণে এনেছি লগন
প্রলয়ের স্টিম-রোলারের ; ততক্ষণ
রোগ মারতে রুগী মারি ; নই মাথা হেঁট,
শাদা পায়রা তারি সঙ্গে উঁচু বেয়োনেট ॥

অ্যালার্গ ঘড়ি বাজিয়ে আত্মারামের পুনরাবির্ভাব

জাগো হে নরেন্দ্র, তুমি শুনলে পুণ্যবান
সুদে ভারতীয় কথা অমৃতসমান ;
অনন্ত ভারত ভনে অন্ন মুক্তিবানী,
ঘুম ছেড়ে দেখো সেই প্রাণ, যাতে প্রাণী ;
আপিসে যাবার আগে । কফি না-খেয়েই
জেনো একাকার বিশ্বে পূর্ণ মূল্য নেই
নিজালু সৃষ্টিতে ছাড়া ; নেই লুক চোখে ;
অথবা দাবান্নি কোখে রক্তিম আলোকে ।
বাঁচা শুধু এক নয়, দুই, একই বেলা,
গোলে হরিবোল এরি মর্ম বোঝো আরো
প্রত্যেকের যোগে খেলা (নিয়মে বিহারো)

বাস্-এ যেতে ভাবো : এক, ভিন্নতার মিলে—
শূন্যে এক নয় ; নয়, সংহারী নিখিলে ॥

সাড়ে সাতটার ঢং ঢং ঘণ্টা :

(ক্ষত শয্যাভ্যাগী নরেন্দ্র আপিসের
জন্ত প্রস্তুত এবং ধাবমান)

ভাগ্যে আছি বেঁচে। আমি হই না যে-কেহ
 বরণরত্ন কেয়ানিহে নতুন উত্তেজে
 পুরোনো জুতোটা প'রে— পৈতৃক এ দেহ—
 (নমো জন্মভূমি) নামি বিজাতীয় সেজে।
 মানহাটানের পথে জলন্ত রোদ্দুরে
 হাঁটি দেখি সারি সারি পণ্য মাংস মদ
 ভূপ করা দৈত্যপুরে— মনে আসে ঘুরে
 দূর থেকে কোন্ হাওয়া যেখানে সম্পদ
 কেনার জিনিসে নয় ;

একান্তে মগজে
 জাগে দৈব মাতৃভাষা, তাতে মন মজে।

তাই হোক, জলজ্যান্ত যতক্ষণ বাঁচি
 শারীর-পৃথিবীত্যাগী একাকারী রোজা
 আত্মধর্মে ঠেলি তাকে।

দেহ নয় বোঝা,
 কোরিয়া বাঁচাতে আজো তুমি আমি আছি।

উপসংহার

দেশের উদ্দেশে :
 (বাস্-এ অধিষ্ঠিত নরেন্দ্রের স্বগতোক্তি)

সংসারে কঠিন দাহে, ধন্য কাত্যায়নী !
 ঘরে ঘরে ক্ষুদ-কুঁড়ো যা পাও তা দিয়ে
 উপবাসী মানুষকে বাঁচাতে অন্নের

যথার্থ অমৃত আনো ; অহো, অরণ্যের
 লঙ্কানে ছুটে যে বলে, মর্ত্যের কল্যাণী
 উপকরণবস্ত ! (যজ্ঞজালা নিয়ে

যাও বৃদ্ধ, বনে যাও, গুরুত্ব ভজো
ভক্তের প্রসাদে পুষ্ট ।)

নবরাষ্ট্র র'চে

ধ্যানকে ফলাবো আমরা, পশ্চিম অগ্রজ
যে-বিজ্ঞায়, শিখবো তাই ; দৈন্ত্র যাতে ঘোচে
দেশে দেশে, প্রাণতন্ত্রে বিদ্যতে ইম্পাতে
সাম্যের বিধানে যেন অসংঘাতী দলে
কোটি সংঘ গড়তে পারি ।

দিয়ো পদতলে

প্রবাসী ছেলেকে ঠাঁই, নমি প্রণিপাতে ॥

কাব্য প্রবাহিতা

স্টেশনের কাছে পুরো চোখ গেল ঠেকে
তোমার চকিত চোখে, মৃদু প্রবাহিতা
কপোতাক্ষ ।

আন্তে ট্রেন চলে, আমি যতক্ষণ পারি
তোমার সত্তার শাস্ত নীতল তনিমা
মৃদ্ধ প্রাণে নিয়েছি তুষায়,
মেঘে-ঢাকা অপরাহ্ন বেলা ।
ছায়ায় চিত্রিতা
দুই তট ঘাসে গাছে ছল ছল জলে ছোঁয়া
একটি প্রবাহ তুমি, সংসারিণী,
মধ্য দিয়ে সব নিয়ে চলো
হৃদয়ের পূর্ণবেগ ।

মনে পড়ে মধু স্রোতস্বিনী,
প্রসন্ন আশ্চর্য বাক্যে একদিন কবে
বরেছিলো বাংলা কবি প্রতিবেশী আপন তোমার
শ্রীমধুসূদন ।

চতুর্দশপদী তার তোমার প্রবাহে
 তোমার কাজল জলে আজো আছে ছেয়ে
 কবিতার আলো-ভরা ;
 কপোতাক্ষ,
 মনে হল ইতিহাস তুমি ধমনীতে
 বণ কাব্যলোকালয়ে,
 পূর্ব-পর বাংলার অনন্ত স্বাক্ষরা
 সংস্কৃতির ধারা পুণ্যবতী
 ছন্দোময়ী বাংলা কবিতার ।
 তোমাকে পেলেম আমি, কখন সহসা
 হারালেম বহু লোক জনতায়,—
 যেমন হারাই
 চিরন্তন স্রোতস্বিনী মধুহৃদনের
 রুক্ষ বিস্মরণে মত্ত ইতিহাস-ভোলা
 আধুনিক কালের প্রলয়ে ।
 —তবু আমি দেখেছি তোমায় ॥

চলতি

[অংশ]

অদৃশ্য

আসতে পথে নদীতে নেয় ঠাণ্ডা কুশল—
 সাইগ্রেসে নেয় ঝিরির শব্দ,
 ছায়া শুক ;
 আনে মৃদু শানেল গন্ধ
 ঘর থেকে সেই কাছের কোমল,
 মাথায় চুলে রেণুর বরন,
 বুকেব স্পন্দ ;

এক ইঞ্চি সে নীলান্তরের মৃত্তোবরন
দিগন্তরে যুক্ত করে হারিয়ে-যাওয়া ;
—স্বতির হাওয়া ॥

একবার

আর্দ্র শুক্ল রং
পাকল পুষ্ণিত পথে শাদা প্রজাপতি
চলেছে একটি শুভ্র মুহূর্ত নেশায়,
ফেয়ার সময় নেই ॥

সান্নিধ্য

কাছে এলো ষোলো কলা চাঁদ শূন্যে হলে
পূর্ণিমায়,
প্রতিবেশী জলন্ত আকাশী ;
নিঃসঙ্গের সঙ্গ তার সোনার অলিন্দে রেখে যায়,
গাতা-খোলা বই ভুলে
দেখো চেয়ে মৃত্তিকার ধরাবাসী ॥

গ্রামে ফিরে

জগৎযাত্রী গাছের তলায় ব'সে
চেয়ে দেখে মাছ ছোটো পুকুরের অলে-
সারা ভুবনের ভ্রমণের মন নিয়ে ॥

আস্তিক

বহুদিন বাঁচো অধার্মিক—

মর্মে যদি জানো অধার্মিক

আড়ুর, নারঙ, কালো জাম,

হ'য়ে আড়ুর, নারঙ, কালো জাম ;

যদি খোলা চোখে যোগ করো

ভোরের আলোয় যোগ করো

রাঙা মন

প্রাণে গানে-রাঙা মন ;

খুশি

হ'য়ে দুঃখহুজুয়ী, শুধু খুশি

জীবনের মধ্যে থেকে

এই সম্পূর্ণ সবার মধ্যে থেকে ।

চিরদিনের

ছুটে এসে হাতে হাত ধ'রে

ভরা চোখে চেয়ে বলে ছেলে— রিনি

তুমি কী আশ্চর্য ।

মুহু গাঢ় স্বরে

মেয়ে বলে মাথা নিচু ক'রে

তুমি কী আশ্চর্য ।

—একটি কাহিনী ।

দুই প্রত্যহ

লাল ধুলো তার জুতোর তলায়—

মেঝেতে ছাপ,

চৈত্রবেলার প্রদক্ষিণে

উড়েছে তাপ ।

যদি থাকতো কৃষ্ণচূড়ো

ঝরে পড়তো রাজা গুড়ো

—ছিল ছ-ধারে নিমের সারি সবুজ ঝারি-

মেঘলা সিঁদুর মুঁছিয়ে তার

ছোঁয়নি আকাশ ;

স্বচ্ছ বাতাস ;

ভরা রৌদ্রে একা আমার পথচারী,

দেরি হয়নি নিতে চিনে ॥

পরের বেলা শিলাবৃষ্টি শাদা ঝড়ে

মনে পড়ে ।

ছাতা থাকলে উড়েই যেতো,

ভিজ্ঞে জুতোর ছাপ তো পেতো

বুকের মেঝে,

যদি আসতো পথিক সেজে ।

রাগ্নাঘরে ভাত চাপিয়ে

ছিলেম চেয়ে জানলা দিয়ে

বারো বছর পেরিয়ে হঠাৎ চেয়ে থাকা-

পৌছনো তার মেঘে ঢাকা ;

কাটবে বছর আরো বাদল রোদের দিনে ॥

দ্বীপান্তরে

ভেবেছি ওড়াবো মানস বাতাসে ফিরে

তোমার সবুজ চূলে ঢেউ তুলে

মৃদু শিরি শিরি, কোরাল দ্বীপের বাসী

ওগো নারকল, সারি নারকল, একাকী সিন্ধুতীরে ।

দিগন্ত ধ'রে দেখছো আয়না, এলেম যখন কূলে

তখনো স্বপ্নে চারু নীল ঢেউ মর্মরে রাশি রাশি

সেই গ্রেনাডিনে, দ্বীপ গ্রেনাডিনে, শূন্য তোমায় ঘিরে,

ওগো নারকল, একাকী সিন্ধুতীরে ।

তখন সময় ছিল না কিছুই দেবার

গুধুই সময় ছিল সে দৃষ্টি নেবার

ওগো নারকল সারি গো, সিন্ধুনীরে ।

কত যে আর্দ্র ছিল বুক, কথা বন্ধ হবার মতো

হাওয়াই আকাশে ছুটে-চলা অবিরত,

আলাপের তালে তবু সে সকালে

মিলেছি মাটির চলে-যাওয়া মন্দিরে—

ওগো নারকল, একা নারকল সারি গো সিন্ধুতীরে ॥

একটি স্মৃতি

তীক্ষ্ণ শান

অগ্নিকলকের

দাহ ধরে ঝলকের—

শুকনো শূন্য চারিদিক,

দূরে ঢালা নীল প্যাসিফিক

চোখে পড়ে অবসান—
 পাথরে পাথরে তারি মধ্যে গড়া
 দৃষ্ট ধরা
 ধরে আছে চিহ্নিত গুহায় থরসান
 পুরোনো ইম্পানি মনাস্টেরি,
 বাজে ক্ষীণ সমুদ্রের ভেরি ।
 পুরু দেয়ালের লুপ্ত ঘর
 চলি ভেঙে অসহ রোজের অন্ধকার
 স্থায়িত রজনী,
 চূর্ণ বেদী, বিশ্বত কণায় জাগে তার
 নিঃশব্দ ল্যাটিন মন্ত্রধ্বনি ।
 এখানেও ছায়াঘেরা ছিল ম্যাগনোলিয়া, চেরি
 শাদা-সবুজের পুষ্পকাল,
 হাঁস-সাঁতারের জল, ঘন ব্রাহ্মা পত্রজাল—
 রুদ্ধ শাস্ত সেই যুগ, ধার্মিক গোষ্ঠীর ইতিহাস
 গেছে, তবু ফিরে আসে একটু শীতল স্পর্শভাস
 যখন তোমার কণ্ঠে শুনি, জানো,
 স্তান্‌ স্ত্যান্‌ ক্যাপিজানো ॥

সস্ত অ্যালবার্ট

“তবু সে রোদ্দুরে টুপি প’রে
 কাজ ক’রে যেতে হবে, আগোয়ের
 “জলস্ত আয়না জল মাঠের কিনারা তলে
 নির্মম ঔজ্জল্যে চেয়ে থাকে-
 গুল্ম গাছ আগাছায় ভারি তটে তারি
 বেড়া বেঁধে এসো ক্ষুদ্র চারা বৃনি
 সবজি বাগানের ;

শত কৃত বাণ্টু আফ্রিকায়
 গহন প্রাচীন বনে দিনে ঝিঁঝিঁ খরতান,
 কুষ্ঠ রোগী গলি বেয়ে শোয় হাসপাতালে,
 সেখানে সেবার হাত
 অনিদ্র নৈপুণ্যে রত,
 ভার প্রত্যেকের ;
 কুমির-মশার-জলা-জয়ী
 একটি স্তম্ভত ক্ষণ জাগে,
 বিষুবরেখার বাধা চেতনাকে ভাঙে নি যেখানে ।

কেটে যায় অর্ধশতাব্দীর এই দিন ।
 ছিলো সঙ্গীতের সুরে পশ্চিম মানস
 চিস্তার শৈলাস্ত ঘেরা ;
 রক্তে সেই কণা বাজে, তুলে শয্যা-দীপ
 রাত্রির গছের রেখা লিখি অবসরে,
 প্রাণের প্রার্থনা
 সর্ব-প্রাণ-ভক্তি মন্ত্র জানি ধর্ম তাই,
 মধ্যবর্তী আফ্রিকার অগমতা ঘিরে ।
 নিত্য ঢেউ সংসারের দক্ষ তাপ মাছি
 যন্ত্রণার অনিশ্চয় অনশন দারুণতা লাগা—
 শুষ্কায় তারি মর্মে, উদ্বেগ তারি,
 জীবনের দান ।

টেবিলে রেখেছি হাত, শোলা টুপি খুলে,
 নক্ষত্র চিত্রণ গোধূলিতে
 আরো এক পর্বান্তের এসেছি প্রত্যাহ পথে ঘরে
 অরণ্যে লণ্ঠনজালা যাত্রা শেষে,
 সমস্ত পৃথিবী জোড়া মারণের অস্ত্র প্রতিরোধে
 এও কি উত্তর,
 বাকি আছে কত কাজ ॥”

সাহারার ওপারে

সেনেগাল বসতির স্পর্শ নেই হাওয়াই-হোটেল,
ডাকার সৈনিক ভরা, বিলাসে মুর্ছিত পাড়া ঠেলে
—ধুলোর আক্রোশে ক্রোশ বিলম্বিত— জীপ-এ চড়ে শেষে
হঠাৎ মাটির ঘরে ছায়া-রং মাহুষের দেশে
পৌছেছি, এখানে এ কী ভূমি এসে জুড়েছ সংসার
কালোর মানিক দেখি দরিদ্র ঐশ্বৰ্যে জ্যোতি তার—
যে-প্রাণ সর্বস্বজয়ী হবে একদিন, তারি ধূয়া :
কচি মূঠি মুখে দিয়ে কচি বেবি করে কুয়া কুয়া ।
চকিতে বোনের মুখ, মা'র ব্যস্ত ত্রস্ত কোমলতা
দৃষ্টি বুকে নিয়ে চিনি ঈশ্বরিত মাহুষের কথা ॥

একবার

হৃ-দণ্ড আকাশে দৌড়ে অগাধ তারার সঙ্গে ছোটা,
সৌরতর সিঁড়ি ওঠা

—তৎসবিতুর্বরেণ্যং—

অনিশ্বাস জ্যোতির্জালে

যেখানে প্রোজ্জ্বল দক্ষ এক সৃষ্টি-বোঁটা

ধরে ধবধবে শূণ্য অগ্নির প্রস্থন—

পারিজাত শিখা

নিয়ে তারি স্পর্শটিকা

আয়ুর কপালে

ফিরে আসা বাগানের ছায়াপথ রজনীগন্ধায়

শ্রীময় সঙ্ক্যায়,—

গ্রীষ্ম নদী ঝিরিঝিরি পৃথিবী পেয়েছি বহুগুণ ॥

ওডেসা-র আলো রাত্রি বরফে জ্যোৎস্নায় নিনিমিষ
কৃষ্ণমুখের কোলে দূর দিক—

দাঁড়াই এখানে

জাগর দেশের যাত্রী তুষারে তুফানে ;

হঠাৎ সর্বস্ব দৃষ্টি ভরে

—ভূৰ্ভবঃ স্বঃ—

স্তরে স্তরে

ত্রিলোকের ধৃতি পারে কারাভানে,

পেনে-চড়া পায়ে-চলা থামে মুগ্ধ হরন্তু আফ্রিক ।

রূপোলি ঝিল্লির

পুরোনো রাত্রির পথ তাস্থেন্দ-দিল্লীর

স্বর্ণ অচঞ্চল দিনে দেখে যাই গুল্ল প্রতিবেশে

ছল ছল তীর্থশেষে ॥

ছুটেছিলে সর্বরঙ্গে একসঙ্গে

তারায় ধরায়—

মেই ওঁ— প্রাণের গুহৃত চিরোদ্দেশে—

নতুন গায়ত্রী মন্ত্র মুকুট পরায় ॥

কৃতিপূরণ

সয়া-সবুজ নীলের পার

আনতে হল ঢেউয়ের ধার,

পাহাড়ে হংকং—

সে আসেনি ব'লে ।

হুয়ের একা, বানাতে হল
কালো জলের ছলে
দোলানো সাম্পান্,
মিলিত সংসারের খেলা
তুষিত তীর দূরে,
অচেনা রোদ্দুরে ।

কাউলান্-এর দোকান পথে
ঢেলেছি রংচঙ্
বুকের আনচান,
কাছে সে নেই বলে ।
নিচে অনেক জল ॥

কায়া ঝাউ বসাতে হল
মেঘের তলাটিতে
চীনে তুলিতে বুলিয়ে শাদা
শূণ্যে বকের ফিতে,
লুকোনো সোনা ছোঁয়ানো পাখার তল,
বেশির ঝলমল—
কাছে সে নেই বলে ॥

২

ভাগ্য এই, মানি বরাত
বরফপাথর দরজা দিলো
কপালে করাঘাত ।
অসমাপ্ত আলিঙ্গনে জালিয়ে ব্যথামধু
পাঠালো এই পৃথিবীপারে
আমারি দিগ্ধ ।
সেদিন নেমে সিঁড়ি
অনেক যুগ কেটেছে বুঝি কালের ঝিরিঝিরি ।

এখানে বাড়ি ভরেছি দেখ ছবিতে আসবাবে
রেলিঙে ছায়া কাঁপা—
নিমন্ত্রণের চায়ের কাপে
ফেরে সে কথা চাপা—
কেউ কি আভাস পাবে ?
নিচে অনেক জল ॥

ক্যাপা বুকের ভাষা—
জাহাজ প্লেনে তৈরি করি
ফিরে-আসার বাসা ।
আসেনি আজ্ঞা বলে,
কোথায় পার, দূরের চীন
কোথা সে মার্কিন ;
প্রতিফলিত চোখের জলে
সেই দু-জনের ঘর
বৈধেছি দিগন্তর ।
নিচে আলোর জল ॥

ওড্

সঙ্গহীন দেবদারু আর একা আমি
অবাক দেখছি চেয়ে সূর্যসঙ্গ পেয়ে,
রাত্রির কিরীট ।
হে উদ্ভিতা,
দ্রুতিকন্ঠা, ওগো ভোর, কোমল আলোর ভোর
ওগো আমাদের জাগরণ,

দাঁড়ালে উত্তর গিরি ক্যানাডায়
 বিদীর্ণ সমুদ্র বেগুনি আগুন আঁচলে—
 আকাজ্জিতা, চূলে রাঙা জ্বা,
 চিরপ্রসূনিত তটে বসন্তবেলার
 প্রশান্ত সাগর উর্মিঘেরা ॥

সঙ্গহীন আমি আর একা দেবদারু—

একজন পথ-চলা অগ্নি ঐ মর্মরিত বনে,

বাকি দীর্ঘ দাহে গাঁথি অবতরণিকা

প্রথম দেখার দিনশেষে ;

দূরের হিমাদ্রি লুপ্ত মেঘে ;

সৌধদ্বীপ লাল টালি, গুরুদ্বার গির্জাচূড় গ্রাম,

স্টিমারের শব্দহীন গতিময়

জলচ্ছবি ;

ভিক্টোরিয়ার যাত্রী-চোখে

তরঙ্গিত অশ্রু দোলে দুই তীর ডুবে-ডুবে যায়

জীবনসঙ্ক্যার কূলে ;

পূর্বতটে চেয়ে দেখি বৃকে

হে বন্দিতা,

প্রত্যাশার পারে ফিরে আসো,

চূলে রাঙা জ্বা—

ওগো ভোর, দ্যুতিকণ্ঠা, কোমল আলোর জাগা ভোর ॥

দিনযাপন

সামনে ছায়াচক্র মেলে

ঝাউ আছে চেয়ে

রোদ্দুর পোহায়।

ভাবা নেই, হওয়া আছে, কী হওয়া জানে না

কে-ই বা তা জানে,

নীল শামিয়ানা স্বচ্ছ, কম্পিত সীমায়

মেঘ-লাগা বায়ু

তাই ছুঁয়ে আরো বেশি ঝাউ হওয়া।

মাটির আকর্ষ, মজ্জা, মাটির শিকড়,

তরঙ্গিত তল্লাবেগ তারি দোলে উর্ধ্ব জাগা

বৃক্ষ ধারণায়,

স্বর্ণশ্রাম পুষ্পপত্র বনের কিংখাবে

ঝজু ঝাউ ছায়াচক্র মেলে চেয়ে আছে ॥

বাঁকা ডাল সেও ঝাউ, পাতা ঝাউ

ঝিরিঝিরি সমীরিত

বৃন্ত ফল শুষ্ক বরা ঝাউ,

পাখি-ওড়া আশমানি বাঁশি-বাজা দূর,

ফাণ্ডনে চাঁদনি রাত, মোহুমী আবণ

ঝলমল, ঝরঝর, শুষ্ক ঝাউ।

নিপুণ তারার জালে শাখার বিগ্ৰাস,

অঙ্ককারে ঝিল্লিপাড়ে গাঁথা ঝাউ

সমাহিত ॥

কাঁসারি শাঁখারি গ্রামে, ধুতুরি তাঁতির

কাছে ভরা কত শব্দ, থায় থিলি-পান

বাজারিরা হাটে ঘরে, গল্পের কিনারে

ধীরে-ধীরে গাঢ় বেলা, স্নান আলো
দিনের খিলানে ;

সমস্ত আকাশ ধুনো গোধূলিতে
তিসি তিল কচি ধান ঘুঁটে-পোড়া ধুলো ওঠা
এক ধোঁয়া ;

বন-ঝাউ ছিল প্রতিবেশী—

কাঠ তার তক্তা হ'ল, ডাল কাটা পুড়বে উনোনে
হঠাৎ সহস্র দিন শেষ যেন এক লহমায়,
মিশ্র সন্ধ্যারাত্রি আজ ছায়াসাক্ষ্যহীন।
খোয়াই খয়ের রঙ, রাঙা দিগ্বলয়
চতুর্দিকে নবজাত বৃক্ষের সমাজ ॥

বুনো সংসারে

শাখামুগ :

“তপ্ত আদিম বনকন্ঠা

হে বানরী

নতিত অবাধ চোখ, কোমল লোমের লেজ নেড়ে-

ভীত ক্ষুদ্র উচু ডালে সহায়তা লোভে চেয়ে থাকে।

প্রাণের খেলায় ডাকে।

সঙ্গীকে—

আমি সেই নর, এখনো বানর।

প্রবল বাদামি বগ্না

শিহর-শরীরে, শ্রামরক্ত জলে গাছে,

নিচে জলে আছে

কচ্ছপ, ঠাণ্ডা প্রাণ পেতে—

লক্ষা লাল, কাকাতুয়া, জংলি মেঘ-ঘন জামরুল
কামরাঙা ঝোলে শাপে, টাটকা ঝরে আঙুনি শিমূল,

পেয়ারা আতার ফল নখে পেড়ে

জীবময় তুমি ওঠো মেতে

—জানি সে-ভঙ্গিকে ।

বানর, বানরী

প্রত্যাশার লগ্নে দূর কী বুঝেছি, সহচরী,

নরহীন শশুহীন রাস্তাহীন মাটি

তবু সে অদৃশ্য পথে হাঁটি’

বাঁচা-মরা আয়ুকাল কবে শুরু হয়েছে সকালে —

শাদা বলদের জোড়া মেঘদল চষে

আকাশ যেমন, কালে-কালে

শূন্যের নিকমে

ফোটে বর্ষা রোদ, জন্মে গুল্ম পত্রজালে

বনতলে পুষ্পে পঙ্কে কুঞ্চিত অগণ্য জন্তু কীট,

শামুকে অঙ্কুরে শুক্রে অনাগত প্রাণের কিরীট

ধরে যৌন জৈব ধন—

হাড়ে মাংসে মনোময় ক্রমিকের বিস্তার্ত চেতন ।

তুমি এরই মধ্যে আনো শিক্তকামা, মাতৃস্নেহরস

হে মর্কটী, বাহুঘেরে দাঁও মুগ্ধ অমৃত পরশ—

ডালে-ডালে আমি ঘুরি, খুঁজি ঘর, পশুর দুরাশা

অন্ধবহা দীপ শুধু, পাজরা-পোড়া অগ্নি, নর-তেজে

কবে সেই প্রদাহের ভাষা

স্বিল্প হবে দু-জনার সংসারে ঘরের ঘণ্টা বেজে ॥”

শাখামুগী :

“বানরী তোমার, তবু গ’ড়ে তোলা অর্ধনারীশ্বরী ।

তুমি হবে ঢাকমুখ হুমান

তারি শিষ্ট, রাবণের অরি

পর্বতপ্রমাণ ;

নতুন অধ্যায়

অযোধ্যায় ;

হঠাৎ দণ্ডকবনে হানে বিস্ম প্রলয়-আধারে—

তার পরে কোথা হ'তে হনু-মহাবীর

প্রবল ছংকারে

সীতা সাধবা লক্ষ্মী তাঁকে বাঁচাবে লঙ্কায় লক্ষ দিয়ে,

বানর-সৈন্যেরা যাবে দলে-দলে সঙ্গ নিয়ে,

রঘুপতি পদে শেষে নতশির ;

নরোত্তম নরোত্তম সেই দিন

নর নারী বানর বানরী

আদিম প্রাচীন

যুক্ত হব নবজন্মে, সে-স্থিতির ছবি

তাই আজই দেখি বুকে ; অপ্রাকৃত মধু

পেয়েছি দু-জনে বনে মহয়া সঙ্কায়,

আসন্ন নন্দিত

তোমার দৃষ্টিতে জানে এ বানরী-বধু

শৈবভাব বিষপত্রে, বৈষ্ণবী জাহ্নবী—

শুনি ভবিষ্যের হাওয়া ব'য়ে যায়

বসন্তের নামাবলী মৌমাছি-বন্দিত ।

ভয়াকুল প্রাণে-প্রাণে ক্ষুধা শঙ্কা, তারো বেশি

আগামীর তৃপ্তি ঢেকে রাখে

কদেল কাঁঠাল জাম জলাবর্ষা ঝিল্লিডাকে ।

মুক্তির অধেষী

লাফে-লাফে চলো যাই প্রাণতীর্থে মন্দিরে কানাচে

—যাত্রীরা বুঝবে না শুধু চাল-কলা দেবে ঠোঙা জুড়ে

দুটো বানরের দিকে দয়ার প্রসাদ ছুঁড়ে—

বুনো শিশু দু-জনার দুরাগত শোনে ঐ গাছে

আদি বায়ীকির কথা, কুত্তিবাস যে-কাহিনী ভনে—

ঠাই যেন পাই সবে জাগ সেই বিশ্বরামায়েণে ॥

নাচঘরে

পুরোনো পশমিনা মুখ আঠারোর করুণায়
অলিভ-লাবণ্য রঙ, বর্ণা চুল,
হ'তে পারত কিয়োটোর, মৃদু সাহসিকা,
আভিজাত্য সহজ শিল্পিত
প্রত্যেক ছুঁচের রিপু বাক্যে বেশে গাঁথা
পুরুষাহুক্ৰমে,
কটাক্ষের কালো দ্যুতি সাক্ষ্য দেয় যুগান্তের
ভ্রমরিত ; মাকিনেরি—
(পশ্চিম প্রশান্ত তীর থেকে ।)

সঙ্গে নীল জীন-পরা শক্ত যুবা
মেক্সিকো-মুরিস্-স্পেন ? টেক্সাসের,—
ঘনদৃষ্টি সহাস্ত উদার,
নিয়ে চলে সঙ্গিনীকে বহুমূল্য রত্নমালা
নৃত্যঘরে ;
ছাত্র ওরা অকিঞ্চন, যৌবনরাজ্যের ধনী,
আগ্রহের কণ্ঠস্বর,
হীরের বিহীন ঠেকে ছু-জনের চোখেব যাত্রায়

রবিবার

কোনো ধর্ম-ঘরে ওরা যায়নি, নিভুতে
বাসন্তী নিভুতে
চেয়ে আছে আড়-দৃষ্টি সুপরিবাগানে
আলোর বাগানে
খঞ্চ মানুষ ঐ বেহালা বাজায়—

ডোবানো বোধের স্বধা ওরা বুঝি পায়
 নিবিষ্ট জলের তলে তুমুল ইঞ্জিতে ;
 শুধুই প্রত্যাশা-খোলা চোখে-চোখে জানে
 হৃ-জনায়ে জানে,
 চেয়ে-চিন্তে কল্পনায় ধরে বিশ্বরূপ
 —সে-ধর্মে কোথায় চাবি, হারানো কুলুপ—
 দেখা-বিস্তি খেলে তারা চায় না তুরূপ ।

বিচিত্র সংসার

(বিদেশী)

“যেখানে ছিলে না কখনো
 সেই ঘরে
 দিনে-দিনে ক্ষুধার অক্ষরে
 মানে নেই কোনো
 চেয়েছি তোমায় বুক ভ’রে ।
 কত বছরের পরে এসে
 দেয়ালের ডোরা-নকশা ফুল-নীল
 পুরোনো স্ববাস-শিশি রকে
 একার সে-ঘরে পাই শূন্যে মিল ;
 আলমারিতে কিছু অগ্নি বই,
 কিছু স’রে-যাওয়া আর ঠিক একই মেশে
 চেনার পলকে ।
 হঠাৎ চেয়ারে ব’সে তবু তৃপ্তি পাই—
 এই চিঠি রেখে যাই ।”

(বিদেশিনী)

“ও-ঘরে যাইনি আমি, দূরত্বের
স্রোত আর সময়ের খেয়াপার
হ’ল সে চক্ষের জলে, এ মন শরীর
তোমারি আপন ছিল, আছে,— দৃষ্টি-ঘের
পায়নি প্রত্যেক দিন রান্নাঘরে, টেবিলে তোমার
পাশে এসে বই-পড়া, দূরে চাওয়া স্থির
মান্নিধোর, তবু জপে জেনেছি সংসার !
তুমি চ’লে গেছ আজ পেয়েছি তোমার শেষ লেখা,
যে-ঘরে কেউই নেই তার বন্ধে ছ-জনের দেখা।

(প্রতিবেশী)

“একক পাহাড়তলি, রঙা শূণ্য মেঘে গাঁথা
ছপুর নিবিড়,
পাড়ার শিশুর ভিড়
আইসক্রীম-গাড়ি ঘিরে খুশি হাত-পাতা,
হাওয়ায় পিয়ানো-ধ্বনি, ফুলের আবীর :
এই পরিবেশ ছিল সেদিনেও বসন্তবেলার—
যে ঘরে মেলেনি ওরা, তারি ঐ দেখ খোলা দ্বার ॥”

দূরে-ফেরার দিন

সেখানে সে ভোর-লাগা আকর্ষ সবুজ ভিতি গ্রামে
সম্পূর্ণ আপন তবু অচেনার বাক্যে
তৃপ্তি নদী তীরে থাকে ;
বাংলার হাওয়ায় আগমনী

পূজোর আগেই শোনো কালাংড়া সানাইয়ে তারি ধ্বনি-
 আশ্বিনের চূলে তার স্বরমালা মোনায় পরানো,
 ক্র-রেখায় নত চোখে লাবণ্য ঝরানো,
 কারুণ্যে কাজল দৃষ্টিমণি ।
 অচিহ্ন অবনী-পারে অন্তর্লীন
 যে মুহূর্তে তার কাছে আসি,
 ঘরে-ফেরা দিন
 দূর-দূর কোটি স্তর
 দূর-দূরান্তর
 অসংখ্যের দিন-সংঘে হারায় দিগন্তে পবনানী ;
 মুক্তি তার অশ্রুমেঘে
 পল্লীপথে বুকে জেগে
 প্লেনের কম্পিত ছায়াপটে
 গঙ্গার দেউল-আঁকা তটে
 এ জন্মের শেষ চাওয়া ঢেউয়ে ঢেউয়ে নিয়ে চ'লে যায়,—
 এক বেষ্টনীর নীল সমুদ্রেব জোয়ার ভাঁটায় ॥

যুক্তি

ফুটছে
 প্রাচীন ফুল
 তোমার মনের তলে আনমনা
 তুমি সন্ধান জানো না
 অরণ্য অত্যন্ত ব্যাকুল
 হ'য়ে উঠছে

নিজেকে ডেকে গুনছি দূর থেকে
 আওয়াজ এনেচে কে
 ফোন তুলে শুনি চেনা স্বব
 যেন উত্তব
 এক একদিন বড়িন প্রত্যয়
 সবই জুড়ে গিয়ে এক হয়
 ঘুমে কথা শোনা হৃদে বসন্ত
 শার্ট ইঞ্জি কবা টাইপ শব্দ চড়ুইয়ের উৎপাত
 প্রত্যেকটাই যুক্ত পদপাত
 হসন্ত
 কনকিউমিয়াস থেকে সুপাবমার্কেট
 প্রতিমূহূর্ত প্রতাহ
 বার্তাবহ
 নিঃসীম বৃকেব কেন্দ্রে ঐ নীল বিদ্যুৎ জেট ॥

সোয়াইট্জরের মহাপ্রয়াণে

সমুজ্জল
 সেই চৈতন্যের ব্যাপ্তি দৃষ্টিব অতীত আঙ্গ অন্তগত,
 অগ্নতর শুভ্রলোকে কোথায় উদয় তাব এই ক্ষণে
 আমরা জানি না ।

পশ্চিম আফ্রিকা তীব্র, ধবণীব বহু জনাগড়ে

সংসারে যারা আছি বেঁচে

এই চ'লে-যাওয়া পথে যেতে-যেতে

চিনেছি প্রসন্ন নাম,

শুনেছি প্রত্যহ ইতিহাসে

নিত্যযোগী

মহাকর্ষী আয়ুত্মান্ চারিত্রের ভাষা ।

ভয়ংকর যুগে তাঁর বুদ্ধময় কারুণ্যের দান
র'য়ে গেল আর্তজ্বাণে, শোকে আলোকের রেখা
ভাগ্যের আয়তি ।

একটি মানুষ সেই

কতখানি ; কত হান্স, স্নিগ্ধ বাক্য, কত চিন্তা প্রেম
বীর্ষ গাঁথা ছিল দীর্ঘ দেহে, শুভ মনে ;

গাবোন্-এর জর্জরিত আহত জীবনে

সেই জীবনের সাক্ষ্য হ'ল অন্তহীন নবপ্রাণ,

অলক্ষ্য প্রবাহে

অগোয়ের স্মৃতিভলে শুষ্কতার ধারা ॥

প্রবাসী বাঙালি আমি ক্ষুদ্র দূরে ব'সে

হঠাৎ ভোরের রোদে দেখি দিন অশ্রু-ঢাকা—

প্রয়াণী গেছেন রাত্রে, বিশ্ববাসী

পরম-আত্মীয়হারা—

—কে চায় হারাতে প্রিয় অমন মানুষ ঘর থেকে ।

তবু ফিরে যেতে হবে প্রাণরণে

পিতৃঋণ শোধ ক'রে যুগে-যুগে

যেখানে পুণ্যের বীজ, চারা, চষা মাটি

সর্বদাহে তবু জয়ী, যে-সংগ্রামে

পাপের ত্রিশূলধারী আক্রমণ দগ্ধ ভস্ম হ'য়ে

দেশে-দেশে নরত্বের শিঙা বাজে চরম দুর্ধোগে ।

অভীত আহবে

এই মহাবীর তাঁরো দীক্ষা বৃকে নিয়ে

উড়বে চূড়ান্ত ধ্বজা ভারতের মঙ্গল শিবিরে ॥

লিরিক-কণিকা

তুর্ক-ইরানি রাস্তা

ফরসা চাঁদনি হাওয়া দেখে বকবকে

টিপ-পরা চন্দ্রা রাত উঠেছে তন্দ্রাণী—

ঘরহীন মরু নিচে ; কোমল ঝলকে

কাকে ডাকবে ? কোথা তারা মাজন্দারানি

আলোয় বুঝা খোলা সিঁথির অলকে

কে পরাবে মোতি-বিন্দু জ্যোতির পলকে ॥

গা ক ব

লাল আভার অদ্ভুত ভুবন ।

অবা লাল, বাঙ্গুলি লাল,

রক্তচন্দন

তপ্তকাঞ্চন

জ্ঞানলায় লাল হাওয়া ঢোকে

আমার রক্ত চেনে ওকে

বেলা রক্তিম সাড়ে-ছ'টায়

আর্দ্র আকাশে রটায়

নীলান্তরাল

স্নিগ্ধ ত্রিদিব ভাস্বর

হে অপর, অপর ॥

যে-কোনো

হতে পারত ঐ ঘর, হতে পারত ঐ

ঘুমোনো শিশুকে হুলিয়ে গানের ঘর—

রাঙা রোদু-রে লুটোনো স্নানের ঘরে

খোলা জানলার আকাশে পাহাড়,

নরম সূর্য ;

শুকোচ্ছে জামা বাগানের তারে,

ঝিরি গাছ দোলা হাওয়ায় ছায়ায়-

হতে পারত ঐ

সবই আমার ।

ছ-চোখ বিভোর ভাবছে পথিকা

যেতে-যেতে তবু সবই তো আমারই—

শীতলপাটিতে ক্ষণ-বিশ্রাম

মধুর ছপ্পুরে,

আলনার পাশে পাতা-খোলা বই,

ছড়ানো খেলনা,

ভরা-সংসার বুকে নিয়ে পার হওয়া ।

দেশে বহুদেশে ছবি আগে শুধু ছবি

হতে পারত ঐ,

হতে পারত ঐ ঘর, তিনের সংসার ॥

হারানো অর্কিড

রাত-জাগা ব্যবসায় ; উচ্ছে হেনে তীক্ষ্ণ স্বপ্নচোখ

ক্রান্তের জ্যোতির কাঁক চিহ্ন-অঙ্কে ঘিরে ধরতে চায়,

ফরাসী যুবক আঁত্রে,— গুচ্ছ তারা হারে শূন্যে— একা

ফেলে যায় প্যারিসের নকশা গলি, গ্যামপোস্ট, ক্রমে

সমস্ত ফ্রান্সের ব্যাষ্টি, যুরোপ, শেষ চক্ষে তার

ভুলুষ্ঠিত এই ছায়া ধরণীর, চেনার উদ্ভূতি

অস্তহিত বিন্দু কাঁচে— সীম্ নদী কুয়াশা-ছপ্পুরে

যেমন তলিয়ে থাকে প্রাণজাল ছিন্ন বিস্ময়ীন

প্রগাঢ় অদৃশ্যে হারা ;

গণনার মর্মের সিঁড়িতে

শব্দ ক'রে কে হঠাৎ দূরবীন-ছাতের চাতালে
সোজা উঠে এসে বলে, "আজ্ঞে, আজ্ঞা স্বচ্ছতার নেশা
ভাঙল না ভাঙা চাঁদে ? সত্যি বলো কী এনেছি ?" খুলে
স্বতো-জরি দেয় তাকে রূপোলি হুঁদুর, মস্ত লেজ
—হাসির লহরে মাথা লেজের বহর— রেনে
ঈষৎ আঁতুর স্বরে মিশ্রিত কৌতুক টেলে বলে
"আর না, আজকের মতো শেষ ক'রে নামো, একটু শোবে
ডর্মিটরি-ঘরে গিয়ে, রাত্রে দেয়ালে তুলি টানে
রাঙা শুকনো ভোর ঐক্যাকাশে নিঘূঁম ঘণ্টা বাজা,
জানো না কি ?"

রেনে একলা আপন বাড়িতে চ'লে যায় ।

পর হুঁপা লাইব্রেরিতে চশমা-আঁটা আঁজ্রে প্রায় যেই
তুপ-বই কেন্দ্রে ঢুকে তন্মাত্র দশায় সঙ্ঘ্যাবেলা
জটিল অস্তিত্ব ভোলে, খাওয়া ভোলে, সহপাঠী রেনে
সামনে এসে দাঁড়িয়েই কিসকিস অনর্গল বলে
"টেলিফোনে দুটো জায়গা কাছেই মো-মার্তে রেখেছি
সামান্য স্ট্রালাড আর অলিভ, যেমন খেতে চাও
ধারের টেবিলে সেই, দু-ফোটা সিনজানো, পিম্পল্-কারি,
দেমি-তাস কফি দু-জনের ? ইচ্ছে হলে আইসক্রীম
—কিংবা প্রিয় চীজ্, সেই, পাংলা বিস্কুটে ভালোবাসো—
মস্ত ভোজ নয়, তবু যথেষ্ট ফরাসী আমাদেরি ।"
আঁজ্রের হারানো মন সেদিনকী হল আলো তটে
সংসার ঘরের যেন প্রথম জানানি, চুল ওড়া
দু-জনায়ে হেঁটে যায় বুলভার্ড্ পেরিয়ে পার্কের
যেখানে বেলুন-বিক্রি, শুধু তাই নয়, যেতে পথে
ফুলের দোকানে আঁজ্রে সবুজ অর্কিড কিনে ফেলে
লঙ্কিত প্রসন্ন লোভে, পরে মোমবাতির আলোয়
রেনেকে পরায় ঐ উপহার ফুল, গিনে এঁটে,
রেস্তুরায়— আড়ল চুষন ক'রে, নম্র মাথা,— রেনে

সেদিন মর্তের ঘরে মানবীর স্বর্গ-অধিকার
 স্নিগ্ধ লঘু বয়সের প্রান্তে ধরে, বন্ধ বেশি কথা
 রাত্রির আলোয় ফেরে, হঠাৎ ব্যাকুল রেনে বলে
 “অকিড গিয়েছে পড়ে, চলো ফিরি,”— আত্রে স্থনিশ্চয়
 দেয় তাকে, “জেনো সে কখনো হারাবে না, ও-রাস্তায়
 খোঁজা বৃথা,” তবুও রেনের চোখ ছলছল বুক
 মানে কি সাস্থনা, শেষে করুগেট কালো দরজার
 পৌছনো বাড়িতে তারা শুভরাত্রি যাচে পরস্পর
 খুশির দু-চোখ আর্দ্র, হাত ধ’রে ফিরে চুপিচুপি
 রেনের একটু কথা— “অকিড কখনো হারাবে না ॥”

নির্ণয়

১

হয়েছে ত্রিকোণ ;

মধ্যস্থলে শান্তদৃষ্টি কবিরোগী ;

দুই দিকে

অরণ্যম্পন্দিত সঙ্কীর্ণ, পুষ্পের পুণ্যাহ—

একটি মুহূর্ত সরবরাহ ।

ওহায়ো মার্কিনি নদী চলেছে উত্তোগী

শিলাশাস্ত তীরে স্নান রোদের সঙ্গীতি,

বালি মুহূর্ত ঝিকঝিকে—

রূপধারা মধ্যকায়া ছায়া ভিন্নহীন

চৈতন্যস্থিতি ।

ত্রিযামাজাগর রাতে নক্ষত্রকম্পন

তারি মধ্যে অরুদ্ধতী নেত্রে নিয়ে গণনায় চেনা

নতুন জ্যোতিষ্কবিদ্যু ;

শৃংগে, উর্ধ্বে

স্তরে-স্তরে তারার কোরকে

অগণ্য আলোর সিন্ধু—

একটি গ্রহ স্ফুট হয় দৃষ্টলোকে

ছুরছুর সহজ পার্শ্ববর্তী ;

একের লগন ॥

৩

একটি আনন ধ্যান বক্ষে নিয়ে বসি

দূরান্তের ঘনশ্রাম ইলিনয় গ্রামে ;

গীতমর্মরিত গ্রীষ্ম খুলে দেয় দক্ষিণ দরজা—

শতলিপি নিরক্ষর পত্রপর্ণালের তোলে ধ্বজ',

গুঞ্জরিত প্লেন ওঠে নামে ;

বিরাট গোধূলিরেখা ছায়া ধরে মহানগরীর

অবিচল আস্তর আমন ।

একদিকে জ্যোতিঃপুষ্প অমর্ত শাখায়,

অন্যপাশে তীব্র ইচ্ছা ক্রান্তির পাখায়—

মধ্যায়িনাধন

সমস্ত জীবনধাগ চিত্তভ্রমে হবে অঙ্গীকার,

—দেখা দাও শেষবার ॥

পশ্চিম শহরে

পিংসা-র দোকানে ওরা তিনজন বাহিরে দাঁড়ায়
কাচের ওপাশে দুই ইতালি-রাঁধুনি

(শাদা রোব্) (অতি আধুনিক)

মস্ত চাক্তি ময়দার ঘুরিয়ে-ঘুরিয়ে

ফিন্‌ফিনে করছে নরম,

উনোন— আঙুনে সৈকে যথেষ্ট গরম

যেই হয় ঠিক

মাংস বা চীজ্‌পুর, টোমাটো পুরিয়ে

দর্শক-দর্শকী ভিড় ক্রমেই বাড়ায়—

পুরোনো বস্টন, লাল ইটের বাঁধুনি ।

গ্রেগরি, সালভাডোরি, সঙ্গে বন্ধু (তার নাম, জন)

শেষে বলে, চলো ভাই, পিংসা ঐ সেরা,

লাল-ছকা প্রাস্টিকের টেব্ল-ক্লেথের

উপরে কাচের মাসে নয়নরঞ্জন

প্রাস্টিকের তীব্র ফুল, ওরা নিল ডেরা

শক্ত-চেয়ারে, শুধু তৃতীয়টি কন

অর্ডার দেবার বেলা, ‘কফি হলে ঢের—

‘চাই না আজকে কিছু, তোমরা বসে খাও, আমি দেখি’

দুই বন্ধু ভনে তার পিঠ চাপড়িয়ে

‘সাবাস ধার্মিক জন, কুছ্‌ নব্য একী—

বড়ো বেশি বৌদ্ধ জেন্‌ ক্রিস্টীয় মিষ্টিক

উন্ন্যার্গ চর্চার ফলে এসেছ গড়িয়ে,—

খাবে না ?’— বন্ধুটি শুধু সন্নিহিত নির্ভীক

বলে ধীরে, ‘উচ্চ কথা তোমরা জানো আমার সাজে না

বহু বাক্য, কত ভাষা লিখেছি পড়েছি

জপেছি, এখন আর সে-স্বর বাজে না,

মিথ্যে বলি, স্থখী হব শুধু তার স্থখে—

তবু তারি মূর্তি মনে এমন গড়েছি

নিজেরই স্বার্থের ইচ্ছা বৃথা খুঁজি বুকে—

‘হাসবে না জানি তোমরা প্রগল্ভ প্রলাপ ক্ষমা করো,

হারিয়েছি, ভিন্ন পথে চলে গেল বাক্য—

খাওয়া থাকা বসে এই মস্ত শহর

শূন্য হয় চেয়ে আছে শীতের প্রহর ;

দোকানে সাজানো সেন্ট, লাইলাক স্টল,

চুলের রিবন্ কেনা, সবই পড়ে থাকে

যা-কিছু একান্ত সত্য তাই ঝরো-ঝরো,

স্পর্ধা নেই শুধু খুঁজি স্থিতির সম্বল ।’

অবাক গ্রেগরি বলে, ‘সারা বিশ্বে একটির খোঁজে

টলি বাস্ উচু-নিচু পাহাড়তলির

নদী সাঁকো হোটেলের শহর গলির

সবই উবে গেল ? যদি ভাগ্য চোখ বোজে—

সোনা কিম্বা কালো চুল, সেই মিষ্টি গলা

নাই পাও— তুমি নিঃশ্ব, পৃথিবী বিফলা ?

এ কোন্ প্রেমের ধর্মে পৌরুষের চলা ?

সালভাডোরি অগ্নি স্থরে যেন কোন্ ঘুম থেকে জাগা

বলে, ‘বন্ধু, বুঝি সবই তবু আলো-লাগা

জগৎ সংসার রয় জগৎ সংসার

প্রাণের হিসাব কই, দুঃখের সংহার

তারি কাছে পৌছে দেয়া থাকে ভালোবাসা

স্থিতি নয়, গতিপথে সর্বোচ্চের আশা—

একান্ত যা চেয়েছি তা চরমে উৎসুক,

বুকের আগুনে স্নিগ্ধ দেখা তারি মুখ ।’

পিংসা-র ওয়েট্রেস এসে দুই থালা ধরে পিংসা-ভরা—
 ‘মিস্টার, সিনোরে, এক টুকরো দিই এনে ?’
 জাপকিন এগিয়ে জন্কে বলে হাসি হেনে,
 ‘শুধু কফি তা কি হয় ?’— যদিও তৎপরা,
 কী ছিল কল্যাণী তার মাতৃভের চোখে—
 মাথা নেড়ে রাগি জন্ । নিমন্ত্র আলোকে

যেন স্বগতোক্তি তার— ‘এ-দোকানে স্বপ্নের আননে
 একদিন দুইজনে এসেছি, জানো না
 যে গেছে, সবই গেছে ; শেষ-প্রাণে শোনা
 শুধু যেন মস্ত্রে জাগে— পার্কের কোণে
 টাদের নীলাঙ্গ আর প্রীত সঙ্ক্যারাতে
 বসেছি খানিক, পরে চলি হাতে-হাতে ;
 এলেম এখানে— বেশি বলবার নেই,
 ভালোবাসত এ রেষ্টোরাঁ, শেষ দেখা সেই ।

‘কিছুই বদলায়নি জানি দুজন্যর, তবু— থাক কথা,
 চলে গেছে আর যোগ হয় নি, হবে না ;
 হয়ে ফল নেই । শোনো, গ্রেগরি ষে-চেনা
 অনিন্দ্য প্রেমের শক্তি, পুষ্পনির্মলতা
 ভরে তোলে সর্বলোক, গৌরবের দেনা
 কোনো শেষ নেই তার, অন্তহীন প্রাণ :
 শোকে তবে কেন আনে মৃত্যুর আশ্রান ।

‘অকৃতজ্ঞ ? স্বর্গে মর্তে জীবনে চেয়েছি, সাল্ভাডোরি
 সৃষ্টি-অর্থ দিতে তাকে, আলোর গ্রহরী
 দাস্তে নই ; নই ধ্যানী আবেলার্ড, যাকে
 দুঃখের উত্তীর্ণ তীর্থে আশ্বষজ্জধুমে

পূজা দিল, পেল পূজা, প্রার্থনাকুস্থমে
এলোয়িস্ ; তবু মর্ম জ্বলে উত্তমাকে
কী সঁপেছি হয়তো আজো সে-ই মনে রাখে ।

‘সামান্য বইয়ের ব্যাবসা, আপিসের দোভাষী কেরানি

কাটবে বাকি দিন....’ দুই বন্ধু দরজায়
দেখে কারা হাসিমুখ যুগল দাঁড়ায়
পিৎসা-র দোকানে ঢুকে, আবার কী জানি
কী ভেবে বাইরে গেল, নিমেষ-ঝলকে
মেয়েটি ফিরিয়ে চোখ জনকে পলকে
কত যে স্নিগ্ধতা দিল, নতুন সংসারে
যা পেয়েছে তারি সুখা-ভরা স্মৃতিভারে ;

হঠাৎ অদৃশ্য তারা, অবনত শাস্ত শৃঙ্গে চেয়ে
ভাবে জন, আত্মস্থ সামান্য জিনিস—
করুণা-নিঃসৃত ধন্য সারা প্রাণ চেয়ে
যে-আনন্দ পরমা-র, তারি স্পর্শ পেয়ে
স্নাত আমি, মনে-মনে বলে— অহর্নিশ
তৃপ্ত তোমরা শুদ্ধ কোরো সংসারের বিষ,
একই পথে চলি আমরা ।— ওয়েস্টেস্কে ডেকে
চায় পিৎসা, ‘আরো আছে ? প্লেটে যাবে রেখে ?’

দুই বন্ধু, একটু থেমে আস্তে বলে, ‘কী ও
জানতাম পিৎসা-র লোভ অবর্ণনীয় !’

উৎসব

কখনো ভেবেছ ? দূর দেশে
সুত্র গ্রামে যেতে-আসতে মহনীয় ছায়া
নেমে আসবে দোকানের কাছে, ফুটপাথে
লুটোবে কান্নার মন্ত্র, বিশ্ববিজয়িনী
বাজবে শব্দ, পুষ্পবৃষ্টি ঝরবে গলিতে—
অগণ্য যাত্রীর মধ্যে প্রবাসী একজন
শুনবে স্তব্ধ বিশ্বে তার মৃদু কণ্ঠধ্বনি
এই দিনে ॥

যুগের পথ

আনন্তিক গ্রীন বাস্, অনন্ত স্বর্গের মেঘলা বেলা,
অমরাবতীর ভিড় রাস্তার ধুলোয় পথিকের—
ধৌত চোখে দেখি ; শুনি, পুষ্পপত্রে ধ্বনি ‘সাধু সাধু’
পার্কের মলিন গাছে । অমর্ত গ্যাসের আলো সারি
আমি-যে প্রেমের যাত্রী, চলেছি কোথায়
ভুলে যাই আর সব, শুধু জানি বুকের পকেটে
তার শাদা কাগজের চিঠি আছে, এ-জীবনে
পেয়েছি সে ডাক-চিঠি, যেতে হবে শুধু
অনির্ণীত যুগ পথে, হোক দুঃখে, হোক স্বখে জাগা ॥

স্রোতস্বিনী

গতিময় ফুলবৃন্ত, চলন্ত বকুল
এনেছিলে স্তব্ধতার ভুল—
স্বরভি কোরক ওগো, অনিন্দ্য প্রেমের পুষ্পভার
—কোথাও চিহ্নই নেই আর ॥

অস্তিক

কী করে মন বুঝবি যদি
এমন ধ্বনি রাখলি দূরে
(সঙ্গচ্ছন্দঃ...)
অঙ্ক বুকে জাগুক না প্রাণ
মস্তকবরের একটু স্বরে—
(সংমনাসি...)
ওদিকে দিন ঘিরে আসে
বিদেশী শীত কুয়াশাতে,
কালো আঙুল গাছের মাথায়
ঠাণ্ডা একা শূন্য রাতে
(সহবীৰ্য্য কর্ণধারি...)
যখন কোথাও কিছুই তো নেই
সেই তো সময় আসল শোনার—
উপনিষদ ঋষি বলেন
শেষের মিলন আরাধনার ।
(যদেতৎ হৃদয়ং তব
তদন্ত হৃদয়ং মম...) ॥

চতুরঙ্গ

ভিক্ : “নেই কোন ভার, নেই সীমানা
সামিয়ানা
গুধুই দোলে সোনার শৃঙ্গে তোমার ভাষায়
ভালোবাসায়,

হাঙ্গা ছপ'র
 নীল জ্বরং উজ্জল রূপোর
 অশ্র-ধোয়া মধুর আশায়—
 নেই তো কোনো ভাবনা-জানা,
 জুলিয়ানা ।”

হেলেন : “ডিক্ বলেছে ঠিকই কথা—
 ঘাস দেখায় না সবুজ ব্যথা,
 আরোই লন্-এর নরম গভীর গজিয়ে ওঠে —
 যখন চলো সঙ্ক্যা নদীর কুঞ্জতটে
 জুতোর আঘাত লুকিয়ে রাখে,
 মেঠো ফুলে বুকের তৃষা আরোই ঢাকে ।
 কোথায় সে চাপ,
 বিশ্বজোড়া সমস্ত তাপ
 রক্ত সাঁঝের শান্তি দেখায়
 কার্নেশানের রাঙা রেখায়—
 একটি কণাও নেই বাগানে ছুঃখ-আনা,
 জুলিয়ানা,
 ফুলের তোড়া
 রাংতা মোড়া
 দেয় যদি কেউ ক্ষণ-বিদায় সিঁড়ির ধারে
 আঘাত কি কেউ পেতে পারে ?”

(জুলিয়ানা) : জুলিয়ানা মাথা নাড়ায়, মস্ত চোখে
 চেয়ে বলে ডিক্-এর দিকে, “মৌন লোকে
 যা আছে তা এমনি আছে, তুমি এসে
 আকাশ-তৃণ-জলের দেশে
 প্রবল দাহের দাও উপহার—
 মাথা নোয়াই, মান্ব সে ভার ।

শুনেছ ডিক্ ? ছ'চোখ মুছি

নীল ধুতুচি

পোড়াও যখন অন্ধ ধুনোয় প্রাণ কানাচে

কুকুরছানা নিয়ে দাঁড়াই জানলা কাছে

যা দিয়েছ তার বেশি আর নেই ধারণায়

ভরা গ্রহর কানায় কানায়

তুমি জানো

সব-হারানো

হঠাৎ আধার কপাল সেও টিপ-পরানো ।”

(লিয়াং) : কলেজ-পাড়ার চীনে বন্ধু ওদের ঘরে

ছ'চোখ উজ্জল শোনে শুধু চুপটি করে—

কারো পক্ষ নেয় না, জানে যবনিকায়

বিরহ-প্রেম নাট্যালিখায়

কখন আগুন কখন মধুর ছায়ার খেলা

মায়ার মেলা ;

হেলেন যখন ব্যাকুল কণ্ঠে বুলিয়ে বলে

যুগল ওরা বুঝেও তবু বুকের তলে

খোঁজে ব্যথায় কোন ব্যথা-পার,

জানে না আর ।

লিয়াং শেষে তীক্ষ্ণ মুহু হাসির ভানে

টেলিফোনে ট্যান্ডি ডাকে, বার্তা আনে—

“কন্সার্টে সেই যাবে ছ'জন, এল গাড়ি

তাড়াতাড়ি—

মনে কি নেই টিকিট ছুটোর ঠিক-ঠিকানা ?”

দাড়ালো ডিক্-জুলিয়ানা

পূর্বদেশী নীরবভাষী সাথীর হাতে

হাত মিলিয়ে বিদায় নিল সঙ্ঘ্যারাতে ।

গানের গান

চিরদিনের বাঁশি

ব্যথায় বাজে বুকে—

তুমি আমার চিরদিনের বাঁশি ।

চেয়ে তোমার মুখে

আলোর তলে আসি,

তুমি আমার চিরদিনের বাঁশি ।

তোমায় ভালোবাসা

আঁখির জলে ভাসা

হঠাৎ দূরের-আশা

সেই তো আমার চিরদিনের বাঁশি ।

অনেক গভীর রাতে

চাঁদের আলোয় একা

তোমার পেলেম দেখা

মন্দির বেদনাতে

ধরল না আর বুকের কান্নাহাসি

সেই তো আমার চিরদিনের বাঁশি ॥

রৌজগহন পথে

চলব তোমার ডাকে

অরণ্যে পর্বতে

মরুপথের বঁকে,

ধেয়ানে বৈরাগী

তবু তোমায় জাগি—

সংসারে এই চির-পরবাসী ।

তুমি আমার চিরদিনের বাঁশি ॥

গানের সুরে

পরানবাউল কয় গো—

কখন হাসি কখন কাঁদি জানাজানির নয় গো,

তুমিই জানো ।

গাহিন জলে লুকিয়ে চলে আমার জাগর চাঁদ

হারামণি, ওগো আমার মণি

ছলছলিয়ে কালো ঢেউয়ে উপছে পড়ে বীধ

অগাধ পূর্ণিমায়,

কানায় কানায় ।

ভাঁটার টানের কথা

বুকে ঢাকা রয় গো

তুমিই জানো ॥

চাঁদের মুখটি দেখি সেই জুয়ারে

ভাঙা ঘাটের ধারে,

হারামণি, ওগো আমার মণি—

চিরদিনের সাধ

তোমার পরসাদ

উজল কাজল রাত পারায়ে ভোর দুয়ারে আনো,

খ্যাপার পরমাদ ।

পরানবাউল কয় গো—

নির্ভরসার একলা বুকে হঠাৎ হাওয়া বয় গো—

তুমিই জানো ॥

২

বাকি যতই ঝাঁচতে হবে, তোমার দেয়া

তোমার নেয়া

দুঃখবারি

বাইব শ্রোতে একলা সাঁঝে জীবন-খেয়া ।

বৃক্ষসারি
অগ্নুত্তি পথ রইবে ঘিরে, চলব তীরে
মঙ্গল দাও, মঙ্গল দাও, যেন পারি।

আরোই প্রাণে অলু ক দানে প্রেমের বাণী
মঙ্গল দাও, মঙ্গল দাও, হে কল্যাণী।

যেন আগুন আলো ক'রে তোমার নামে
ছড়িয়ে যেতে পারি বিদেশ শহর গ্রামে
শেষের বাক্যে হঠাৎ শুনি দূরের সানাই
তাই যদি চাও
দাহ দিয়ে মানিক বানাই,
মঙ্গল দাও, মঙ্গল দাও।
সংসারে আজ সংসার পার বক্ষে মানি
মঙ্গল দাও, মঙ্গল দাও, হে কল্যাণী

প্রণয়ী

জাঙ্কারিষ্ট প্রাণে নেই, গুপ্তপ্রেমে দেয় কবিরাজ ,
কবির গহন গানে যে জাঙ্কার মৃতসজীবনী
নিটোল সুরের নেশা ঘন স্বর্ণ নীলাঞ্জন মাথা
তাই চায় অমরার সঙ্কানী শিল্পীর প্রেম-চোখে,
নির্ঝরিত : সেই সুখা আবিষ্টের ধর্মের জঙ্কালে
পঞ্জিকায়, আত্ম-ত্যাগ-পণ্যের অতীত নিরক্ষর
লিপি সে নক্ষত্র-খচা, উদয়াস্ত আলোর অর্ধমা
একান্ত সারিখ্য তার, হায় ওরে অরিষ্ট-বিলাসী
যাজকের কড়া ভেঙে মানবে কবে অলাবু ভক্ষণ
নিবিষ্টের গ্রহযোগে, ত্র্যাহস্পর্শে বিস্ত্র যাত্রাকালে
মহানিমজ্জনে যাবে মুক্ত পথে, জেনে গণনায
চিন্ময় জ্যোতির শাস্ত্র অনির্গীত ;

মন্দির চত্বরে

আজ্ঞস্তর সাধু ভক্ত তাদেরি সে গায়ন-সভায়
ভজনে নির্জনে একা কোণে বসে দেখে নিমগাছ
ফকিরের তস্‌বি যেন, একটি অদৃশ্য রাগমালা
ঘোরায় কম্পিত পত্রে ; ঢুলী ঢাকী দূরে যুহু গুরু
বাজারের শব্দে হানে কাছের হৃৎস্পন্দ সারাগ্রামে ;
ছুটি পায়রা উড়ে যায়, অব্যাহত নিঃসায় মাধুরী
ক্রন্দন-উতল তটে দিগন্তের অলভ প্রস্থন
ধরা দেয় বাহুবন্ধে যুগলের, ওদের সে দৃষ্টি সর্বমেশা—
বৌদ্ধ ধ্যান করুণার যিশু-ধর্ম দেব-মানবের
একই প্রেম-আয়ুর্বেদ, সূফী, শিখ, হিন্দু, ইহুদির ॥

শৈলপত্র

ঠাণ্ডা হাওয়া শিরিশি গায়ে লাগছে

শুনছি পাতার ইশারা, কুছর ব্যঞ্জন, কাঠবেড়ালির রূপঝাপ ;
উঁচু নিচু জমি, ছাগল গোরু চরা
পাহাড়ি ছোট্ট ছেলের তদারকে ;
উত্তরে হিমবান পর্বত আকাশচুম্বী মস্তকে ঐ জাগ্রত,
সাদা জটার নিম্নধারী গ্লেশিয়ার স্পষ্ট চোখে পড়ল ।

“শোনো,

নদী যেমন সমুদ্রের দিকে ধাবিত হয়
পৃথিবী যেমন সূর্যের দিকে
তেমনি আমার মন খুঁজছে তোমার ;
ভাষা থেমে নির্ভাষ প্রকাশের পারে
ঐ অরণ্য আকাশে একান্তিকা ।

এইরকমই ভালো ।

সূত্র সবুজ ঘাস থেকে চন্দ্র গ্রহ সূর্য নিয়ে যেমন পৃথিবীর
গেরস্থালি সেইরকম ছোটো বড়ো দুই মিলিয়ে থাক ॥”

অমরাবতী

(...দিব্যানি ধামানি...)

কে-সে প্রাণ এই প্রাণ উমিল জলের কিনারায়
অমরার দুই পারে একটি সন্ধানে নিয়ে যায়— শোনো—
অদৃশের নীলাঙ্কনে ঢেকে
স্বর্ণগতি চিরদিন এই দিনে দিয়ে গেল সে-কে ॥

ভগ্নী নিবেদিতা

যে-উদ্দেশ্ দীপ্তিলাগা প্রাণময় চৈতন্য তোমার
জ্বলেছিলে পশ্চিম সংসারে
তারি শিখা নিয়ে এলে, ভগ্নী নিবেদিতা,
আর্ধাবর্তে ; নীলিম সূর্যের বেদীতলে
দিব্য পুরুষের কণ্ঠে মন্ত্র শুনে পুণ্য ভারতীর
সারা জীবনের অর্ঘ্য রেখে গেলে এইখানে
ধ্যানে-কর্মে মুক্তযোগ ; ঘরে ঘরে
বাংলাদেশ পেয়েছে তোমায় ॥

বিশ্ব সমুদ্রের পারে পারে
মানবজাতির শ্রুতি যে-ভাষার ঐকতলে জাগা
সেই আদি-ভবিষ্যের ভাষা তুমি শুনে গঙ্গাতীরে
স্বর্ণাক্ষরে লিখে গেছ, কাহিনী-সংস্কৃতি-ইতিহাস
গেঁথেছ নবীন ধৃতি, ভারতীর চিত্রিত সাধনে
তোমার তীর্থের ধাপে ধাপে ।
শৈল কৈলাসের

খেতশ্রাম শীর্ষ হতে দূর কল্লাকুমারিকা

আসমুদ্র দৃষ্টি তুমি একটি আশ্রমের

মহান ঐশ্বর্যবস্ত্রে করেছ বরণ—

তপস্বিনী, তোমার মানসে

দ্বাদশ দেউল আর নতুন মন্দির সমর্পিত

যুগে যুগে আমাদেরি কালে—

চিরদিন সাম্প্রতিক : একই ধর্ম সেই

বিচিত্র মানবধর্মে জেনেছ একান্ত প্রকাশনী ॥

ছবি আগে কলকাতায় শ্রীবিহীন গলির পাড়ায়

দূরহ অস্তিক জীবনে

সম্মার্জনী হাতে তুমি স্তূপীকৃত মলিনতা

প্রত্যহ করেছ দূর, কারুণ্যে নিবিড়

প্রাণের সংগ্রামে নেমে গৃহস্থ সংসারে দুঃখবহ

জানাতে গৌরব তবু, ভারতী বাঙালি

আপন মিলিত সৌধ গড়বে কোন দিন

নবীন স্বাধীন রাষ্ট্রে, সে আশ্বাস হারাওনি বৃকে—

বিদায় নিয়েছ এই আহত দূরের স্বদেশে ॥

আঁচল

কচি ঘাস, মাঠ, পাশে জল

বসুমা, তোমার আঁচল

এখানে বিছাও—

মাথা রেখে শোবো আর দেখব উধাও

মেঘে মেঘে চলে নীলাকাশ ;

শেষ করে দূর পরবাস

ফিরে আসি ধরিজীর ছেলে,

মাটি, তুমি নাও বুক মেলে ॥

বাসা-বদল

পেয়ালা ও প্লেট :

রাত্রে এসে রান্নাঘরে দাঁড়াই কোথায়, সাক্ষী ওরা
সাক্ষী আমি, মাথা হেঁট—

নিঃশব্দ পসরা

কিকে সবজি । চেনা চায়না । কতদিন চেনা
চায়ের আসরে কবে হঠাৎ উৎসবে

কারু পায়ে ভরেছিল আনন্দ গ্রহর
আলোর জ্বর—

নিভৃত সংসার সে কি বৃদ্বৃদের ফেনা
ভাসবে নিয়নে-জলা গ্লান সঙ্ক্যাত্রোতে
আরক ভূমিকা শেষ হতে নাই হতে ।

নমস্কার ।

নম্র গ্যাস-স্টোভ ; সুইচ, বিনীত তৎপর বিজলি-ধার ;
দেয়ালে ঝোলানো সারি কাঁটা-ছুরি ; ফ্রিজ,
হলদে, ঠাণ্ডা ; পাশে জানলা, বস্টন-কেব্রিজ
পরদার আড়ালে চিত্রবৎ ।

ছিল কত ধোয়া আর মাজা

সাবানে গরম জলে ; চামুচে, ডেক্‌চি সাজা—
ওদিকে বসার ঘরে বন্ধুর সংগৎ ।

পেয়ালা ও প্লেট

কুতল কালের প্রান্তে ভেঙে যাওয়া সেট—

ভোর হলে

ট্রাক আসবে, সবই নেবে, আমরাও যাব সঙ্গে চলে ।

বাংলা দেশ

কল্যাণীর ধারাবাহী যে-মাধুরী বাংলা ভাষায়
গড়েছে আত্মীয় পল্লী, যমুনা-পদ্মার তীরে তীরে
রূপোলি জলের ধারে, আম-জাম-নারকল ঘেরা
আমন ধানের খেতে শ্রুতিময় তারি অন্তর্লীন
বাণী শোনো প্রাত্যহিক— বহুমিশ্র প্রাণের সংসারে
সেই বাংলা দেশে ছিল সহস্রের একটি কাহিনী
কোরানে পুরাণে শিল্পে, পালা-পার্বণের ঢাকে ঢোলে
আউল বাউল নাচে ; পুণ্যাহের সানাই রঞ্জিত
রোদুর্রে আকাশতলে দেখে কারা হাটে যায়, মাঝি
পাল তোলে, তাঁতি বোনে, খড়ে-ছাওয়া ঘরের আঙনে
মাঠে ঘাটে অমসঙ্গী নানাজাতিধর্মের বসতি
চিরদিন বাংলা দেশ—

ওরা কারা বুনো দল ঢোকে
এরি মধ্যে (থামাও, থামাও), স্বর্ণশাম বুক ছিঁড়ে
অস্ত্র হাতে নামে সাত্ত্বী কাপুরুষ, অধম রাষ্ট্রের
রক্ত পতাকা তোলে, কোটি মাতৃষের সমবায়ী
সভ্যতার ভাষা এরা রদ করবে ভাবে, মরু-পশু
মারীর অঙ্কতা ঝড়ে হানে অসহায় নরনারী
অলভ্য জয়ের লোভে, জালায় শহর, গ্রামে গ্রামে
প্রাচীন সংহতি ভেঙে ভগ্নস্তুপে দূরের উল্লুক
বাঁধে কেবলা (পারবে না, পারবে না), পাপাশ্রয়ী পরজীবী
যতই লুণ্ঠন করে শস্ত পাট পণ্য, ঘরে ঘরে
ছড়ায় অমেয় শোক, ধর্মনাশ হত্যার ছায়ায়
ঘেরে আর্ত গৃহস্থালী, চতুর্গুণ হিন্দু মুসলমান
বাংলার বাঙালি তত জানে অন্নমৃত্যুর বন্ধনে
অভিন্ন আপন সত্তা,

লক্ষ লক্ষ হা-ঘরে দুর্গত
স্থগ্য যম-দূত সেনা এড়িয়ে সীমান্ত পারে ছোটো,

পথে পথে অনশনে অস্তিম যন্ত্রণা রোগে ত্রাসে
সহস্রের অবসান, হস্তারক বাকুদে বন্ধুকে
মুছিত—মৃতের দেহ বিদ্ধ করে, হত্যা-ব্যবসায়
বাংলাদেশ-ধ্বংস-কাব্যে জানে না পৌছল জাহান্নমে
এ জন্মেই ;

বাংলাদেশ অনন্ত অক্ষত মূর্তি জাগে ॥

ওঠো ওঠো জনমন দেশে-দেশে, আজো বেলা আছে
শেষ করো ইতরের অত্যাচার মুক্ত বাংলাদেশ—
আগ্নিক উন্নত পর্ব ছ-ছ জ্বালা ইন্ধন পবনে
থামবে না বাংলাপ্রান্তে, পাকিস্তান-ভারত সীমায়,
এশিয়ায়, দাহ তার ফিরবে দ্রুত পশ্চিমী শিবিরে
শতদ্বীর যন্ত্রশালে ; ভিয়েৎ-নামের মাইলাই
কে চায় ? পশ্চিমে-পূর্বে অগণ্য আহুতি ক্রান্ত হোক
নতুন সম্ভাব্য যুগে, জাগো সাম্য-স্বাধীন সমাজ
মাহুঘের পরিচয়ে সার্বিকের দুর্জয় বিধানে,
জাগো পাকিস্তানী যুবা, ছাত্রদল— চির-চীন দেশ
মানবিক প্রতিবেশী ইতিহাস রচো পুনর্বীর
করণার আভিজাত্যে, ভারতীর বীর্ষ সহযোগী
স্বজনের মহিমায় যুক্ত হও নবীন মার্কিনি
বর্বরবিরোধী দলে— জনতাবধের তন্ত্র হতে
রক্ষা করো ধরণীকে,

—দেখ সবে পূর্ববাংলাদেশে

জন্তু আক্রমণে দিন হঠাৎ মধ্যাহ্নে অন্ধকার,
রাজ্যে নিশাচর শক্তি— পররাষ্ট্র— কবর-বিলাসী
ধ্বংস করে ধনপ্রাণ,

সারা বাংলাদেশ উপদ্রুত

চেয়ে আছে শিশুচক্ষে, নরনারী মুমূর্ষু আলোয়
অজ্ঞেয় গৌরব আশা রেখে গেছে, তীব্র হাহাকার

আনে শেষ প্রশ্নোত্তর, আসন্নিক মানব গগনে
পর্জন্তের শব্দ ঐ বেজে ওঠে দীর্ঘ বঙ্গভূমে —
চরম যন্ত্রণাক্ষণে বাংলাদেশে লোকায়ত যারা
ভবিষ্যৎ গ'ড়ে তারা বিশ্বে আজ হবে অস্বীকৃত ?

মাটির ডেরা

নাভাহো, হোপির

বসতি দেখলাম

ডাকোটা, মিনেসোটায়

যেখানে লরেন্সিয়ান যুগ-পর্বতের ঢালু

বিলিয়ন বছরের ;

রুক্ষ বালির সমুদ্র ১০,০০০ ফুট উচুতে

রিক্ত আদিবাসীর সংসার

সংলগ্ন বেঁচে আছে মাত্র ;

উপরে সূর্যের সঙ্গে ঘুরছে ভগ্নী নক্ষত্রেরা,

দিনে কড়া রোদ, রাতে মৃদু রশ্মি নামে অপহৃত সমাজে ।

ছ-টা হরিণ-হরিণী বুনো পথ তীরের মতো তরল করল,

পাহাড়ে পাহাড়ে অচল ইশারা ।

কোনো মাটির ডেরা,

সেখানে টুকরো আহত জীবন্ত লোক-সংগ্রহ,

আহার, তাপ, পান, বাঁচা-মরা, শিকার, নৃত্য

চক্রে চলেছে যত দিন গতি ;

অথচ মনের আকর্ষ পৌছিল স্মৃতি দিগন্তে

রঙে ভরা স্মৃতির শিল্পে,

পুয়েরো-বসতি বানাবার কারুতে ; মণি-সংগ্রহে ;

প্রেমের শৌর্ধে ।

তামাটে তপ্ত ভূগোলের পাথর

শক্তি খেমে আছে লাল মাটিতে,

ভেঙে বেরোবে কি লাল মাটির অগ্নি

নয় তলিয়ে স্তিমিত হবে সাক্ষীহীন

শেষ ধৈর্যের ধরনীতে ;

প্রশ্নের সময় নেই ।

উত্তর আসছে নতুন ব্যবসায়ীদের লুক্ক জালেধরা ওদের লাজ্জনায ;

লণ্ডি তে, স্কুদে হোটেল, জুতো-পালিশে, ওদের জাতীয় অন্তর্ধান ;

এদিকে জমি, সম্পত্তি ক্রমাগত কেড়ে নিচ্ছে

মধ্যস্থ মনিবদল— চাকুরির রাষ্ট্র

দেখ অনিবার্য আসন্ন

একান্ত আমেরিগিয়ান্ মৃত্যু ॥

এর্নাকুলম্

প্রাচীন আওয়াজ :

শাস্ত্র আর্তনাদ, তৃপ্তিচলন গোব্বর গাড়ির ;

মোটাকোটাকি বৃষ্টি নিমসারি পাতায় ;

হাটের শব্দ, ফেরি-মাকির ডাক

ওপার থেকে,

এর্নাকুলমের ঘাটে ।

বাধের ধারে

স্বনন পতঙ্গীর উৎসব বসন্ত, স্রুতিময়—

গুনেছি তোমার ভাষার ধ্বনি, পৃথিবী ॥

অস্ত্র দিকে চাই,—

মোনী ঐ নীলবন্দী মেঘ ;

শঙ্খশুভ্র নীচে শৈলাগ্র বোবা পাথর;
দূরে শাদা-শাড়ি মেয়েরা নিঃশব্দে চলেছে,
কথা শোনা যায় না ;

—বাংলাদেশের মতো

তাদের পুকুর, নারকেল গাছছায়ায় সেই
একই স্বপ্নি, শান্তি, সমিতি

চোখে অতল দৃষ্টি ।—

অজস্র পুষ্পিত নীরবতা ;

এখানে ঘাস মাটি প্রজ্ঞাপতি নির্বাক

জলন্ত তারা রাত্রে বাণীর সর্বাভীত অগ্নিময়, স্তব্ধ —

যেন উত্তমার আবির্ভাব অনাহত বীণাহাতে, স্থির ;

জেনেছি তোমার অলুচ্চারিত ভাষা,

পৃথিবী ॥

কোচিনে পাখি বসে আছি ভাঙা বেঞ্চ

ভিজ়ে স্রাবাল পায়ে,

সময় হলেই যাবো, পৃথিবী,

সব ভাষার পারে ॥

দরিয়া

স্নো-ড্রপ ততই শাদা যত সূর্য-জ্বলা

জবার পুড়ন্ত লাল স্তব্ধের দামামা

দূরন্ত তুবড়ি ওঠে ফোটে ঐ তারা

জলের সজ্জল রং জলের প্রবাহে—

তারি সঙ্গে এই আমি জন্মেছি জানি না

কোন মৌরশব্দগতি মাটির আকাশে—

হয়তো মনের বর্ণ কোনো মেঘে নেই

চৈতন্য-প্রাণের স্বপ্নে ছুটেছে তরঙ্গী,

মধ্য-প্রবাহে আছি ভরা-দরিয়ায় ॥

ইকবাল

ঐশ্বর

একই মাটিতে জলে আমি বানালাম বিশ্ব,
তুমি ভিন্ন ক'রে নাম দিলে ইরান, তাতার দেশ, জাজ্জিবার ;
যুক্তিকার অণুকণা দিয়ে আমি বানালাম লৌহ
তুমি তাই দিয়ে তৈরী করেছ যত তরোয়াল, তীর আর বন্দুক
বাগানের গাছ কাটবার জন্তে তুমি বানাতে কুড়োল,
আর যে পাখী গান করে তার জন্তে খাঁচা ।

মানব

তুমি তৈরী করেছ রাজি, আমি তো জেলেছি আলোক ।
মাটি তোমার, তাই দিয়ে রচলাম পানপাত্র ।
তোমার ছিল মরুভূমি, পর্বত, অরণ্য ;
আমার হ'ল তৈরী ফুলের কানন, গোলাপ, ফলের বাগান ।
আমি সে, যে 'পাথর'কে ক'রে দেয় আয়না,
বিশ্ব হতে যে বানায় মধু ।

শেখ-ই-মজাদিদ-এর সমাধিতে

গেলাম শেখ-ই-মজাদিদ-এর সমাধিতে,
সেই স্থানে যা আকাশের তলে আলোয় ভরা ।
নক্ষত্রগুলি পর্বন্ত সেখানে ধূলিকণার কাছে লজ্জিত,
গুণী শুয়ে আছেন যে-ধূলিতে নিদ্রিত ।

ভাই বীরসিং

ছুঃখ দেখে ছুঃখ আসে

পৃথিবীর যজ্ঞায় বিবর্ত চিত্রে

হৃদয় আমার ছুঃখী ।

অন্তর যায় গলে

পারি না রুখতে চোখের জল ।

জানি পৃথিবীর বেদনা কমবে না আমার বেদনায়,

এমন কি আমার তীব্র ত্যাগের উৎসবে—

তবু পাথর তো নই আমি,

পাথরও ভাঙে তোমার ছুঃখে, হে পৃথিবী ।

স্বাধীন ইচ্ছা

যদি বিশ্বকর্মা চোখ দিতেন আমার খুলির উপর দিকে,

চাইতাম আকাশের দিকে ।

চোখ পেয়েছি কপালের নিচুতে

নিচু দিকেই না চেয়ে আমার উপায় নেই—

বিধিনির্দেশ আমাকে বেঁধেছে ।

চোখ আছে বটে কপালে,

সঙ্গে আছে বিধিসত্ত্ব ষাড়

ইচ্ছামতো চোখকে উচু-নিচু চালাবার জ্ঞে ।

বিধিনির্দেশে চোখ দিয়ে দেখায় নেই মুক্তদৃষ্টি ।

ইচ্ছার উপরে চোখ চালাবার অধিকার মাহুঘের ।

দহন

ধীরে ধীরে উঠল মেঘ

কত নীচু থেকে আকাশের উচুতে—

কিন্তু সে কালো, সে বোবা,

জানে না দিক ।

অজানিতে তারো বুকে জাগলো বজ্রের বিদ্যুৎ,

কখন হঠাৎ হ'ল ক্ষুরিত ;

অসহ্য আত্মদহন তার সেই আলো—

কিন্তু নীচে পৃথিবী হয়ে ওঠে ক্ষণিক উজ্জ্বল ।

উইনিফ্রেড হোলটবি

ফ্রান্সের ট্রেন

সারা দীর্ঘরাত্রি অদৃশ্য পাহাড়ের পথে

ট্রেনগাড়ি

অগ্নি-চক্ষু ট্রেনগাড়ি,

ডাকে পরস্পরকে তীব্র খোঁজের চিৎকারে ;

আর আমি

ভেবেছিলেম সব ভুলেছি আমি যুদ্ধের কথা—

হঠাৎ ঝলসে উঠল মনে সেই ক্যামিয়র্সের এক রাত্রি

জেগে গিয়েছিলেম ঘন অন্ধকারে,

শুনেছিলেম ট্রেনের শব্দ,

পশু, চিৎকার করা ট্রেন-পশুগুলো

ডাকছে পরস্পরকে তাদের শিকারের গর্জনে ।

দুর্নিবার, অমোঘ, হিংস্র পশুর মতো

ছুটছে শিকারের সন্ধানে ।

সৃষ্টি করেছে এই জন্মেই তাদের নির্মাণকর্তা,

সেই তারা, ব্যবসা যাদের ধরা এবং গ্রাস করা
আমাদের রক্তমাংসের একান্ত আপনজনদের ।

ঘণ্টার পর ঘণ্টা

ক্রুদ্ধ অসহায়, শুয়েছিলেম একা সে রাতে
শুনছিলেম শিকার করছে তারা তোমাকে, প্রিয় আমার, আর তোমাকে,
শুনছিলেম ছুটে নিয়ে চলেছে তারা তোমাকে মৃত্যুর মুখে,
অসহ্য চেষ্টা করলেম সাবধান করতে তোমাকে পশুদের হাত থেকে
হায় রে, ঐ পশুদের হাত থেকে ।

তার পরে মনে হলো, না,

এতো বিস্তীর্ণ স্বপ্ন সত্য হতেই পারে না !

ক্ষণেক শান্ত হলো মন, তখন ট্রেনের শব্দ আর শোনা যাচ্ছে না—

কিন্তু হঠাৎ, ঐ যে, নিশ্চকের বুক চিরে কম্পিত হল গর্জন,

শুনলেম, ঐ দূরে, আরো দূরে,

ভীষণ বজ্র-নিনাদ তাদের আনন্দহীন ভোজে—

ধরেছে তোমাকে পশুরা, তাহলে, ধরেছে ঐ পশুগুলো, ঐ পশুগুলো—

জানলেম

আমার নিশাচর স্বপ্ন তবে সত্য ॥

সিউফেন স্পেণ্ডার

এক্সপ্রেস ট্রেন

প্রথম সহজ প্রবল ঘোষণার পরে

যন্ত্রের কালো জানানি দিয়েই বিনা দ্বিকম্পিতে

সম্রাজ্ঞীর মতো গড়িয়ে চলল, স্টেশন ছেড়ে ।

নামাল না মাথা, সম্বরিত ঔদাসীণ্যে

বিনম্র বাড়ির ভিড় গেল কাটিয়ে,

এবং গ্যাসের কারখানা ; শেষে উলটিয়ে গেল ঐ ভারি পৃষ্ঠা

মৃত্যুর, সিমেন্টের কবরের পাথরে ছাপানো ।

শহরের বাহিরে দেশ রয়েছে খোলা—

গতি বাড়াল ক্ষততায়, ঘনিত হলো তার রহস্য ।

সমুদ্রে চলা জাহাজের উদ্দীপ্ত আত্মসমাহতি এখন তার ।

এবার আরম্ভ করল তার গান— প্রথমে খুব ধীর শব্দে,

তার পরে জোরে, শেষে একেবারে উন্নত শীংকারে—

চলার বাক্যে বাক্যে বাজে তার বাঁশির চিংকার-গান,

বধির-করা শব্দের বড় ঝঙ্কত হল স্রব্দে, যন্ত্রে যন্ত্রে

অগণ্য কলকল্লায় অন্তর্লীন সংঘর্ষে ।

আর সব খন হাঙ্কা, বায়বীয়

চলেছে আনন্দিত ছন্দ তার চাকার তলায় ।

লৌহ ল্যাগুন্সেপ পেরিয়ে তার লাইনের পর দিয়ে বাষ্পবেগে

ঝাঁপিয়ে পড়ল এখন সে পাগল নূতন মুখের অধ্যায়ে,

যেখানে গতি ছুঁড়ে ছুঁড়ে ফেলছে নব নব অদ্ভুত আকার,

প্রশস্ত বীকা রেখা,

সযুগ্মরেখা বন্দুকের স্টীলের মতো পরিষ্কার ।

অবশেষ এডিনব্রো, রোমের চেয়েও দূরে ।

পৃথিবীর চূড়ান্ত ছাড়িয়ে, পৌছল রাত্রিতে—

যেখানে কেবলমাত্র এক অবনত স্ত্রীমলাইন উজ্জলতা

ফসফরাস-এ শাদা হয়ে উঠেছে টলমল পাহারার 'পরে ।

আহা ! ধূমকেতুর মতো অগ্নিশিখায় বিমুগ্ধ সে চলেছে এগিয়ে

তুরীয় আপন সংগীতে,— কোনো পাখির গান, না,

মধুভরা কুঁড়িতে ফেটে যাওয়া কোনো পল্লবও তার কাছে লাগে না

আরভিড গুলেনবার্গার

পশ্চিমী সমাধিক্ষেত্র

নিত্য বহমান হাওয়া তাতে সমস্ত ভেসে চলেছে ।

এই সমাধিক্ষেত্র, প্রথম ওয়াগন্-গাড়ির সময় থেকে

—পূর্বে সেই গাড়িতে মৃতের যাত্রা নির্ধারিত হত—

বছর দশেক ধরে একই ভাবে রইল, ধূসর কাঠের খুঁটি থেকে
আরেক খুঁটি পর্যন্ত লোহার কাঁটা-অলা তারের দীর্ঘতর ব্যাপ্তি ।

পাথর, ক্রুশ-চিহ্ন উর্ধ্বাংশে বিচিত্র অঙ্কুলি-নির্দেশ ;

সঙ্গে-সঙ্গে প্রায় সমান উঁচু ঘাস বহুকাল গজিয়ে উঠে

কবর আর বেড়ার ধার থেকে সব আগাছা বিলুপ্ত করেছে ।

সমস্তটা পরিচ্ছন্ন প্রেয়সি মাঠ, কেবল এই স্মারাগিক প্রস্তরসারি

অস্পষ্ট, যেমন ঐ আদিম-অধিবাসী সিউ ইণ্ডিয়ানদের তোলা

টেপি পাথর-চক্র

দক্ষিণদিকে পাহাড়ের সীমা-আকানোর ।

এখানে বিলম্বিত সময় আর ঘাস অস্তিত্বের ভাবনাকেও

ভুলিয়ে দিয়েছে অগ্রমনস্কতায় ;

অনামী ঘাস দূর দূর দৃশ্যন্তরে আন্মোলিত,

হাওয়ার আলিঙ্গনে এখানে শুধু ঈষৎ কম্পমান—

প্রত্যেক থরথর ঘাসের ফলকে বিশুদ্ধ অসংগতি,

কবর বা পাথর, মৃত অতীত অথবা ভবিষ্যতের সঙ্গে কোনো যোগ নেই ।

এখানে কোনো হিসাব রাখা নেই মৃতের আগমনের,

অথবা তার ছেলের চলে-যাওয়ার কোনো হেতু :

শুধু ঘাসের জমি এই, যেখানে স্মৃতির পা রাখবার জায়গা নেই,

বিশুদ্ধ, পরিচয়হীন, এবং শেষ পর্যন্ত অজ্ঞেয় ॥

